

तैत्तिरीयोपनिषत्

(with Arunaprashnam and Trinaachiketaṃ)

Contents

1	श्रीक्षा वल्ली.....	7
1.1	पूर्वशान्ति पाठः.....	7
1.2	शिक्षाशास्त्रार्थ सङ्ग्रहः.....	7
1.3	संहितोपासनं.....	8
1.4	मेघादि-सिद्ध्यर्था आवहन्ती होम मन्त्राः.....	9
1.5	व्याहृत्युपासनं.....	10
1.6	मनोमयत्वादि-गुणक-ब्रह्मोपासनया स्वाराज्य-सिद्धिः.....	11
1.7	पृथिव्या द्युपाधिक-पञ्च-ब्रह्मोपासनं.....	12
1.8	प्रणवोपासनम्.....	12
1.9	स्वाध्याय-प्रशंसा.....	13
1.10	ब्रह्मज्ञान-प्रकाशक-मन्त्रः.....	13
1.11	शिष्यानुशासनम्.....	14
1.12	उत्तर शान्ति पाठः.....	15
2	ब्रह्मानन्द वल्ली.....	16
2.1	उपनिषत्सार सङ्ग्रहः.....	16
2.2	पञ्चकोश-विवरणं.....	16
2.3	अभयप्रतिष्ठा.....	20
2.4	ब्रह्मानन्दमीमांसा.....	20

3 भृगु वल्ली	24
3.1 ब्रह्मजिज्ञासा	24
3.2 पञ्चकोशान्तः स्थित-ब्रह्मनिरूपणम्	24
3.3 अन्नब्रह्मोपासनम्	26
3.4 सदाचारप्रदर्शनम् । ब्रह्मानन्दानुभवः	27
4 महा नारायणोपनिषत्	31
4.1 अम्भस्यपारे	31
4.2 गायत्री मन्त्राः	37
4.3 दूर्वा सूक्तं	39
4.4 मृत्तिका सूक्तं	39
4.5 शत्रुजय मन्त्राः	40
4.6 अघमर्षण सूक्तं	42
4.7 दुर्गा सूक्तं	45
4.8 व्याहृति होम मन्त्राः	46
4.9 ज्ञानप्राप्त्यर्था होममन्त्राः	47
4.10 वेदाविस्मरणाय जपमन्त्राः	47
4.11 तपः प्रशंसा	48
4.12 विहिताचरण प्रशंसा निषिद्धाचरण निन्दा च	48
4.13 दहर विद्या	48
4.14 नारायण सूक्तं	51
4.15 आदित्य मण्डले परब्रह्मोपासनं	53

4.16 आदित्यपुरुषस्य सर्वात्मकत्व प्रदर्शनं.....	53
4.17 शिवोपासन मन्त्राः.....	54
4.18 पश्चिमवक्त्र प्रतिपादक मन्त्रः.....	54
4.19 उत्तर वक्त्र प्रतिपादक मन्त्रः.....	55
4.20 दक्षिण वक्त्र प्रतिपादक मन्त्रः.....	55
4.21 प्राग्वक्त्र प्रतिपादक मन्त्रः.....	55
4.22 ऊर्ध्व वक्त्र प्रतिपादक मन्त्रः.....	55
4.23 नमस्कारार्थ मन्त्राः.....	55
4.24 अग्निहोत्र हवण्याः उपयुक्तस्य वृक्ष विशेष-स्याभिधानम्.....	56
4.25 रक्षोघ्न मन्त्र निरूपणं.....	57
4.26 भूदेवताक मन्त्रः.....	58
4.27 सर्वा देवता आपः.....	58
4.28 सन्ध्यावन्दन मन्त्राः.....	58
4.29 प्रणवस्य ऋष्यादि विवरणं.....	59
4.30 गायत्र्यावाहन मन्त्राः.....	60
4.31 गायत्री उपस्थान मन्त्राः.....	61
4.32 आदित्यदेवता मन्त्रः.....	61
4.33 त्रिसुपर्णमन्त्राः.....	61
4.34 मेधा सूक्तं.....	64
4.35 मृत्युनिवारण मन्त्राः.....	65
4.36 प्रजापति-प्रार्थना मन्त्रः.....	66
4.37 इन्द्रप्रार्थना मन्त्रः.....	66

4.38 मृत्युञ्जय मन्त्राः.....	66
4.39 पापनिवारका मन्त्राः	67
4.40 वसु-प्रार्थना मन्त्रः.....	68
4.41 कामोऽकार्षीत् – मन्युरकार्षीत् मन्त्रः.....	68
4.42 विरजा होम मन्त्राः.....	68
4.43 वैश्वदेव मन्त्राः	71
4.44 प्राणाहुति मन्त्राः	73
4.45 भुक्तान्नाभिमन्त्रण मन्त्राः.....	74
4.46 भोजनान्ते आत्मानुसन्धान मन्त्राः.....	75
4.47 अवयवस्वस्थता प्रार्थना मन्त्रः.....	75
4.48 इन्द्र सप्तर्षि संवाद मन्त्रः.....	75
4.49 हृदयालंभन मन्त्रः	75
4.50 देवता प्राणनिरूपण मन्त्रः.....	75
4.51 अग्नि स्तुति मन्त्रः.....	75
4.52 अभीष्ट याचना मन्त्रः.....	76
4.53 पर तत्त्व निरूपणं	76
4.54 ज्ञान साधन निरूपणं	77
4.55 ज्ञानयज्ञः.....	81
5 अरुणप्रश्नः-तैत्तिरीयारण्यकं.....	84
6 त्रिणाचिकेतं.....	139

Notes: This Book has been brought to you with the courtesy of some Veda learners who have collaborated to prepare this book.

Please give your feedback, comments and report errors to the e-mail id vedavms@gmail.com. We shall strive to make this book more accurate and error-free.

You may note that there are inherent “paata bedhas” when we compare various sources and books. We have made constant reference to the Taittiriya Sakhaa compiled and commented by Shri. Sayanacharya of 13th Century and Shri Bhatta Bhaskaracharya (period unknown). Their manuscript compilations were later converted into books by great Scholars. One of such sets of “Taittiriya” was printed and published during early 1900 A.D. at Govt. Branch Press, Mysore and another set later published under “Anandaashram Series”. These Books were referred to by us as our primary source material for this Book.

This book has not been prepared with any commercial purpose and is purely for studies.

Conventions used in Letters:

◡ - is represented by (g)

◡◡ – is represented by (gg)

◡◡̣ – is represented by (gm)

◡̣ – is represented as anunaasikam

Version Notes: Version 3.1 dated 28th February 2019.

In this Version,

- 1. Source reference of Mantras have been provided**
- 2. Conventions usage has been more standardised**
- 3. Corrections found and reported till 15th February 2019 incorporated.**

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 शीक्षा वल्ली

(TA 5.1.1 to TA 5.12.1)

1.1 पूर्वशान्ति पाठः

श॒न्नो॑ मि॒त्रः शं॑ व॒रुणः॑ । श॒न्नो॑ भव॒त्वर्य॑मा । श॒न्न इन्द्रो॑ बृ॒हस्प॑तिः ।
 श॒न्नो वि॒ष्णु-रु॒रुक्रमः॑ । न॒मो ब्र॒ह्मणे॑ । न॒मस्ते॑ वा॒यो ।
 त्वमे॒व प्र॒त्यक्षं॑ ब्र॒ह्मासि॑ । त्वमे॒व प्र॒त्यक्षं॑ ब्र॒ह्म वदि॑ष्यामि । ऋ॒तं वदि॑ष्यामि ।
 स॒त्यं वदि॑ष्यामि । तन्मा॒मवतु॑ । तद्व॒क्तार॑मवतु । अ॒वतु॑ मां ।
 अ॒वतु॑ व॒क्तारं॑ ॥

ओं शान्तिः॑ शान्तिः॑ शान्तिः॑ ॥ 1.1

1.2 शिक्षाशास्त्रार्थ सङ्ग्रहः

शी॒क्षां व्या॒ख्यास्या॑मः । वर्णः॑ स्वरः॑ । मात्रा॑ बलं॑ । साम॑ सन्तानः॑ ।
 इत्यु॒क्तः शी॒क्षाध्या॑यः ॥ 2.1

1.3 संहितोपासनं

स॒ह नौ॑ य॒शः । स॒ह नौ॑ ब्र॒ह्मव॑र्च॒सं ।

अथा॑तः स॒ं॒हि॒ताया॑ उप॒निष॑दं ॥ व्या॒ख्या॑स्यामः । पञ्च॑स्व॒धि॒क॒रणेषु॑ ।

अ॒धि॒लोक॑-म॒धि॒ज्यौति॑ष-म॒धि॒विद्य॑-म॒धि॒प्रज॑-म॒ध्या॒त्मं ।

ता म॒हास॑ं॒हि॒ता इ॒त्याच॑क्ष॒ते । अथा॑धि॒ लोकं॑ । पृथि॑वी पूर्॒वरूपं॑ ।

द्वौरु॑त्तरूपं । आका॑शः स॒न्धिः ॥ 3.1

वा॒युः स॒न्धा॒नं । इ॒त्यधि॑ लोकं । अथा॑धि॒ ज्यौति॑षं । अ॒ग्निः पूर्॒व रूपं॑ ।

आ॒दि॒त्य उत्त॑ररूपं । आ॒पः स॒न्धिः । वैद्यु॑तः स॒न्धा॒नं । इ॒त्यधि॑ ज्यौ॒तिषं॑ ।

अथा॑धि॒ विद्यं॑ । आ॒चार्यः पूर्॒व रूपं॑ ॥ 3.2

अ॒न्तेवा॑स्युत्तररूपं । वि॒द्या स॒न्धिः । प्र॒वच॑नं स॒न्धा॒नं । इ॒त्यधि॑ वि॒द्यं ।

अथा॑धि॒प्रजं॑ । मा॒ता पूर्॒वरूपं॑ । पि॒तोत्त॑ररूपं । प्र॒जा स॒न्धिः ।

प्र॒जन॑नं स॒न्धा॒नं । इ॒त्यधि॑प्रजं ॥ 3.3

अथा॑ध्या॒त्मं । अ॒ध॒रा॒ह॒नुः पूर्॒व रूपं॑ । उ॒त्त॒रा॒ह॒नु-रु॒त्त॒ररूपं॑ । वा॒ख्-स॒न्धिः ।

जि॒ह्वा स॒न्धा॒नं । इ॒त्यध्या॒त्मं । इ॒ती मा॑म॒हास॑ं॒हि॒ताः ।

य ए॒वमे॒ता म॒हास॒हि॒ता व्या॒ख्या॒ता वे॒द । स॒न्धी॒यते॑ प्र॒जया॑ प॒शुभिः॑ ।
 ब्र॒ह्मव॑र्च॒सेना॒न्नाद्ये॑न सु॒वर्ग्ये॑ण लो॒केन॑ ॥ 3.4

1.4 मे॒घादि॒-सिद्ध्य॑र्था आ॒वह॑न्ती होम मन्त्राः

यश्छ॑न्द॒सा-मृ॒षभो॑ वि॒श्वरू॑पः । छ॒न्दो॒भ्यो-ऽध्य॑मृता॒थ् सं॒बभू॑व ।
 स मे॒न्द्रो मे॒धया॑ स्पृ॒णोतु॑ । अ॒मृत॑स्य दे॒व धा॑रणो भू॒यासं॑ ।
 शरी॑रं मे वि॒चर्ष॑णं । जि॒ह्वा मे॑ म॒धुम॑त्त॒मा । कर्णा॑भ्यां भू॒रि वि॑श्रु॒वं ।
 ब्र॒ह्मणः॑ को॒शोऽसि॑ मे॒धया॑ पि॒हितः॑ । श्रु॒तं मे॑ गो॒पाय॑ ।
 आ॒वह॑न्ती वि॒तन्वा॑ना ॥ 4.1

कु॒र्वाणा॑ ची॒र-मा॒त्मनः॑ । वा॒साऽसि॑ म॒म गा॑वश्च । अ॒न्नपा॑ने च स॒र्वदा॑ ।
 ततो॑ मे श्रि॒य-मा॑वह । लो॒मशां॑ प॒शुभिः॑ सह स्वाहा॑ ।
 आ॒माय॑न्तु ब्र॒ह्मचा॑रिणः स्वाहा॑ । वि॒माऽऽय॑न्तु ब्र॒ह्मचा॑रिणः स्वाहा॑ ।

प्र॒माऽऽय॑न्तु ब्र॒ह्मचा॑रिणः स्वाहा॑ । द॒माय॑न्तु ब्र॒ह्मचा॑रिणः स्वाहा॑ ।
 श॒माय॑न्तु ब्र॒ह्मचा॑रिणः स्वाहा॑ ॥ 4.2

य॒शो॑ ज॒ने॑ऽसा॒नि स्वा॒हा॑ । श्रे॒या॒न् व॒स्य॑सोऽसा॒नि स्वा॒हा॑ ।
 तं त्वा॑ भ॒ग प्र॒वि॒शा॒नि स्वा॒हा॑ । स मा॑ भ॒ग प्र॒वि॒श स्वा॒हा॑ ।
 तस्मि॑न॒थ् स॒हस्र॑शा॒खे । नि॒भ॒गा॒हं त्वयि॑ मृ॒जे स्वा॒हा॑ ।
 यथाऽऽपः॑ प्र॒व॒ताऽऽय॑न्ति । यथा॑ मा॒सा अ॒हर्ज॑रं ।
 ए॒वं मां ब्र॑ह्म॒चा॒रिणः॑ । धा॒त॒रा॒य॒न्तु॑ स॒र्व॒तः स्वा॒हा॑ ।
 प्र॒ति॒वे॒शो॑ऽसि प्र मा॑ भा॒हि प्र मा॑ प॒द्य॒स्व ॥ 4.3

1.5 व्याहृत्युपासनं

भू-भु॒व-स्सु॒व-रि॒ति वा॑ ए॒ता स्ति॒स्रो व्या॑हृतयः ।
 ता॒सा॒मु॒ह॒स्मै तां॑ च॒तु॒र्थीं॑ । मा॒हा॒च॒म॒स्यः प्र॑वे॒द॒य॒ते ।
 म॒ह इति॑ । तद् ब्र॑ह्म । स आ॒त्मा । अ॒ङ्गान्य॒न्या दे॒वताः॑ ।
 भू॒रि॒ति वा॑ अ॒यं लो॒कः । भु॒व इत्य॑न्तरि॒क्षं । सु॒व-रि॒त्यसौ॑ लो॒कः ॥ 5.1

म॒ह इत्या॑दि॒त्यः । आ॒दि॒त्ये॒न वा॒व स॒र्वे लो॒का म॑ही॒य॒न्ते ।
 भू॒रि॒ति वा॑ अ॒ग्निः । भु॒व इति॑ वा॒युः । सु॒व॒रि॒त्यादि॒त्यः ।
 म॒ह इति॑ च॒न्द्र॒माः । च॒न्द्र॒म॒सा वा॒व स॒र्वा॒णि ज्योती॑षि॒ म॑ही॒य॒न्ते ।

भू-रिति वा ऋचः । भुव इति सामानि । सुव रिति यजूंषि ॥ 5.2

मह इति ब्रह्म । ब्रह्मणा वाव सर्वे वेदा महीयन्ते । भूरिति वै प्राणः ।
भुव इत्यपानः । सुवरिति व्यानः । मह इत्यन्नं ।

अन्नेन वाव सर्वे प्राणा महीयन्ते । ता वा एता-श्चतस्रश्चतुर्धा ।
चतस्र-श्चतस्रो व्याहतयः । ता यो वेद । स वेद ब्रह्म ।

सर्वेऽस्मै देवा बलिमावहन्ति ॥ 5.3

1.6 मनोमयत्वादि-गुणक-ब्रह्मोपासनया स्वाराज्य-सिद्धिः

स य एषोऽन्तर् हृदय आकाशः । तस्मिन्नयं पुरुषो मनोमयः ।
अमृतो हिरण्मयः । अन्तरेण तालुके । य एष स्तन इवावलम्बते ।
सैन्द्र योनिः । यत्रासौ केशान्तो विवर्तते । व्यपोह्य शीर्षकपाले ।

भूरित्यग्नौ प्रतितिष्ठति । भुव इति वायौ ॥ 6.1

सुवरित्यादित्ये । मह इति ब्रह्मणि । आप्नोति स्वाराज्यं ।
आप्नोति मनसस्पतिं । वाक्पतिश्चक्षुष्पतिः । श्रोत्रपतिर्विज्ञानपतिः ।
एतत् ततो भवति । आकाश शरीरं ब्रह्म ।

स॒त्यात्म॑ प्रा॒णारा॑मं॒ मन॑ आ॒नन्दं॑ । शान्ति॑ समृ॒द्ध-म॑मृतं॑ ॥

इति॑ प्राची॒न यो॒ग्योपा॑स्स्व ॥ 6.2

1.7 पृथिव्या द्युपाधिक-पञ्च-ब्रह्मोपासनं

पृ॒थि॒व्यन्त॑रि॒क्षं द्यौर्-दि॒शोऽवा॑न्तरदि॒शाः ।

अ॒ग्निर्-वा॒यु-रा॒दित्य॑-श्चन्द्र॒मा नक्ष॑त्राणि ।

आप॑ ओष॒धयो॑ वनस्प॒तय॑ आकाश॒ आत्मा॑ । इत्य॑धिभू॒तं । अथा॑ध्या॒त्मं ।

प्रा॒णो व्या॑नोऽपान॒ उदा॑नः॒ समानः॑ । चक्षुः॑ श्रोत्रं॒ मनो॑ वाक् त्वक् ।

चर्म॑ मा॒ञ् स॒स्नावा॑स्थि॒ मज्जा॑ । एत॑दधिवि॒धाय॑र्षि॒रवो॑चत्

(ऋषि॑रवो॒चत्) । पा॒ङ्क्तं॑ वा॒ इद॑ञ् सर्वं॑ ॥

पा॒ङ्क्ते॑नै॒व पा॒ङ्क्तञ् स्पृ॑णोतीति ॥ 7.1

1.8 प्रणवोपासनम्

ओ-मि॒ति ब्र॑ह्म । ओ-मि॒तीद॑ञ् सर्वं॑ ॥

ओमि॒त्येत॑-दनु॒कृति॑ ह॒स्म वा॒ अप्यो॑ श्राव॒येत्या॑श्रावयन्ति ।

ओ-मि॒ति सा॒मानि॑ गायन्ति । ओञ् शोमि॒ति श॒स्त्राणि॑ शञ्सन्ति ।

ओ-मित्य॑ध्व॒र्युः प्र॑ति॒गरं॑ प्र॒ति॒गृ॒णाति॑ । ओ-मि॒ति ब्र॒ह्मा प्र॑सू॒ति ।
 ओ-मित्य॑ग्नि॒होत्र॑-मनु॒जाना॑ति । ओ-मि॒ति ब्रा॒ह्मणः॑ प्र॒वक्ष्य॑न्नाह
 ब्रह्मोपा॑प्नवानीति । ब्रह्मै॒वो-पा॑प्नोति ॥ 8.1

1.9 स्वाध्याय-प्रशंसा

ऋ॒तं च॑ स्वाध्याय प्रव॒चने॑ च । सत्यं॑ च स्वाध्याय प्रव॒चने॑ च ।
 तपश्च॑ स्वाध्याय प्रव॒चने॑ च । दमश्च॑ स्वाध्याय प्रव॒चने॑ च ।
 शमश्च॑ स्वाध्याय प्रव॒चने॑ च । अ॒ग्नयश्च॑ स्वाध्याय प्रव॒चने॑ च ।
 अ॒ग्निहो॑त्रं च स्वाध्याय प्रव॒चने॑ च । अ॒तिथयश्च॑ स्वाध्याय प्रव॒चने॑ च ।
 मा॒नुषं॑ च स्वाध्याय प्रव॒चने॑ च । प्र॒जा च॑ स्वाध्याय प्रव॒चने॑ च ।
 प्र॒जनश्च॑ स्वाध्याय प्रव॒चने॑ च । प्र॒जातिश्च॑ स्वाध्याय प्रव॒चने॑ च ।
 सत्य॑मिति सत्यवचा॑ राथी॒तरः॑ । तप॑ इति तपो॒नित्यः॑ पौरु॒शिष्टिः॑ ।
 स्वाध्याय प्रव॒चने॑ एवेति॑ नाको॒ मौद्ग॑ल्यः । तद्धि॑ तप॒स्तद्धि॑ तपः ॥ 9.1

1.10 ब्रह्मज्ञान-प्रकाशक-मन्त्रः

अ॒हं वृ॑क्षस्य रे॒रिवा॑ । की॒र्त्तिः पृ॑ष्ठं गिरे॒रिव॑ ।
 ऊ॒र्ध्वं प॑वि॒त्रो वा॒जिनी॑व स्वमृ॒तम॑स्मि । द्र॒विण॑ꣳ स॒र्वर्च॑सं ।

सुमेधा अमृतोक्षितः । इति त्रिशङ्कोर्-वेदानुवचनं ॥ 10.1

1.11 शिष्यानुशासनम्

वेदमनूच्या-चार्योन्तेवासिन-मनुशास्ति ।

सत्यं वद । धर्मं चर । स्वाध्यायान्मा प्रमदः ।

आचार्याय प्रियं धनमाहृत्य प्रजातन्तुं मा व्यवच्छेत्सीः ।

सत्यान्न प्रमदितव्यं । धर्मान्न प्रमदितव्यं । कुशलान्न प्रमदितव्यं ।

भूत्यै न प्रमदितव्यं । स्वाध्याय प्रवचनाभ्यां न प्रमदितव्यं ॥ 11.1

देवपितृकार्याभ्यां न प्रमदितव्यं । मातृ देवो भव । पितृ देवो भव ।

आचार्य देवो भव । अतिथि देवो भव । यान्यनवद्यानि कर्माणि ।

तानि सेवितव्यानि । नो इतराणि । यान्यस्माकं सुचरितानि ।

तानि त्वयोपास्यानि ॥ 11.2

नो इतराणि । ये के चास्म-च्छ्रेयांसो ब्राह्मणाः ।

तेषां त्वयाऽऽसने न प्रश्वसितव्यं । श्रद्धया देयं । अश्रद्धयाऽदेयं ।

श्रिया देयं । ह्रिया देयं । भिया देयं । सम्विदा देयं ।

अथ यदि ते कर्मविचिकिथ्सा वा वृत्त विचिकिथ्सा वा स्यात् ॥ 11.3

ये तत्र ब्राह्मणाः॥ सम्मर्॒.शि॒नः । यु॒क्ता॑ आ॒यु॒क्ताः । अ॒लू॒क्षा॑ ध॒र्म॒का॒मा॒स्स्युः॑ ।
 यथा ते॑ तत्र॑ वर्ते॒रन् । तथा तत्र॑ वर्ते॒थाः । अथाभ्या॑ख्यातेषु ।
 ये तत्र ब्राह्मणाः॥ सम्मर्॒.शि॒नः । यु॒क्ता॑ आ॒यु॒क्ताः । अ॒लू॒क्षा॑ ध॒र्म॒
 का॒मा॒स्स्युः॑ । यथा ते॑ तेषु॑ वर्ते॒रन् । तथा तेषु॑ वर्ते॒थाः ।
 एष॑ आ॒देशः॑ । एष॑ उ॒प॒देशः॑ । एषा॑ वे॒दो॒प॒नि॒षत् । एत॑दनुशा॒सनं॑ ।
 ए॒व मु॒पा॒सि॒तव्यं॑ । ए॒व मु॒चै॒तदु॒पा॒स्यं॑ ॥ 11.4

1.12 उत्तर शान्ति पाठः

श॒न्नो मि॒त्रः शं॑ व॒रुणः॑ । श॒न्नो भ॒व॒त्वर्य॑मा । श॒न्न इन्द्रो॑ बृ॒ह॒स्प॒तिः॑ ।
 श॒न्नो वि॒ष्णु रुरु॑क्रमः । न॒मो ब्र॒ह्म॒णे । न॒म॒स्ते वा॒यो ।
 त्वमे॒व प्र॒त्यक्षं॑ ब्र॒ह्मा॒सि । त्वामे॒व प्र॒त्यक्षं॑ ब्र॒ह्मा वा॒दिषं॑ । ऋ॒त॒म॒वा॒दिषं॑ ।
 स॒त्य॒म॒वा॒दिषं॑ । तन्मा॒मा॒वीत् । तद्व॒क्ता॒र॒मा॒वीत् ।
 आ॒वी॒न्मां॑ । आ॒वी॒द्व॒क्ता॒रं॑ ।
 ओं शान्तिः॑ शान्तिः॑ शान्तिः॑ ॥ 12.1

॥ इति शीक्षावल्ली समाप्ता ॥

2 ब्रह्मानन्द वल्ली

(TA 5.13.1 to TA 5.14.9)

सह॑ ना॒ ववतु॑ । सह॑ नौ॒ भुनक्तु॑ । सह॑ वी॒र्यं॑ करवावहै ।

तेज॑स्विना॒ वधी॑तमस्तु॒ मा वि॑द्विषावहै॑ ॥ ओं॑ शान्तिः॒ शान्तिः॒ शान्तिः॑ ॥

2.1 उपनिषत्सार सङ्ग्रहः

ब्रह्म॑विदाप्नोति॑ परं॑ । तदेषा॑ऽभ्युक्ता । सत्यं॑ ज्ञान-मनन्तं॑ ब्रह्म॑ ।

यो वेद॑ निहितं॑ गुहायां॑ परमे॑ व्योमन् । सोऽऽनु॑ते सर्वान्॑ कामान्थ् सह॑ ।

ब्रह्म॑णा विपश्चि॑तेति । तस्मा॑द्वा एतस्मा॑दात्मन॑ आकाशः॑ संभूतः॑ ।

आकाश॑ाद् वायुः॑ । वायो॑रग्निः॑ । अग्ने॑रापः॑ । अद्भ्यः॑ पृथि॒वी ।

पृथि॒व्या ओष॑धयः॑ । ओष॑धीभ्योऽन्नं॑ ॥ अन्ना॑त् पुरुषः॑ ।

स वा एष॑ पुरुषोऽन्न॑रसमयः॑ । तस्ये॑दमेव॑ शिरः॑ । अयं॑ दक्षिणः॑ पक्षः॑ ।

अयमु॑त्तरः॑ पक्षः॑ । अयमा॑त्मा । इदं॑ पुच्छं॑ प्रतिष्ठा ।

तदप्येष॑ श्लो॒को भव॑ति ॥ 1.1

2.2 पञ्चकोश-विवरणं

अन्ना॑द्वै प्रजाः॑ प्रजाय॑न्ते । याः काश्च॑ पृथि॒वीऽश्रिताः॑ ।

अथो॑ अन्ने॑नैव जीव॑न्ति । अथै॑न दपि॑यन्त्यन्ततः॑ ।

अ॒न्नं॑ हि॒ भू॒ता॒नां॑ ज्येष्ठं॑ । तस्मा॑त् सर्वो॑षध-मुच्यते ।

सर्वं॑ वै तेऽन्नमाप्नुवन्ति । येऽन्नं॑ ब्रह्मोपासते । अ॒न्नं॑ हि॒ भू॒ता॒नां॑ ज्येष्ठं॑ ।
तस्मा॑त् सर्वो॑षध-मुच्यते । अ॒न्नाद् भू॒तानि॑ जायन्ते ।

जा॒ता॒न्यन्ने॑न वर्द्धन्ते । अद्य॑तेऽस्ति च॑ भू॒तानि॑ । तस्मा॑दन्नं तदुच्यते॑ इति ।

तस्मा॑द्वा एतस्मा॑-दन्नरसमयात् । अन्यो॑ऽन्तर आ॒त्मा प्रा॑ण मयः ।

तेनै॑ष पूर्णः । स वा एष॑ पुरुषविध एव । तस्य॑ पुरुष॑ विधतां ।

अ॒न्वयं॑ पुरुष॑ विधः । तस्य॑ प्रा॑ण ए॒व शि॒रः । व्या॒नो दक्षि॑णः पक्षः ।

अ॒पान॑ उत्तरः पक्षः । आ॒काश॑ आ॒त्मा । पृ॒थि॒वी पु॒च्छं प्र॒तिष्ठा॑ ।

तद॒प्येष॑ श्लो॒को भ॒वति॑ ॥ 2.1

प्रा॒णं दे॒वा अ॒नुप्रा॑णन्ति । म॒नुष्याः॑ प॒शव॑श्च ये । प्रा॒णो हि॒ भू॒ता॒नामा॑युः ।

तस्मा॑त् सर्वा॑युष मुच्यते । सर्व॑मे॒व त आ॑युर्यन्ति । ये प्रा॒णं ब्रह्मो॑पासते ।

प्रा॒णो हि॒ भू॒ता॒नामा॑युः । तस्मा॑त् सर्वा॑युष-मुच्यते॑ इति ।

तस्यै॑ष ए॒व शा॑रीर आ॒त्मा । यः पूर्॑वस्य । तस्मा॑द्वा एतस्मा॑त् प्रा॑णमयात् ।

अ॒न्योऽन्तर॑ आ॒त्मा म॒नोम॑यः । तेनै॑ष पूर्णः । स वा एष॑ पुरुषविध एव ।

तस्य॑ पु॒रुष॑वि॒धतां॑ । अ॒न्वयं॑ पु॒रुष॑वि॒धः । तस्य॑ यजु॒रेव॑ शि॒रः ।
 ऋ॒ग् दक्षि॑णः पक्षः । सा॒मोत्तरः॑ पक्षः । आ॒देश॑ आ॒त्मा ।
 अथ॑र्वाङ्गि॒रसः॑ पु॒च्छं प्रति॑ष्ठा । तद॒प्येष॑ श्लो॒को भ॒वति॑ ॥ 3.1

यतो॑ वा॒चो नि॒वर्त्त॑न्ते । अ॒प्राप्य॑ म॒नसा॑ सह । आ॒नन्दं॑ ब्र॒ह्म॒णो वि॒द्वान् ।
 न बि॒भेति॑ कदा॒चने॑ति । तस्यै॑ष ए॒व शा॒रीर॑ आ॒त्मा । यः पूर्॒वस्य॑ ।
 तस्मा॑द्वा ए॒तस्मान्॑ म॒नोम॑यात् । अ॒न्योऽन्तर॑ आ॒त्मा वि॒ज्ञान॑मयः ।
 तेनै॑ष पूर्णः । स वा ए॒ष पु॒रुष॑वि॒ध ए॒व । तस्य॑ पु॒रुष॑ वि॒धतां॑ ।
 अ॒न्वयं॑ पु॒रुष॑ वि॒धः । तस्य॑ श्र॒द्धैव॑ शि॒रः । ऋ॒तं दक्षि॑णः पक्षः ।
 सत्य॑मु॒त्तरः॑ पक्षः । यो॒ग आ॒त्मा । महः॑ पु॒च्छं प्रति॑ष्ठा ।
 तद॒प्येष॑ श्लो॒को भ॒वति॑ ॥ 4.1

वि॒ज्ञानं॑ य॒ज्ञं त॑नुते । कर्मा॑णि त॒नुतेऽपि॑ च । वि॒ज्ञानं॑ दे॒वाः सर्वे॑ ।
 ब्र॒ह्म ज्येष्ठ॑-मुपा॒सते॑ । वि॒ज्ञानं॑ ब्र॒ह्म चेद् वेद॑ । तस्मा॑च्चे॒न्न प्र॒माद्य॑ति ।
 शरी॑रे पाप्म॒नो हि॒त्वा । सर्वा॑न्-का॒मान्-सम॑श्नुत इति ।
 तस्यै॑ष ए॒व शा॒रीर॑ आ॒त्मा । यः पूर्॒वस्य॑ ।

तस्माद्वा एतस्माद्-विज्ञानमयात् । अन्योऽन्तर आत्माऽऽनन्दमयः ।
 तेनैष पूर्णः । स वा एष पुरुषविध एव । तस्य पुरुषविधतां ।
 अन्वयं पुरुषविधः । तस्य प्रिय-मेव शिरः । मोदो दक्षिणः पक्षः ।
 प्रमोद उत्तरः पक्षः । आनन्द आत्मा । ब्रह्म पुच्छं प्रतिष्ठा ।
 तदप्येष श्लोको भवति ॥ 5.1

असन्नेव स भवति । असद् ब्रह्मेति वेद चेत् । अस्ति ब्रह्मेति चेद् वेद ।
 सन्तमेनं ततो विदुरिति । तस्यैष एव शरीर आत्मा । यः पूर्वस्य ।
 अथातोऽनु प्रश्नाः । उता विद्वा नमुं लोकं प्रेत्य । कश्चन गच्छती(3) ।
 आहो विद्वानमुं लोकं प्रेत्य । कश्चित् समश्नुता(3) उ । सोऽकामयत ।
 बहुस्यां प्रजायेयेति । स तपोऽतप्यत । स तपस्तप्त्वा ।
 इदं सर्व-मसृजत । यदिदं किञ्च । तथ्सृष्ट्वा । तदेवानु प्राविशत् ।
 तदनुप्रविश्य । सच्च त्यच्चाभवत् । निरुक्तं चा निरुक्तं च ।
 निलयनं चा निलयनं च । विज्ञानं चा विज्ञानं च ।
 सत्यं चानृतं च सत्य-मभवत् । यदिदं किञ्च ।

तथ्सत्य-मित्या चक्षते । तदप्येष श्लोको भवति ॥ 6.1

2.3 अभयप्रतिष्ठा

असद्वा इदमग्र आसीत् । ततो वै सदजायत । तदात्मानं स्वयं-मकुरुत ।
तस्मात् तथ् सुकृतमुच्यत इति । यद्वै तथ् सुकृतं । रसो वै सः ।

रसं ह्येवायं लब्ध्वाऽनन्दी भवति । को ह्येवान्यात् कः प्राण्यात् ।

यदेष आकाश आनन्दो न स्यात् । एष ह्येवानन्दयाति ।

यदा ह्येवैष एतस्मिन्-नदृश्ये ऽनात्म्ये ऽनिरुक्ते ऽनिलयने ऽभयं
प्रतिष्ठां विन्दते । अथ सोऽभयं गतो भवति ।

यदा ह्येवैष एतस्मिन्-नुदर-मन्तरं कुरुते । अथ तस्य भयं भवति ।
तत्त्वेव भयं विदुषो-ऽमन्वानस्य । तदप्येष श्लोको भवति ॥ 7.1

2.4 ब्रह्मानन्दमीमांसा

भीषाऽस्मा-द्वातः पवते । भीषोदेति सूर्यः । भीषाऽस्मा-दग्नि-श्चेन्द्रश्च ।

मृत्युर् धावति पञ्चम इति । सैषाऽनन्दस्य मीमांसा भवति ।

युवा स्यात् साधु युवाऽध्यायकः । आशिष्ठो दृढिष्ठो बलिष्ठः ।

तस्येयं पृथिवी सर्वा वित्तस्य पूर्णा स्यात् । स एको मानुष आनन्दः ।

ते ये शतं मानुषा आनन्दाः ॥ 8.1

स एको मनुष्यगन्धर्वाणा-मानन्दः । श्रोत्रियस्य चाकामहतस्य ।

ते ये शतं मनुष्यगन्धर्वाणा-मानन्दाः । स एको देवगन्धर्वाणा-मानन्दः ।

श्रोत्रियस्य चाकामहतस्य । ते ये शतं देवगन्धर्वाणा-मानन्दाः ।

स एकः पितॄणां चिरलोकलोकाना-मानन्दः । श्रोत्रियस्य चाकामहतस्य ।

ते ये शतं पितॄणां चिरलोकलोकाना-मानन्दाः ।

स एक आजानजानां देवाना-मानन्दः ॥ 8.2

श्रोत्रियस्य चाकामहतस्य । ते ये शत-माजान-जानां देवाना मानन्दाः ।

स एकः कर्मदेवानां देवाना-मानन्दः । ये कर्मणा देवानपि यन्ति ।

श्रोत्रियस्य चाकामहतस्य । ते ये शतं कर्मदेवानां देवाना-मानन्दाः ।

स एको देवाना-मानन्दः । श्रोत्रियस्य चाकामहतस्य ।

ते ये शतं देवाना-मानन्दाः । स एक इन्द्रस्यानन्दः ॥ 8.3

श्रोत्रियस्य चाकामहतस्य । ते ये शतमिन्द्र-स्याऽऽनन्दाः ।

स एको बृहस्पते-रानन्दः । श्रोत्रियस्य चाकामहतस्य ॥

ते ये शतं बृहस्पते॑ रानन्दाः । स एकः प्रजापते॑ रानन्दः ।
 श्रोत्रियस्य चाकाम॑हतस्य । ते ये शतं प्रजापते॑-रानन्दाः ।
 स एको ब्रह्मण॑ आनन्दः । श्रोत्रियस्य चाकाम॑हतस्य ॥ 8.4

स यश्चायं॑ पुरुषे । यश्चासा॑-वादित्ये । स एकः॑ । स य एवं॑ वित् ।
 अस्माल्लो॑कात् प्रेत्य । एतमन्नमय॑-मात्मान-मुपसङ्क्राम॑ति ।
 एतं प्राणमय॑-मात्मान-मुपसङ्क्राम॑ति ।
 एतं मनोमय॑-मात्मान-मुपसङ्क्राम॑ति ।
 एतं विज्ञानमय॑-मात्मान-मुपसङ्क्राम॑ति ।
 एतमानन्दमय॑-मात्मान-मुपसङ्क्राम॑ति ।
 तदप्येष॑ श्लोको भवति ॥ 8.5

यतो वाचो॑ निवर्तन्ते । अप्राप्य॑ मनसा सह । आनन्दं ब्रह्म॑णो विद्वान् ।
 न बिभेति॑ कुतश्चनेति । एत॑ ह वा व न तपति ।
 किमहं॑ साधु नाकर॑वं । किमहं॑ पाप-मकर॑व-मिति ।
 स य एवं॑ विद्वानेते॑ आत्मानं स्पृणु॑ते ।

उ॒भे ह्ये॑वै॒ष ए॒ते आ॒त्मान॑ꣳ स्फृ॒णुते॑ । य ए॒वं ॑ वे॒द । इ॒त्यु॒पनि॑षत् ॥ 9.1

स॒ह ना॑ ववतु । स॒ह नौ॑ भुनक्तु । स॒ह वी॑र्यं॑ करवावहै ।

ते॒ज॒स्विना॑ वधी॑तमस्तु॒ मा वि॑द्विषावहै॑ ॥

ओं शान्तिः॑ शान्तिः॑ शान्तिः॑ ॥

॥ इति ब्रह्मानन्दवल्ली समाप्ता ॥

3 भृगु वल्ली

सह॑ ना॒ ववतु॑ । सह॑ नौ॒ भुनक्तु॑ । सह॑ वी॒र्यं॑ करवावहै ।

तेज॑स्विना॒ वधी॑तमस्तु॒ मा वि॑द्विषावहै॑ ॥ ओं॑ शान्तिः॒ शान्तिः॒ शान्तिः॑ ॥

(TA 5.15.1 to TA 5.15.10)

3.1 ब्रह्मजिज्ञासा

भृगु॑र्वै वा॒रुणिः॑ । वरु॑णं पि॒तर-मु॑पससार । अधी॑हि भगवो ब्रह्मेति॑ ।

तस्मा॑ एतत् प्रोवाच । अन्नं॑ प्रा॒णं चक्षुः॑ श्रोत्रं॑ मनो॑ वाचमिति॑ ।

त॒ ॐ हो॑वाच । यतो॑ वा इ॒मानि॑ भू॒तानि॑ जायन्ते ।

येन॑ जा॒तानि॑ जीवन्ति । यत् प्र॑यन्त्यभि॒ सम्वि॑शन्ति । तद् विजि॑ज्ञासस्व ।

तद् ब्रह्मेति॑ । स तपो॑ऽतप्यत । स तप-॑स्तप्त्वा ॥ 1.1

3.2 पञ्चकोशान्तः स्थित-ब्रह्मनिरूपणम्

अन्नं॑ ब्रह्मेति॑ व्यजानात् । अन्ना॑द्ध्येव॒ खल्वि॑मानि॒ भूतानि॑ जायन्ते ।

अन्नेन॑ जा॒तानि॑ जीवन्ति । अन्नं॑ प्र॑यन्त्यभि-सम्वि॑शन्तीति॑ । तद् वि॒ज्ञाय॑ ।

पुनरे॑व वरु॑णं पि॒तर-मु॑पससार । अधी॑हि भगवो ब्रह्मेति॑ ।

त॒प् हो॒वाच॑ । तप॑सा ब्र॒ह्म वि॒जि॒ज्ञास॑स्व । तपो॑ ब्र॒ह्मेति॑ ।
 स तपो॑ऽतप्यत । स तप॑-स्तप्त्वा ॥ 2.1

प्रा॒णो ब्र॒ह्मेति॑ व्य॒जाना॑त् । प्रा॒णा-द्ध्ये॑व ख॒ल्विमा॑नि भू॒तानि॑ जा॒यन्ते॑ ।
 प्रा॒णेन॑ जा॒तानि॑ जी॒वन्ति॑ । प्रा॒णं प्र॑यन्त्यभि-सम्वि॒शन्तीति॑ ।
 तद्वि॒ज्ञाय॑ । पुन॑रेव वरु॒णं पि॒तर॑-मुप॒ससार॑ । अधी॑हि भग॒वो ब्र॒ह्मेति॑ ।
 त॒प् हो॒वाच॑ । तप॑सा ब्र॒ह्म वि॒जि॒ज्ञास॑स्व । तपो॑ ब्र॒ह्मेति॑ ।
 स तपो॑ऽतप्यत । स तप॑-स्तप्त्वा ॥ 3.1

मनो॑ ब्र॒ह्मेति॑ व्य॒जाना॑त् । मन॑सो ह्ये॒व ख॒ल्विमा॑नि भू॒तानि॑ जा॒यन्ते॑ ।
 मन॑सा जा॒तानि॑ जी॒वन्ति॑ । मनः॑ प्र॑यन्त्यभि-सम्वि॒शन्तीति॑ । तद् वि॒ज्ञाय॑ ।
 पुन॑रेव वरु॒णं पि॒तर॑-मुप॒ससार॑ । अधी॑हि भग॒वो ब्र॒ह्मेति॑ । त॒प् हो॒वाच॑ ।
 तप॑सा ब्र॒ह्म वि॒जि॒ज्ञास॑स्व । तपो॑ ब्र॒ह्मेति॑ ।
 स तपो॑ऽतप्यत । स तप॑-स्तप्त्वा ॥ 4.1

वि॒ज्ञानं॑ ब्र॒ह्मेति॑ व्य॒जानात् । वि॒ज्ञाना॑-द्ध्ये॒व ख॒ल्विमा॑नि भू॒तानि॑ जा॒यन्ते॑ ।
 वि॒ज्ञाने॑न जा॒तानि॑ जी॒वन्ति॑ । वि॒ज्ञानं॑ प्र॒यन्त्य॑भि-सम्वि॑शन्तीति ।
 तद् वि॒ज्ञाय॑ । पु॒नरे॒व वरु॑णं पि॒तर-मु॑प॒ससार॑ । अधी॑हि भ॒गवो॑ ब्र॒ह्मेति॑ ।
 त॒प् हो॑वाच । त॒पसा॑ ब्र॒ह्म वि॒जिज्ञा॑सस्व । तपो॑ ब्र॒ह्मेति॑ ।
 स तपो॑ऽतप्यत । स तप॑-स्तप्त्वा ॥ 5.1

आ॒नन्दो॑ ब्र॒ह्मेति॑ व्य॒जानात् । आ॒नन्दा॑-द्ध्ये॒व-ख॒ल्विमा॑नि भू॒तानि॑ जा॒यन्ते॑ ।
 आ॒नन्दे॑न जा॒तानि॑ जी॒वन्ति॑ । आ॒नन्दं॑ प्र॒यन्त्य॑भि-सम्वि॑शन्तीति ।
 सै॒षा भा॑र्ग॒वी वा॑रु॒णी वि॒द्या । पर॑मे व्यो॒मन् प्र॑ति॒ष्ठिता॑ ।
 य ए॒वं वे॒द प्र॑ति॒तिष्ठ॑ति । अ॒न्नवा॑न॒न्नादो॑ भ॒वति॑ ।
 म॒हान् भ॑वति प्र॒जया॑ प॒शुभिर् ब्र॑ह्मव॒र्चसे॑न । म॒हान् की॒र्त्या ॥ 6.1

3.3 अन्नब्रह्मोपासनम्

अ॒न्नं न॑ नि॒न्धात् । तद् ब्र॒तं । प्रा॒णो वा॑ अ॒न्नं । शरी॑रम॒न्नादं॑ ।
 प्रा॒णो शरी॑रं प्र॒तिष्ठि॑तं । शरी॑रे प्रा॒णः प्र॑ति॒ष्ठितः॑ । तदे॒त-द॒न्न-म॒न्ने प्र॑ति॒ष्ठितं॑ ।
 स य ए॒त-द॒न्न-म॒न्ने प्र॑ति॒ष्ठितं॑ वे॒द प्र॑ति॒तिष्ठ॑ति । अ॒न्नवा॑-न॒न्नादो॑ भ॒वति॑ ।

म॒हान् भ॑वति प्र॒जया॑ प॒शुभिर्-ब्र॑ह्मवर्च॒सेन॑ । म॒हान् की॒र्त्या ॥ 7.1

अ॒न्नं न परि॑चक्षीत । तद् व्र॒तं । आ॒पो वा अ॒न्नं । ज्योति॑रन्नादं ।

अ॒प्सु ज्योतिः॑ प्रति॒ष्ठितं॑ । ज्योति॑ष्यापः प्रति॒ष्ठिताः॑ ।

तदे॒त-द॒न्न-म॒न्ने प्रति॑ष्ठितं ।

स य ए॒त-द॒न्न-म॒न्ने प्रति॑ष्ठितं वै॒द प्रति॑तिष्ठति । अ॒न्नवा-न॒न्नादो॑ भ॑वति ।

म॒हान् भ॑वति प्र॒जया॑ प॒शुभिर् ब्र॑ह्मवर्च॒सेन॑ । म॒हान् की॒र्त्या ॥ 8.1

अ॒न्नं बहु॑ कुर्वीत । तद् व्र॒तं । पृ॒थि॒वी वा अ॒न्नं । आ॒काशो॑ऽन्नादः ।

पृ॒थि॒व्या-मा॒काशः॑ प्रति॒ष्ठितः॑ । आ॒काशे॑ पृ॒थि॒वी प्रति॑ष्ठिता ।

तदे॒त-द॒न्न-म॒न्ने प्रति॑ष्ठितं । स य ए॒त-द॒न्न-म॒न्ने प्रति॑ष्ठितं वै॒द

प्रति॑तिष्ठति । अ॒न्नवा॒नन्नादो॑ भ॑वति ।

म॒हान् भ॑वति प्र॒जया॑ प॒शुभिर् ब्र॑ह्मवर्च॒सेन॑ । म॒हान् की॒र्त्या ॥ 9.1

3.4 सदाचारप्रदर्शनम् । ब्रह्मानन्दानुभवः

न कञ्चन॑ वसतौ प्रत्याचक्षीत । तद् व्र॒तं ।

तस्माद्यया॑ कया च विधया॑ बह्वन्नं प्राप्नुयात् ।

अ॒रा॒ध्य॒स्मा अ॒न्न॒मि॒त्याच॒क्ष॒ते । ए॒तद्वै॒ मु॒ख॒तोऽ॒न्न॒ꣳ रा॒ब्धं ।
 मु॒ख॒तोऽ॒स्मा अ॒न्न॒ꣳ रा॒ध्य॒ते । ए॒तद्वै॒ म॒ध्य॒तोऽ॒न्न॒ꣳ रा॒ब्धं ।
 म॒ध्य॒तोऽ॒स्मा अ॒न्न॒ꣳ रा॒ध्य॒ते । ए॒तद्वै॒ अ॒न्त॒तोऽ॒न्न॒ꣳ रा॒ब्धं ।
 अ॒न्त॒तोऽ॒स्मा अ॒न्न॒ꣳ रा॒ध्य॒ते ॥ 10.1

य॒ ए॒वं वे॒द । क्षे॒म इ॒ति वा॒चि । यो॒गक्षे॒म इ॒ति प्रा॒णापा॒नयोः ।
 क॒र्मे॒ति ह॒स्तयोः । ग॒ति-रि॒ति पा॒दयोः । वि॒मुक्ति-रि॒ति पा॒यौ ।
 इ॒ति मा॒नुषीः॑ स॒माज्ञाः॑ । अथ॒ दै॒वीः । तृ॒प्ति-रि॒ति वृ॒ष्टौ ।
 ब॒ल-मि॒ति वि॒द्युति॑ ॥ 10.2

य॒श इ॒ति प॒शुषु॑ । ज्यो॒तिरि॒ति न॑क्ष॒त्रेषु॑ । प्र॒जाति-र॑मृ॒त-मा॒नन्द॑ इ॒त्युप॒स्थे ।
 स॒र्व मि॒त्याका॑शे । तत् प्र॒तिष्ठे-त्यु॑पासी॒त । प्र॒तिष्ठा॑वान् भ॒वति॑ ।
 तन्म॑ह इ॒त्युपा॑सी॒त । म॒हान् भ॒वति॑ । तन्म॑न इ॒त्युपा॑सी॒त ।
 मा॒नवान् भ॒वति॑ ॥ 10.3

तन्न॑म इ॒त्युपा॑सी॒त । न॒म्यन्ते॑ऽस्मै॒ कामाः॑ । तद्ब्र॑ह्मे-त्यु॑पासी॒त ।
 ब्र॑ह्म॒वान् भ॒वति॑ । तद् ब्र॑ह्म॒णः परि॑मर इ॒त्युपा॑सी॒त ।

पर्येणं॑ म्रियन्ते॑ द्विषन्तः॑ सपत्नाः॑ । परि॑ येऽप्रिया॑ भ्रातृव्याः॑ ।
 स यश्चायं॑ पुरुषे॑ । यश्चासा॑-वादि॒त्ये । स एकः॑ ॥ 10.4

स य॑ एवं॑ वि॒त् । अस्माल्-लो॒कात् प्रेत्य॑ ।
 एत॑मन्नमय-मात्मान-मुपसङ्क्रम्य॑ ।
 एतं॑ प्राणमय-मात्मान-मुपसङ्क्रम्य॑ ।
 एतं॑ मनोमय-मात्मान-मुपसङ्क्रम्य॑ ।
 एतं॑ विज्ञानमय-मात्मान-मुपसङ्क्रम्य॑ ।
 एत॑ मानन्दमय मात्मान मुपसङ्क्रम्य॑ ।
 इमान् लो॒कान् कामा॑न्त्री काम-रूप्य॑नु-सञ्चरन् ।
 एतत् साम॑ गाय॒त्रास्ते । हा(३) वु हा(३) वु हा(३) वु ॥ 10.5

अह॑-मन्न॑-मह॑-मन्न॑-महमन्नं॑ । अहमन्नादो(२) ऽहमन्नादो(२) ऽहमन्नादः॑ ।
 अह॑ ऽश्लोक॑कृ-दह॑ ऽश्लोक॑कृ-दह॑ ऽश्लोक॑कृत् ।
 अहमस्मि॑ प्रथमजा ऋता(३) स्य॑ । पूर्वं देवेभ्यो॑ अमृतस्य॑ ना(३) भा॒ इ ।
 यो मा ददाति॑ स इदेव मा(३)वाः॑ । अह॑-मन्न॑-मन्न॑-मदन्त॑-मा(३) द्वि॑ ।

अ॒हं वि॒श्वं॑ भु॒वन॑-म॒भ्य॑भ॒वां । सु॒वर्न॑ ज्योतीः॑ ।

य ए॒वं वे॒द । इत्यु॑प॒निष॑त् ॥ 10.6

स॒ह ना॑ ववतु । स॒ह नौ॑ भुनक्तु । स॒ह वी॒र्यं॑ करवावहै ।

ते॒ज॒स्विना॑ वधी॑तमस्तु॒ मा वि॒द्विषा॑वहै ।

ओं शान्तिः॑ शान्तिः॑ शान्तिः॑ ॥

॥ इति भृगुवल्ली समाप्ता ॥

4 महा नारायणोपनिषत्

सह॑ ना॒ ववतु॑ । सह॑ नौ॒ भुनक्तु॑ । सह॑ वी॒र्यं॑ करवावहै ।
तेज॑स्विना॒ वधी॑तमस्तु॒ मा वि॑द्विषावहै॑ ॥

ओं शान्तिः॑ शान्तिः॑ शान्तिः॑ ॥

(TA 6.1.1 to TA 6.80.1)

4.1 अम्भस्यपारे

अ॑म्भस्य॒ पा॒रे भु॑वनस्य॒ मध्ये॑ ना॒कस्य॑ पृ॒ष्ठे म॑हतो म॒हीयान्॑ ।
शु॒क्रेण॒ ज्योती॑ष्णि॒ सम॑नुप्रविष्टः॒ प्रजा॑पतिश्चरति॒ गर्भे॑ अ॒न्तः ॥ 1.1

यस्मि॑न्निदं स॒ञ्च वि॑चैति॒ सर्वं॑ यस्मिन्॑ दे॒वा अधि॑ विश्वे॒ निषे॑दुः ।
तदे॒व भू॒तं तदु॑ भव्यमा॒ इदं॑ तदक्षरे॒ पर॑मे व्योमन् ॥ 1.2

येना॑ वृ॒तं खञ्च॑ दि॒वं म॒हीञ्च॑ येना॑दित्य-स्तपति॒ तेज॑सा॒ भ्राज॑सा च ।
यम॑न्तः स॒मुद्रे॑ क॒वयो॑ वयन्ति॒ यदक्षरे॑ पर॒मे प्रजाः॑ ॥ 1.3

यतः॑ प्र॒सूता॑ ज॒गतः॑ प्र॒सूती॑ तो॒येन॑ जी॒वान् व्य॑चस॒र्ज भू॒म्यां॑ ।
यदो॑षधीभिः॒ पुरु॑षान् प॒शूँश्च॑ वि॒वेश॑ भू॒तानि॑ चराचराणि॑ ॥ 1.4

अतः॑ परं॑ नान्य॑-दणी॑यस॒हि॒ परा॑त् परं॑ यन् मह॑तो॒ महान्तं॑ ।
यदे॑क-म॒व्यक्त॑-मन॑न्तरूपं॑ वि॒श्वं पु॒राणं॑ तम॑सः पर॑स्तात् ॥ 1.5

तदे॒वर्त्तं तदु॑ स॒त्यमाहु॑-स्तदे॒व ब्र॑ह्म पर॑मं क॒वीनां॑ ।
इ॒ष्टापूर्त्तं॑ बहु॒धा जा॒तं जा॒यमा॑नं वि॒श्वं बि॒भर्त्ति॑ भुव॑नस्य नाभिः॑ ॥ 1.6

तदे॒वाग्नि॑-स्तद्वा॒यु-स्तथ्सू॑र्य-स्तदु॑ च॒न्द्रमाः॑ ।
तदे॒व शु॒क्रम॑मृ॒तं तद्ब्र॑ह्म तदा॒पः स प्र॒जाप॑तिः ॥ 1.7

सर्वे॑ नि॒मेषा॑ ज॒ज्ञिरे॑ वि॒द्युतः॑ पु॒रुषा॑दधि ।
क॒ला मु॒हूर्त्ताः॑ का॒ष्ठाश्चा॑-हो॒रात्रा॑श्च सर्व॑शः ॥ 1.8

अ॒र्धमा॑सा मा॒सा ऋ॒तवः॑ स॒म्वथ्स॑रश्च क॒ल्पन्तां॑ ।
स आ॒पः प्र॒दुधे॑ उ॒भे इ॒मे अ॒न्तरि॑क्ष-मथो॒ सुवः॑ ॥ 1.9

नैन॑-मू॒र्ध्वं न ति॒र्यं च न म॑ध्ये परि॒जग्र॑भत् ।
न तस्ये॑शो कश्च॒न तस्य॑ नाम॒ मह॑द्यशः ॥ 1.10

न सं॒दृशे॑ तिष्ठति॒ रूप॑मस्य॒ न चक्षु॑षा पश्यति॒ कश्च॑नैनं॑ ।

हृ॒दा म॑नी॒षा म॑न॒साभि॑ क्लृ॒प्तो य॑ ए॒नं वि॑दु-र॒मृता॑स्ते भ॒वन्ति॑ ॥ 1.11

अ॒द्भ्यस्सं॑भू॒तः पृ॑थि॒व्यै रसा॑च्च । वि॒श्वक॑र्मणः॒ सम॑वर्त्तताधि ।
तस्य॒ त्वष्टा॑ वि॒दध॑द्रूपमेति । तत्पु॑रुषस्य॒ विश्व॑माजा॒नम॑ग्रे ॥ 1 ॥

वे॒दाह॑मेतं पु॒रुषं॑ म॒हान्तं॑ ॥ आ॒दित्य॑ वर्णं॒ तम॑सः॒ पर॑स्तात् ।
तमे॒वं वि॒द्वान॑मृत॒ इह॑ भवति । नान्यः॒ पन्था॑ वि॒द्यते॑ऽयनाय ॥ 2 ॥

प्र॒जाप॑तिश्चरति गर्भे॑ अ॒न्तः । अ॒जाय॑मानो बहु॒धा वि॑जायते ।
तस्य॒ धीराः॑ परि॒जान॑न्ति योनिं॑ ॥ मरी॑चीनां प॒दमि॑च्छन्ति वे॒धसः॑ ॥ 3 ॥

यो दे॒वेभ्य॑ आ॒तप॑ति । यो दे॒वानां॑ पु॒रोहि॑तः । पू॒र्वो यो दे॒वेभ्यो॑ जा॒तः ।
नमो॑ रु॒चाय॑ ब्रा॒ह्मये॑ ॥ 4 ॥

रुचं॑ ब्रा॒ह्मं ज॑नयन्तः । दे॒वा अ॒ग्रे तद॑ब्रुवन् ।
यस्त्वै॒वं ब्रा॒ह्म॒णो वि॒द्यात् । तस्य॑ दे॒वा अ॒सन् व॑शे ॥ 5 ॥

ही॑श्च॒ते ल॒क्ष्मीश्च॑ प॒त्न्यौ॑ । अ॒हो॒रा॒त्रे पा॒र्श्वे । नक्ष॑त्राणि रू॒पं ।
अ॒श्विनौ॑ व्या॒त्तं॑ । इ॒ष्टं॑ म॒निषा॑ण । अ॒मुं॑ म॒निषा॑ण । स॒र्वं॑ म॒निषा॑ण । 6 ।

Ref - T.A.3.13.1 to T.A.3.13.2

हि॒र॒ण्य॒ग॒र्भः॑ स॒म॒व॒र्त्त॒ता॒ग्रे॑ भू॒त॒स्य॑ जा॒तः॑ प॒ति॒रेक॑ आसीत् ।
स दा॑धार पृ॒थि॒वीं द्या॒मु॒ते॒मां क॒स्मै॑ दे॒वाय॑ ह॒विषा॑ वि॒धेम॑ ॥ 1 ॥

यः प्रा॑णतो नि॒मिष॑तो म॒हि॒त्वैक॑ इ॒द्रा॒जा जग॑तो ब॒भूव॑ ।
य ई॒शे॑ अ॒स्य द्वि॒पद॑-श्चतु॒ष्पदः॑ क॒स्मै॑ दे॒वाय॑ ह॒विषा॑ वि॒धेम॑ ॥ 2 ॥

य आ॑त्मदा ब॒लदा॑ यस्य वि॒श्व उपा॑सते प्र॒शिषं॑ य॒स्य दे॒वाः ।
यस्य॑ च्छा॒यामृ॑तं य॒स्य मृ॒त्युः क॒स्मै॑ दे॒वाय॑ ह॒विषा॑ वि॒धेम॑ ॥ 3 ॥

यस्ये॒मे हि॒म॒व॒न्तो॑ म॒हि॒त्वा यस्य॑ स॒मु॒द्र॒ र॒स॒या सहा॑ऽऽहुः ।
यस्ये॒माः प्र॒दि॒शो॑ यस्य॑ बा॒हू क॒स्मै॑ दे॒वाय॑ ह॒विषा॑ वि॒धेम॑ ॥ 4 ॥

यं क्र॑न्दसी अ॒वसा॑ तस्त॒भाने॑ अ॒भ्यै॑क्षेतां म॒नसा॑ रेज॒माने॑ ।
यत्रा॑धि॒सूर॑ उ॒दि॒तौ व्ये॒ति क॒स्मै॑ दे॒वाय॑ ह॒विषा॑ वि॒धेम॑ ॥ 5 ॥

ये॒न द्यौ॒रु॒ग्रा पृ॒थि॒वी च॑ दृ॒ढे ये॒न सु॒वस् स्त॒भितं॑ ये॒न ना॒कः ।
 यो अ॒न्तरि॑क्षे रज॒सो वि॒मानः॑ कस्मै॑ दे॒वाय॑ ह॒विषा॑ वि॒धेम ॥ 6 ॥

आपो॑ ह यन्म॑हती वि॒श्वमा॒य-न्दक्ष॑न्द॒धाना॑ ज॒नय॑न्ती-र॒ग्निं ।
 ततो॑ दे॒वाना॑-न्नि॒रव॑र्त्ततासु॒रेकः॑ कस्मै॑ दे॒वाय॑ ह॒विषा॑ वि॒धेम ॥ 7 ॥

यश्चि॑दापो॑ म॒हिना॑ प॒र्यप॑श्य-दक्ष॑न्द॒धाना॑ ज॒नय॑न्ती-र॒ग्निं ।
 यो दे॒वेष्व॑धि॒ देव॑ ये॒क आ॒सीत् कस्मै॑ दे॒वाय॑ ह॒विषा॑ वि॒धेम ॥ 8 ॥

Ref TS 4.1.8.3 to TS 4.1.8.6

अ॒द्भ्यः सं॒भूतो॑ हि॒रण्य॑ग॒र्भ इत्य॑ष्टौ ॥

एष॑ हि दे॒वः प्र॒दिशो॑ऽनु सर्वाः॑ पूर्वा॑ हि जा॒तः स उ॒ गर्भे॑ अ॒न्तः ।
 स वि॒जाय॑मानः सज॒निष्य॑माणः प्र॒त्यङ्-मुखा॑ स्तिष्ठति वि॒श्वतो॑ मुखः॥ 1.12

वि॒श्वतश्च॑-क्षु॒रुत वि॒श्वतो॑ मुखो वि॒श्वतो॑ ह॒स्त उ॒त वि॒श्वत॑स्पात् ।
 सं बा॒हुभ्यां॑ नम॒ति सं प॒तत्रैर् द्या॒वापृ॑थि॒वी ज॒नय॑न् दे॒व एकः॑ ॥ 1.13

वे॒नस्तत् प॒श्यन् वि॒श्वा भु॒वनानि वि॒द्वान् यत्र वि॒श्वं भव॑त्येक॑-नीळं ।
यस्मि॑न्निदं॑ स॒ज्च वि॒चैकं॑ स ओ॒तः प्रो॑तश्च वि॒भुः प्र॒जासु ॥ 1.14

प्र॒तद्वो॑चे अ॒मृत॑न्नु वि॒द्वान् ग॒न्धर्वो॑ नाम नि॒हितं गु॒हासु ।
त्रीणि॑ प॒दा नि॒हिता गु॒हासु॑ यस्तद्वे॒द स॒वितुः पि॒ताऽस॑त् ॥ 1.15

स नो ब॒न्धुर्-ज॒निता स॒विधा॑ता धा॒मानि वे॒द भु॒वनानि वि॒श्वा ।
यत्र॑ दे॒वा अ॒मृत॑मान-शा॒नास् तृ॒तीये॑ धा॒मान्य॑भ्यैरयन्त ॥ 1.16

परि॑ द्यावापृ॒थिवी॑ यन्ति स॒द्यः परि॑ लो॒कान् परि॑ दि॒शः परि॑ सु॒वः ।
ऋ॒तस्य॑ तन्तुं॑ वि॒ततं॑ वि॒चृत्य॑ तदप॒श्यत् तद॑भवत् प्र॒जासु ॥ 1.17

परी॑त्य लो॒कान् परी॑त्य भू॒तानि॑ परी॒त्य सर्वाः॑ प्र॒दिशो॑ दि॒शश्च ।
प्र॒जाप॑तिः प्रथ॒मजा॑ ऋ॒तस्या॑त्मना-ऽऽत्मा॑न-म॒भि-सँ॑ब॒भूव ॥ 1.18

सद॑सस्पति॒-म॒द्भुतं॑ प्रि॒यमिन्द्र॑स्य का॒म्यं ।
सनिं॑ मे॒धा म॒यासिषं॑ ॥ 1.19

उद्दी॑प्यस्व जा॒तवे॒दो ऽप॒घ्नन्नि॒र्ऋ॒तिं म॒म ।

प॒शूँश्च॑ म॒ह्यमा॑व॒ह जी॑व॒नञ्च॑ दि॒शो दि॑श ॥ 1.20

मा॒नो हि॑स्सी ज्जा॒तवे॑दो गा॒मश्चं॑ पु॒रुषं॑ जग॒त् ।
अ॒बिभ्र॑द॒ग्न आ॑ग॒हि श्रि॒या मा॒ परि॑पातय ॥ 1.21

4.2 गायत्री मन्त्राः

पु॒रुष॑स्य वि॒द्म स॒हस्रा॑क्षस्य॒ महा॑दे॒वस्य॑ धीम॒हि ।
तन्नो॑ रु॒द्रः प्र॑चोदयात् ॥ 1.22

तत्पु॑रुषाय वि॒द्महे॑ म॒हादे॒वाय॑ धीम॒हि ।
तन्नो॑ रु॒द्रः प्र॑चोदयात् ॥ 1.23

तत्पु॑रुषाय वि॒द्महे॑ व॒क्रतु॑ण्डाय॒ धीम॒हि ।
तन्नो॑ द॒न्तिः प्र॑चोदयात् ॥ 1.24

तत्पु॑रुषाय वि॒द्महे॑ च॒क्रतु॑ण्डाय॒ धीम॒हि ।
तन्नो॑ न॒न्दिः प्र॑चोदयात् ॥ 1.25

तत्पु॑रुषाय वि॒द्महे॑ म॒हासे॒नाय॑ धीम॒हि ।

तन्नः॑ षण्मुखः॑ प्रचोदयात्॑ ॥ 1.26

तत्पुरुषाय॑ विद्महे॑ सुवर्णपक्षाय॑ धीमहि ।

तन्नो॑ गरुडः॑ प्रचोदयात्॑ ॥ 1.27

वेदात्मनाय॑ विद्महे॑ हिरण्यगर्भाय॑ धीमहि ।

तन्नो॑ ब्रह्म प्रचोदयात्॑ ॥ 1.28

नारायणाय॑ विद्महे॑ वासुदेवाय॑ धीमहि ।

तन्नो॑ विष्णुः॑ प्रचोदयात्॑ ॥ 1.29

वज्रनखाय॑ विद्महे॑ तीक्ष्ण-द॒ष्ट्राय॑ धीमहि ।

तन्नो॑ नारसिं॒हः॑ प्रचोदयात्॑ ॥ 1.30

भास्कराय॑ विद्महे॑ महद्द्युतिकराय॑ धीमहि ।

तन्नो॑ आदित्यः॑ प्रचोदयात्॑ ॥ 1.31

वैश्वानराय॑ विद्महे॑ लालीलाय॑ धीमहि ।

तन्नो॑ अग्निः॑ प्रचोदयात्॑ ॥ 1.32

का॒त्याय॒नाय॑ वि॒द्महे॑ क॒न्याकु॑मा॒रि धी॑महि ।

तन्नो॑ दु॒र्गिः प्र॒चोद॑यात् ॥ 1.33

4.3 दूर्वा सूक्तं

सह॑स्र॒पर॒मा दे॒वी श॑त॒मूला॑ श॒ताङ्क॑रा ।

सर्वं॑ ह॒रतु॑ मे पा॒पं दूर्वा॑ दु॒स्स्वप्न॑ नाश॒नी ॥ 1.34

काण्डा॑त् काण्डा॑त् प्र॒रोह॑न्ती॒ परु॑षः॒ परु॑षः॒ परि॑ ।

ए॒वा नो॑ दूर्वे॒ प्रत॑नु॒ सह॑स्रेण॒ शते॑न॒ च ॥ 1.35

या श॑तेन॒ प्रत॑नोषि॒ सह॑स्रेण॒ विरो॑हसि ।

तस्या॑स्ते दे॒वीष्ट॑के॒ विधे॑म॒ हवि॑षा॒ वयं॑ ॥ 1.36

अ॒श्वक्रा॑न्ते॒ रथ॑क्रा॒न्ते वि॑ष्णुक्रा॒न्ते व॑सु॒न्धरा॑ ।

शि॒रसा॑ धा॒रयि॑ष्यामि॒ रक्ष॑स्व मां प॒दे प॒दे ॥ 1.37

4.4 मृत्तिका सूक्तं

भूमि॑र्-धे॒नुर् ध॑रणी॒ लोक॑धा॒रिणी॑ । उ॒धृता॑ऽसि॒ वरा॑हेण॒ कृष्णे॑न॒ शत॑ बा॒हुना॑ ।

मृ॒त्तिके॑ ह॒न मे॑ पा॒पं य॑न्मया॒ दुष्क॑तं॒ कृतं॑ । 1.38

मृ॒त्तिके॑ ब्र॒ह्म॑दत्ताऽसि का॒श्यपे॑नाभि॒मन्त्रि॑ता ।
मृ॒त्तिके॑ दे॒हि मे पु॒ष्टिं त्वयि॑ सर्वं प्र॒तिष्ठि॑तं ॥ 1.39

मृ॒त्तिके॑ प्र॒तिष्ठि॑ते सर्वं तन्मे निर्णु॑द मृ॒त्तिके॑ ।
तया॑ ह॒तेन॑ पा॒पेन॑ गच्छामि पर॒मां गतिं॑ ॥ 1.40

4.5 शत्रुजय मन्त्राः

यत॑ इन्द्र॒ भया॑महे ततो॑ नो अभयं कृ॒धि ।
मघ॑वन् छ॒ग्धि तव॑ तन्न॒ ऊत॑ये वि॒द्विषो॑ विमृ॒धो जहि॑ ॥ 1.41

स्व॒स्तिदा॑ वि॒शस्प॑तिर्-वृ॒त्रहा॑ विमृ॒धो वशी॑ ।
वृ॒षेन्द्रः॑ पु॒र एतु॑ नः स्व॒स्तिदा॑ अभय॒ङ्करः॑ ॥ 1.42

स्व॒स्ति न॒ इन्द्रो॑ वृ॒द्धश्र॑वाः स्व॒स्ति नः॑ पू॒षा वि॒श्ववे॑दाः ।
स्व॒स्ति न॒स्ताक्ष॑र्यो अ॒रिष्ट॑नेमिः स्व॒स्ति नो॑ बृ॒हस्प॑तिर् दधातु ॥ 1.43

आपा॑न्त-म॒न्युस्-तृ॑पलप्र॒भर्मा॑ धु॒निः शि॑मीवा॒ञ्-छ॑रुमा॒ञ् ऋ॒जीषी॑ ।
सोमो॑ वि॒श्वान्य॑तसा॒वनानि॑ ना॒र्वागि॑न्द्रं प्र॒तिमा॑ना निदे॒भुः ॥ 1.44

ब्रह्मजज्ञानं प्रथमं पुरस्ताद्-विसीमतः सुरुचो वेन आवः ।
 स बुध्निया उपमा अस्य विष्ठाः सतश्च योनि-मसतश्च विवः ॥ 1.45

स्योना पृथिवि भवा नृक्षरा निवेशनी । यच्छा नः शर्म सप्रथाः ॥ 1.46

गन्धद्वारां दुराधर्षां नित्यपुष्टां करीषिणीं ।
 ईश्वरीं सर्व भूतानां तामिहोप-ह्वये श्रियं ॥ 1.47

श्रीर्मे भजतु । अलक्ष्मीर्मे नश्यतु ।
 विष्णुमुखा वै देवाश्छन्दो-भिरिमा लोका-ननपजय्य-मभ्यजयन् ॥ 1.48

महां इन्द्रो वज्रबाहुः षोडशी शर्म यच्छतु ॥
 स्वस्ति नो मघवा करोतु हन्तु पाप्मानं योऽस्मान् द्वेष्टि ॥ 1.49
 सोमानं स्वरणं कृणुहि ब्रह्मणस्पते । कक्षीवन्तं य औशिजं ।
 शरीरं यज्ञशमलं कुसीदं तस्मिन् थसीदतु योऽस्मान् द्वेष्टि ॥ 1.50

चरणं पवित्रं विततं पुराणं येन पूत-स्तरति दुष्कृतानि ।
 तेन पवित्रेण शुद्धेन पूता अति पाप्मान-मरातिं तरेम ॥ 1.51

स॒जोषा॑ इन्द्र॑ सग॑णो मरु॒द्धिः सोमं॑ पिब वृ॒त्रह॑ञ्छूर वि॒द्वान् ।
ज॒हि शत्रूँ॑ रप॒ मृधो॑ नुद॒स्वाथा॑ भयं कृणुहि वि॒श्वतो॑ नः ॥ 1.52

सु॒मित्रा॑ न आप॒ ओष॑धयः सन्तु दु॒र्मित्रा॑स्-तस्मै॑ भूया-सु॒र्यो॑ऽस्मान्
द्वेष्टि॑ यञ्च॒ वयं॑ द्वि॒ष्मः ॥ 1.53

आपो॑ हि॒ष्ठा म॑यो भुव॒स्ता न ऊ॑र्जे दधातन । महे॒रणा॑य चक्ष॒से ।
यो वः॑ शि॒वत॑मो रस-स्तस्य॑ भाजयते ह नः । उ॒शती॑-रि॒व मा॑तरः ।
तस्मा॑ अर॒ङ्गमा॑मवो॒ यस्य॑ क्षया॒य जि॑न्वथ । आपो॑ ज॒नय॑था च नः ॥ 1.54

4.6 अघमर्षण सूक्तं

हि॒रण्य॑शृङं वरु॑णं प्रप॒द्ये ती॑र्थं मे देहि या॒चितः॑ ।
यन्मया॑ भु॒क्त-म॑साधूनां पा॒पेभ्य॑श्च प्र॒तिग्र॑हः ॥ 1.55

यन्मे॑ म॒नसा॑ वा॒चा क॑र्मणा वा दु॒ष्कृतं॑ कृतं ।
तन्न॑ इन्द्रो॑ वरु॒णो बृ॑हस्पतिः सवि॒ता च पु॑नन्तु पु॒नः पु॑नः ॥ 1.56
नमो॑ऽग्नये॑-ऽप्सु॒मते॑ नम॒ इन्द्रा॑य नमो॒ वरु॑णाय नमो॒
वारु॑ण्यै नमो॑ऽद्भ्यः ॥ 1.57

यदपां॑ क्रू॒रं॑ य॒दमे॑ध्यं॒ यद॑शान्तं॒ तद॑पगच्छतात् ॥ 1.58

अत्या॑शना-द॒तीपा॑ना-द्यच्च॒ उ॒ग्रात्॑ प्र॒तिग्र॑हात् ।
तन्नो॑ वरु॒णो रा॒जा पा॒णिना॑ ह्यवमर्श॒तु ॥ 1.59

सोऽ॒हम॑पापो॒ विर॑जो॒ निर्मु॑क्तो॒ मुक्त॑किल्बिषः ।
नाक॑स्य पृ॒ष्ठमा॑रुह्य गच्छेद् ब्र॒ह्म-स॑लोकतां ॥ 1.60

यश्चा॑प्सु वरु॒णः स पु॒नात्व॑घमर्षणः ॥ 1.61

इ॒मं मे॑ ग॒ङ्गे य॑मुने॒ सर॑स्वति॒ शुतु॑द्रि॒ स्तोम॑ꣳ सच॒ता प॑रुष्णि॒या ।
अ॒सि॒क्नि॒या म॑रुद्वृ॒धे वि॒तस्त॑या-ऽऽर्जी॑कीये॒ शृ॒णु॒ह्या सु॑षोम॒या ॥ 1.62

ऋ॒तञ्च॑ स॒त्यञ्चा॑-भी॒द्धा त॑पसो॒ ऽध्य॑जायत ।
ततो॑ रा॒त्रि-र॑जायत॒ ततः॑ स॒मुद्रो॑ अ॒र्णवः॑ ॥ 1.63

स॒मुद्रा॑-दर्ण॒वा-द॑धि॒ सम्॑व॒त्सरो॑ अजायत ।
अ॒हो॒रा॒त्राणि॑ वि॒दध॑द् वि॒श्वस्य॑ मि॒षतो॑ व॒शी ॥ 1.64

सूर्या॑चन्द्र॑मसौ॑ धा॒ता य॑था पूर्॒व म॑कल्पयत् ।
 दि॒वञ्च॑ पृ॒थि॒वीं चा॒न्तरि॑क्ष म॒थो सु॒वः ॥ 1.65

यत् पृ॒थि॒व्याञ् रज॑स्स्व मा॒न्तरि॑क्षे वि॒रोद॑सी ।
 इ॒माञ् स्त॑दापो वरुणः पु॒नात्व॑घमर्षणः ।
 पु॒नन्तु॑ वसवः पु॒नातु॑ वरुणः पु॒नात्व॑घमर्षणः ।
 एष॑ भू॒तस्य॑ म॒ध्ये भु॑वनस्य गो॒प्ता ।
 एष॑ पु॒ण्यकृ॑तां लो॒काने॑ष मृ॒त्योर् हि॒रण्म॑यं ॥
 द्या॒वापृ॒थि॒व्योर् हि॒रण्म॑यञ् सञ् श्रि॒तञ् सु॒वः ।
 स नः॑ सु॒वः सञ् शि॑शाधि ॥ 1.66

आर्द्रं॑ ज्वल॑ति ज्योति॑-रहमस्मि । ज्योति॑र्-ज्वल॑ति ब्रह्मा॑हमस्मि ।
 योऽह॑मस्मि ब्रह्मा॑हमस्मि । अह॑मस्मि ब्रह्मा॑हमस्मि ।
 अह॑मेवा॒हं मां जु॑होमि स्वाहा ॥ 1.67

अ॒कार्य॑-का॒र्यव॑ की॒र्णी स्ते॒नो भ्रू॑णहा गु॒रुत॑ल्पगः ।
 वरु॑णो-ऽपाम॑घमर्षण-स्तस्मा॑त् पा॒पात् प्र॑मुच्यते ॥ 1.68

र॒जोभू॑मिस्-त्व॒माꣳ रो॑दयस्व प्रव॑दन्ति धी॒राः ॥ 1.69

आक्रा॑न्थ्-समु॒द्रः प्र॑थमे वि॒धर्म॑-ञ्ज॒नय॑न् प्र॒जा भु॑वनस्य राजा ॥
वृषा॑ पवि॒त्रे अधि॑सानो अव्ये॑ बृ॒हथ् सोमो॑ वावृ॒धे सु॒वान इ॑न्दुः ॥ 1.70

4.7 दुर्गा सूक्तं

जा॒तवे॑दसे सु॒नवाम॑ सोम॑-मरा॒तीयतो॑ निद॑हाति वेदः ।
स नः॑ पर्॒षद॑ति दु॒र्गाणि॑ वि॒श्वा ना॒वेव॑ सि॒न्धुं दु॒रिता॑ऽत्य॒ग्निः ॥ 2.1

ताम॑ग्निव॒र्णां तप॑सा ज्वल॒न्तीं वै॑रोच॒नीं क॑र्मफ॒लेषु॑ जुष्टां ॥
दुर्गा॑ दे॒वीꣳ श॑रणम॒हं प्र॑पद्ये सु॒तर॑सि तर॒से नमः॑ ॥ 2.2

अग्ने॑ त्वं पा॒रया॑ नव्यो॑ अ॒स्मान्थ् स्व॑स्तिभि॒रति॑ दु॒र्गाणि॑ वि॒श्वा ।
पू॒श्च पृ॒थ्वी बहु॑ला न उ॒र्वी भ॒वा तो॑काय तनयाय शं योः ॥ 2.3

वि॒श्वा॒नि नो॑ दु॒र्गहा॑ जा॒तवे॑दः सि॒न्धुं न॒ नावा॑ दु॒रिता॑ऽति पर्॒षि ।
अग्ने॑ अ॒त्रिव॑न् मन॒सा गृ॑णानो॒ऽस्माकं॑ बो॒ध्यवि॑ता तनू॒नां ॥ 2.4
पृ॒तना॑जितꣳ स॒हमा॑न-मु॒ग्रम॑ग्निꣳ हु॒वेम॑ परमा॒थ् स॒धस्था॑त् ।
स नः॑ पर्॒षद॑ति दु॒र्गाणि॑ वि॒श्वा क्षा॑मद्दे॒वो अ॒ति दु॒रिता॑ऽत्य॒ग्निः ॥ 2.5

प्र॒त्नोषि॑-क॒मीड्यो॑ अ॒ध्वरेषु॑ स॒नाच्च॑ हो॒ता न॒व्यश्च॑ स॒त्थिस् ।

स्वा॒ञ्चाग्ने॑ त॒नुवं॑ पि॒प्रय॑स्वा स्म॒भ्यञ्च॑ सौ॒भग॑मा॒यज॑स्व ॥ 2.6

गो॒भिर्-जु॑ष्ट॒मयु॑जो नि॒षिक्तं॑ त॒वैन्द्र॑ वि॒ष्णो-र॒नुस॑ञ्चरे॒म ।

ना॒कस्य॑ पृ॒ष्ठम॑भि॒ सम्॑व॒सानो॑ वै॒ष्णावीं॑ लो॒क इ॒ह मा॑दयन्तां ॥ 2.7

4.8 व्याहृति होम मन्त्राः

भू-र॒न्न-म॒ग्नये॑ पृ॒थिव्यै॑ स्वाहा , भुवोऽ॒न्नं वा॒यवेऽ॒न्तरि॑क्षाय स्वाहा ,

सुव॒रन्न-मा॑दि॒त्याय॑ दि॒वे स्वाहा॑ ,

भूर्भुव॑स्सुव-र॒न्नं च॒न्द्रम॑से दि॒ग्भ्यः॑ स्वाहा ,

नमो॑ दे॒वेभ्यः॑ स्व॒धा पि॒तृभ्यो॑ भूर्भुव॑स्सुव-र॒न्नमो॑ ॥ 3.1

भू-र॒ग्नये॑ पृ॒थिव्यै॑ स्वाहा , भुवो॑ वा॒यवेऽ॒न्तरि॑क्षाय स्वाहा ,

सुव॒रादि॒त्याय॑ दि॒वे स्वाहा॑ , भु-भूर्भुव॑स्सुव-श्च॒न्द्रम॑से दि॒ग्भ्यः॑ स्वाहा ,

नमो॑ दे॒वेभ्यः॑ स्व॒धा पि॒तृभ्यो॑ भूर्भुव॑स्सुव-र॒ग्न ओं॑ ॥ 4.1

भू-र॒ग्नये॑ च पृ॒थिव्यै॑ च म॒हते॑ च स्वाहा ,

भुवो॑ वा॒यवे॑ चा॒न्तरि॑क्षाय च म॒हते॑ च स्वाहा ,

सु॒वरा॑दि॒त्याय॑ च दि॒वे च॑ म॒हते॑ च स्वा॒हा ,
 भू-भु॒वस्सु॑व-श्च॒न्द्रम॑से च नक्ष॒त्रेभ्य॑श्च दि॒ग्भ्यश्च॑ म॒हते॑ च स्वा॒हा,
 नमो॑ दे॒वेभ्यः॑ स्व॒धा पि॒तृभ्यो॑ भू॒र्भुव॑स्सु॒वर् म॒हरो॑ ॥ 5.1

4.9 ज्ञानप्राप्त्यर्था होममन्त्राः

पा॒हि नो॑ अ॒ग्न ए॒नसे॑ स्वा॒हा । पा॒हि नो॑ वि॒श्व वे॒दसे॑ स्वा॒हा ।
 य॒ज्ञं पा॒हि वि॒भाव॑सो स्वा॒हा । स॒र्वं पा॒हि श॑त॒क्रतो॑ स्वा॒हा ॥ 6.1

पा॒हि नो॑ अ॒ग्न ए॒कया॑ । पा॒ह्युत॑ द्वि॒तीयया॑ । पा॒ह्यूर्जं॑ तृ॒तीयया॑ ।
 पा॒हि गी॑भिश्च॒तसृ॑भिर् व॒सो स्वा॒हा ॥ 7.1

4.10 वेदाविस्मरणाय जपमन्त्राः

य॒श्छ॑न्द॒सा-मृ॑ष॒भो वि॒श्वरू॑प-श्छ॒न्दो॑भ्य-श्छ॒न्दा॒स्य वि॒वेश॑ ।
 स॒चा॒ शि॒क्यः॑ पु॒रो वा॒चो॑प॒निष॑-दि॒न्द्रो ज्ये॑ष्ठ इ॒न्द्रिया॑य ऋ॒षिभ्यो॑
 नमो॑ दे॒वेभ्यः॑ स्व॒धा पि॒तृभ्यो॑ भू॒र्भुव॑स्सु॒व-श्छ॑न्द ओं ॥ 8.1

नमो॑ ब्र॒ह्मणे॑ धा॒रणं मे॑ अ॒स्त्व-नि॑रा॒करणं॑-धा॒रयि॑ता
 भूया॑सं क॒र्णयोः॑ श्रु॒तं मा॒च्यो॒ढ्वं म॒मामु॑ष्य ओं ॥ 9.1

4.11 तपः प्रशंसा

ऋ॒तं तपः॑ स॒त्यं तपः॑ श्रु॒तं तपः॑ शा॒न्तं तपो॑ द॒म स्तपः॑ श॒मस्तपो॑ दानं॑
तपो॑ य॒ज्ञं तपो॑ भू॒र्भुव॑स्सुवर् - ब्र॒ह्मै-तदु॑पा॒स्यै-तत्तपः॑ ॥ 10.1

4.12 विहिताचरण प्रशंसा निषिद्धाचरण निन्दा च

यथा॑ वृ॒क्षस्य॑ सं॒पुष्पि॑तस्य दू॒राद् गन्धो॑ वा॒त्येवं॑ पु॒ण्यस्य॑ क॒र्मणो॑ दू॒राद्
गन्धो॑ वा॒ति यथा॑ऽसि॒धारां॑ क॒र्त्तेऽव॑हिता-मव॒क्रामे॑ यद्यु॒वे युवे॑ ह॒वा
वि॒ह्वयि॑ष्यामि क॒र्त्तं प॑तिष्यामीत्येव-म॒मृता॑-दा॒त्मानं॑ जु॒गुप्से॑त् ॥ 11.1

4.13 दहर विद्या

अ॒णो-र॑णी॒यान् म॒हतो॑ म॒हीया॑-ना॒त्मा गु॒हायां॑ नि॒हितो॑ऽस्य ज॒न्तोः ।
तम॑क्रतुं पश्यति वी॒तशो॑को धा॒तुः प्र॒सादान्॑-महि॒मान॑मी॒शं ॥ 12.1

स॒प्त प्रा॒णाः प्र॒भव॑न्ति तस्मा॑त् स॒प्तार्चि॑षः स॒मिधः॑ स॒प्त जि॒ह्वाः ।
स॒प्त इ॒मे लो॒का येषु॑ चर॑न्ति प्रा॒णा गु॒हाश॑या-न्नि॒हिताः॑ स॒प्त स॒प्त ॥ 12.2

अ॒तः स॒मुद्रा॑ गि॒रय॑श्च स॒र्वेऽस्मा॑त् स्य॒न्दन्ते॑ सि॒न्धवः॑ स॒र्वरू॑पाः ।
अ॒तश्च॑ वि॒श्वा ओ॑ष॒धयो॑ रसा॒च्च येनै॑ष भू॒त-स्ति॑ष्ठत्यन्तरा॒त्मा ॥ 12.3

ब्र॒ह्मा दे॒वानां॑ प॒दवीः॑ क॒वीना॑-मृ॒षिर्-वि॒प्राणां॑ म॒हिषो॑ मृ॒गाणां॑ ।

श्ये॑नो गृ॒ध्राणा॑ꣳ स्व॒धि॒ति॒र्-व॒ना॒नाꣳ सोमः॑ प॒वि॒त्र म॒त्ये॒ति॒रे॒भन् । ॥ 12.4

अ॒जा मे॒कां लो॑हि॒त-शु॒क्ल-कृ॒ष्णां ब॒र्हीं प्र॒जां ज॒नय॑न्तीꣳ स॒रूपां ।
अ॒जो ह्ये॒को जु॒षमा॑णोऽनु॒शेते॑ जहा॒त्येनां॑ भु॒क्त-भो॒गा॒मजोऽन्यः॑ ॥ 12.5

हꣳसः॑ शु॒चि॒षद् व॒सु-र॒न्त॒रि॒क्ष-स॒द्भो॒ता वे॒दि॒ष-द॒ति॒थि॒र्-दु॒रो॒ण॒सत् ।
नृ॒षद्व॑र-स॒दृ॒त-सद् व्यो॑म-स॒द॒ब्जा गो॒जा ऋ॒त॒जा
अ॒द्रि॒जा ऋ॒तं बृ॒हत् ॥ 12.6

घृ॒तं मि॒मि॒क्षि॒रे घृ॒तम॑स्य यो॒नि॒र् घृ॒ते श्रि॒तो घृ॒तमु॑वस्य धा॒म ।
अ॒नु॒ष्व॒धमा॑व॒ह मा॒दय॑स्व स्वा॒हा कृ॒तं वृ॒षभ॑ व॒क्षि ह॒व्यं ॥ 12.7

स॒मु॒द्रा दू॒र्मि॒र्-म॒धु॒माꣳ उ॒दार-दु॒पाꣳशु॒ना स॒म॒मृ॒त॒त्व मा॑नद् ।
घृ॒तस्य॑ ना॒म गु॒ह्यं य॑दस्ति जि॒ह्वा दे॒वा॒ना-म॒मृ॒तस्य॑ ना॒भिः ॥ 12.8
व॒यं ना॒म प्र॑ब्र॒वामा॑ घृ॒तेना॑स्मिन् य॒ज्ञे धा॑रयामा नमो॒भिः ।
उ॒प ब्र॑ह्मा शृ॒णव॑च्छ॒स्यमा॑नं चतुः शृ॒ङ्गो ऽव॑मीद् गौ॒र ए॒तत् ॥ 12.9

च॒त्वा॒रि शृ॒ङ्गा त्रयो॑ अस्य पा॒दा द्वे शी॒र्ष स॒प्त ह॑स्ता सो अस्य ।

त्रि॒धा॑ ब॒द्धो॑ वृ॒षभो॑ रौर॒वीति॑ म॒हो दे॒वो म॒र्त्याँ॑ आवि॒वेश॑ ॥ 12.10

त्रि॒धा॑ हि॒तं प॒णिभि॑र् गु॒ह्यमा॑नं गवि॒-दे॒वासो॑ घृ॒तम॑न्ववि॒न्दन् ।
इन्द्र॑ ए॒कँ सूर्य॑ ए॒कं ज॑जान वे॒ना दे॒कँ स्व॒धया॑ नि॒ष्टत॑क्षुः ॥ 12.11

यो दे॒वानां॑ प्र॒थमं॑ पु॒रस्ता॑द् वि॒श्वाधि॑यो रु॒द्रो म॒हर्षिः॑ । हि॒रण्य॑ग॒र्भं प॑श्यत
जा॒यमा॑नँ स॒नो दे॒वः शु॒भया॑ स्मृ॒त्या स॑म्यु॒नक्तु॑ ॥ 12.12

यस्मा॑त्प॒रं ना॑प॒र म॑स्ति कि॒ञ्चि॒द्यस्मा॑न् ना॒णीयो॑ न ज्य॒यायौ॑ऽस्ति कश्चित् ।
वृ॒क्ष इ॒व स्त॒ब्धो दि॒विति॑ष्ठ-त्ये॒कस्ते॒नेदं॑ पू॒र्णं पु॒रुषे॑ण स॒र्वं ॥ 12.13

(स॒न्यास॑ सू॒क्तम्)

न क॑र्म॒णा न प्र॑जया ध॒नेन॑ त्या॒गेनै॑के अ॒मृत॑त्व-मा॒नशुः॑ ।
प॒रेण॑ ना॒कं नि॑हि॒तं गु॒हायां॑ वि॒भ्राज॑दे॒त-द्य॑तयो वि॒शन्ति॑ ॥ 12.14

वे॒दान्त॑ वि॒ज्ञान॑-सु॒निश्चि॑तार्थाः स॒न्यास॑ यो॒गाद्य॑तयः शु॒द्ध स॒त्त्वाः ।
ते ब्र॑ह्म॒लोके॑ तु प॒रान्त॑काले प॒रामृ॑तात् परि॒मुच्य॑न्ति स॒र्वं ॥ 12.15

द॒हं वि॒पापं॑ प॒रमै॑श्म भू॒तं य॑त् पु॒ण्डरी॑कं पु॒रम॑ध्य स॒स्थं ।

तत्रापि दहं गगनं विशोक-स्तस्मिन्. यदन्तस्त-दुपासितव्यं ॥ 12.16

यो वेदादौ स्वरः प्रोक्तो वेदान्ते च प्रतिष्ठितः ।

तस्य प्रकृतिलीनस्य यः परस्स महेश्वरः ॥ 12.17

4.14 नारायण सूक्तं

सहस्रशीर्षं देवं विश्वाक्षं विश्वं शं भुवं ।

विश्वं नारायणं देवमक्षरं परमं पदं ॥ 13.1

विश्वतः परमान्नित्यं विश्वं नारायणं हरिं ।

विश्वमेवेदं पुरुष-स्तद्विश्व-मुपजीवति ॥ 13.2

पतिं विश्वस्यात्मेश्वरं शाश्वतं शिवमच्युतं ।

नारायणं महाज्ञेयं विश्वात्मानं परायणं ॥ 13.3

नारायणं परो ज्योतिरात्मा नारायणः परः ॥ 13.4

नारायणं परं ब्रह्म तत्त्वं नारायणः परः ।

नारायणं परो ध्याता ध्यानं नारायणः परः ।

यच्च किञ्चिज्-जगत् सर्वं दृश्यते श्रूयतेऽपि वा ।

अ॒न्त॒र् ब॒हि॒श्च॑ त॒थ् स॒र्वं॑ व्वा॒प्य ना॒रा॒य॒णः॑ स्ति॒तः॑ ॥ 13.5

अ॒न॒न्त॑ म॒व्य॒यं क॒वि॒ꣳ स॒मु॒द्रे॒ऽन्तं॑ वि॒श्व शं॑भु॒वं ।
प॒द्म॒को॒श-प्र॑ती॒का॒शꣳ हृ॒द॒यं चा॒प्य॒धो॒मु॒खं ॥ 13.6

अ॒धो नि॒ष्ट्या॑ वि॒त॒स्त्या॒न्ते॑ ना॒भ्या॒मु॒परि॑ ति॒ष्ठति॑ ।
ज्वा॒ल॒मा॒ला कु॒लं भा॒ती वि॒श्व॒स्या॒य॒त॒नं॑ म॒हत् ॥ 13.7

स॒न्त॒तꣳ शि॒ला॒भि॒स्तु॑ ल॒ंब॒त्या को॒श॒स॒न्नि॒भं ।
त॒स्या॒न्ते॑ सु॒षि॒रꣳ सू॒क्ष्मं॑ तस्मि॒न्त् सर्वं॑ प्र॒ति॒ष्ठि॒तं ॥ 13.8

त॒स्य॑ म॒ध्ये॑ म॒हा॒न॒ग्नि॒र् वि॒श्वार्चि॑र् वि॒श्वतो॑ मु॒खः॑ ।
सोऽ॒ग्र॒भु॒ग् वि॒भ॒ज॒न् ति॒ष्ठन्-ना॒हार-म॒जरः॑ क॒विः॑ ।
ति॒र्य॒गूर्ध्व॑ म॒ध॒श्शायी॑ र॒श्म॒य॒स्त॒स्य॑ स॒न्त॒ता ॥ 13.9

स॒न्ता॒प॒य॒ति॑ स्वं॑ दे॒ह॒मा॒पा॒द॒त॒ल म॒स्त॒कः॑ ।
त॒स्य॑ म॒ध्ये॑ व॒हि शि॒खा अ॒णी॒यो॒र्ध्वा॑ व्वा॒व॒स्थि॒तः॑ ॥ 13.10

नी॒ल॒तो॒ यद॑ म॒ध्य॒स्थाद् वि॒द्यु॒ल्ले॒खे॒व भा॒स्व॒रा ।

नी॒वार॑ शू॒क॒व॒त्त॒न्वी॑ पी॒ता भा॑स्व॒त्य॒णू॒प॒मा ॥ 13.11

तस्याः॑ शि॒खा॒या म॑ध्ये॒ पर॑मा॒त्मा व्य॑व॒स्थि॒तः ।

स ब्र॒ह्म स शि॒वः स ह॒रिः से॒न्द्रः सोऽक्ष॑रः प॒रमः स्व॒राट् ॥ 13.12

4.15 आदित्य मण्डले परब्रह्मोपासनं

आ॒दि॒त्यो वा ए॒ष ए॒तन् म॑ण॒डलं॑ त॒पति॑ तत्र॒ ता ऋ॑च॒स्तदृ॑चा म॒ण॒डल॑ꣳ
स ऋ॒चां लो॒कोऽथ॑ ए॒ष ए॒तस्मिन्॑ म॒ण॒डले॑ऽर्चि॒ दी॒प्य॑ते तानि॒ सामा॑नि
स सा॒म्नां लो॒कोऽथ॑ य ए॒ष ए॒तस्मिन्॑ म॒ण॒डले॑ऽर्चि॒षि पु॒रुष॑स्तानि॒ यजू॑ꣳषि
स य॒जुषा॑ म॒ण॒डल॑ꣳ स य॒जुषां॑ लो॒क-स्सै॑षा त्र॒य्ये॒व वि॒द्या त॑पति
य ए॒षोऽन्त॑-रा॒दि॒त्ये हि॒र॒ण्म॒यः पु॒रुषः॑ ॥ 14.1

4.16 आदित्यपुरुषस्य सर्वात्मकत्व प्रदर्शनं

आ॒दि॒त्यो वै ते॒ज ओ॒जो ब॒लं य॑श-श्चक्षु-श्रो॒त्रमा॑त्मा म॒नो म॒न्यु-र्म॑नुर्-
मृ॒त्यु-स्स॒त्यो मि॒त्रो वा॒युरा॑काशः प्रा॒णो लो॒कपा॑लः कः किं कं तथ्
स॒त्यम॑न्न-म॒मृतो॑ जी॒वो वि॒श्वः क॑तमः स्व॒यंभु॑ ब्र॒ह्मै त॑दमृत ए॒ष पु॒रुष॑ ए॒ष
भू॒ताना॑-म॒धिप॑तिर्-ब्र॒ह्म॒णः सा॒युज्य॑ꣳ स॒लो॒कता॑-मा॒प्नो-त्ये॒तासा॑-मे॒व
दे॒वता॑नाꣳ सा॒युज्य॑ꣳ सा॒र्ष्टि॑ताꣳ स॒मान॑ लो॒कता॑-मा॒प्नो॑ति य ए॒वं

ॐ वेदेत्युपनिषत् ॥ 15.1

4.17 शिवोपासन मन्त्रः

निध॑नपतये॒ नमः॑ । निध॑नपतान्तिकाय॒ नमः॑ ।

ऊर्ध्वा॑य॒ नमः॑ । ऊर्ध्व॑ लिङ्गाय॒ नमः॑ ।

हिर॑ण्याय॒ नमः॑ । हिर॑ण्य लिङ्गाय॒ नमः॑ ।

सुव॑र्णाय॒ नमः॑ । सुव॑र्ण लिङ्गाय॒ नमः॑ ।

दि॒व्याय॒ नमः॑ । दि॒व्य लिङ्गाय॒ नमः॑ ।

भ॒वाय॒ नमः॑ । भ॒व लिङ्गाय॒ नमः॑ ।

श॒र्वाय॒ नमः॑ । श॒र्व लिङ्गाय॒ नमः॑ ।

शि॒वाय॒ नमः॑ । शि॒व लिङ्गाय॒ नमः॑ ।

ज्व॒लाय॒ नमः॑ । ज्व॒ल लिङ्गाय॒ नमः॑ ।

आ॒त्माय॒ नमः॑ । आ॒त्म लिङ्गाय॒ नमः॑ ।

प॒रमाय॒ नमः॑ । प॒रम लिङ्गाय॒ नमः॑ ।

ए॒तत्सो॒मस्य॑ सूर्य॒स्य स॒र्व लिङ्ग॑ः स्था॒पय॑ति पा॒णिम॑न्त्रं प॒वित्रं॑ ॥ 16.1

4.18 पश्चिमवक्त्र प्रतिपादक मन्त्रः

सद्यो॑जातं॒ प्र॒पद्या॑मि सद्यो॑जा॒ताय॒ वै नमो॑ नमः॑ ।

भवे॑ भवे॑ नाति॑भवे॑ भवस्व॑ मां । भवोद् भवाय॑ नमः॑ ॥ 17.1

4.19 उत्तर वक्त्र प्रतिपादक मन्त्रः

वामदे॒वाय॑ नमो॑ ज्येष्ठा॒य नमः॑ श्रेष्ठा॒य नमो॑ रुद्रा॒य नमः॑ काला॒य नमः॑
कल॑विकर॒णाय॑ नमो॑ बल॑विकर॒णाय॑ नमो॑ बला॒य नमो॑
बल॑प्रमथ॒नाय॑ नमः॑ सर्व॑भूतदम॒नाय॑ नमो॑ मनो॑न्मना॒य नमः॑ ॥ 18.1

4.20 दक्षिण वक्त्र प्रतिपादक मन्त्रः

अघो॑रे॒भ्योऽथ॑ घो॒रे॒भ्यो घो॑रघो॒र तरे॑भ्यः ।
सर्वे॑भ्यः सर्व॑ शर्वे॑भ्यो नम॑स्ते अस्तु॑ रुद्र॒रूपे॑भ्यः ॥ 19.1

4.21 प्राग्वक्त्र प्रतिपादक मन्त्रः

तत्पु॑रुषाय॒ विद्महे॑ महा॒देवाय॑ धीमहि॑ । तन्नो॑ रुद्रः प्रचो॒दयात् ॥ 20.1

4.22 ऊर्ध्व वक्त्र प्रतिपादक मन्त्रः

ईशा॑नः सर्व॑विद्या॒ना-मी॒श्वरः॑ सर्व॑भूता॒नां
ब्रह्मा॑धिपतिर्-ब्रह्म॒णोऽधि॑पतिर्-ब्रह्मा॑ शिवो॒ मे अस्तु॑ सदा॒शिवो॑ ॥ 21.1

4.23 नमस्कारार्थ मन्त्राः

नमो॑ हिरण्य॒बाहवे॑ हिरण्य॒वर्णाय॑ हिरण्य॒रूपाय॑ हिरण्य॒पतये॑ ऽम्बिका॒पतये॑
उमा॑पतये॒ पशु॑पतये॒ नमो॑ नमः॑ ॥ 22.1

ऋ॒त॒ꣳ स॒त्यं॑ प॒रं ब्र॒ह्म॑ पु॒रुषं॑ कृ॒ष्ण॒ पिङ्ग॑लं ।
 ऊ॒र्ध्व॒रे॒तं वि॑रू॒पाक्षं॑ वि॒श्वरू॑पाय॒ वै न॒मो न॑मः ॥ 23.1

स॒र्वो वै रु॒द्रस्त॑स्मै रु॒द्राय॑ न॒मो अ॑स्तु ।
 पु॒रुषो॑ वै रु॒द्र-स्स॑न्म॒हो न॒मो न॑मः ।
 वि॒श्वं भू॑तं भु॒वनं॑ चि॒त्रं बहु॑धा जा॒तं जा॑य॒मानं॑ च॒ यत् ।
 स॒र्वो ह्ये॑ष रु॒द्र-स्त॑स्मै रु॒द्राय॑ न॒मो अ॑स्तु ॥ 24.1

क॒द्रु॒द्राय॑ प्र॒चे॒त॒से मी॑दु॒ष्टमा॑य॒ तव्य॑से । वो॒चे॒म श॑न्त॒मꣳ ह॒दे ।
 स॒र्वो ह्ये॑ष रु॒द्र-स्त॑स्मै रु॒द्राय॑ न॒मो अ॑स्तु ॥ 25.1

4.24 अ॒ग्नि॒हो॒त्र ह॒व॒ण्याः उ॒पयु॑क्तस्य वृ॒क्ष वि॒शेष॑-स्या॒भि॒धान॑म्

यस्य॑ वै क॒ङ्क॒त्य॒ग्नि-हो॒त्रह॑वणी॒ भव॑ति॒ प्रत्ये॒वा-स्या॑हु॒तय॑-
 स्ति॒ष्ठन्त्य॑थो॒ प्रति॑ष्ठित्यै ॥ 26.1

4.25 रक्षोघ्न मन्त्र निरूपणं

कृ॒णु॒ष्व पा॒जः प्र॒सि॒ति॒न्न पृ॒थ्वींँ या॒हि रा॒जे वा॒मवा॒ँ इ॒भेन॑ ।
तृ॒ष्वीम॒नु प्र॒सि॒तिं द्रू॒णानो॑ऽस्ताऽसि॒ वि॒ध्य र॒क्ष स॒स्तपि॑ष्ठैः ॥ 27.1

तव॑ भ्र॒मास॑ आ॒शुया॑ प॒तन्त्य॑नु स्पृ॒श धृ॒षता॑ शो॒शु॒चानः॑ ।
तपू॑ष्य॒ग्ने जु॒ह्वा प॒तंगान॑ स॒न्दितो॑ वि॒सृ॒ज वि॒ष्व गु॒ल्काः ॥ 27.2

प्र॒ति॒स्प॒शो वि॒सृ॒ज तू॒र्णि त॒मो भ॒वा पा॒युर् वि॒शो अ॒स्या अ॒द॒ब्धः ।
यो नो॑ दू॒रे अ॒घश॑ँ सो॒यो अ॒न्त्य॒ग्ने मा॒कि॒ष्टे व्य॒थिरा॑ द॒धर्षी॑त् ॥ 27.3

उ॒द॒ग्ने ति॒ष्ठ प्र॒त्या त॒नुष्व॑न्य मि॒त्राँ ओ॒षता॑त् ति॒ग्महे॑ते ।
यो नो॑ अ॒राति॑ँ स॒मि॒धान॑ च॒क्रे नी॒चातं॑ ध॒क्ष्यत॑ स॒न्न शु॒ष्कं ॥ 27.4

ऊ॒र्ध्वो भ॒व प्र॒ति॒वि॒ध्या-॒ध्य॒स्मदा॑ वि॒ष्कृ॑णु॒ष्व दै॒व्या॑न्य॒ग्ने ।
अ॒व॒स्थिरा॑ त॒नुहि॑ या॒तु जू॒नां जा॒मिम॑जा॒मिं प्र॑मृ॒णीहि॑ श॒त्रून् ॥ 27.5 ॥

Ref TS 1.2.14.1 & 2

कृ॒णु॒ष्व पा॒ज इति॑ पञ्च ।

4.26 भूदेवताक मन्त्रः

अ॒दि॒तिर्-दे॒वा ग॒न्ध॒र्वा म॒नु॒ष्याः॑ पि॒तरो॑-ऽसु॒रा-स्तेषां॑ सर्व॑ भू॒तानां॑ मा॒ता
मे॒दिनी॑ म॒हता॑ म॒ही सा॒वित्री॑ गा॒यत्री॑ जग॒त्युर्वी॑ पृ॒थ्वी ब॒हु॒ला वि॒श्वा भू॒ता
क॒त॒मा का॒या सा स॒त्ये-त्य॒मृते॑ति वसिष्ठः ॥ 28.1

4.27 सर्वा देवता आपः

आपो॑ वा इ॒दं सर्वं॑ वि॒श्वा भू॒तान्यापः॑ प्रा॒णा वा आपः॑ प॒शव॑
आपोऽन्न॒मापो॑ -ऽमृत॒माप॑-स्स॒म्राडापो॑ वि॒राडाप॑-स्स्व॒राडाप॑-श्छ॒न्दा-
स्यापो॑ ज्योतीं॑ ष्यापो॑ यजूं॑ ष्यापः॑ स॒त्यमापः॑ सर्वा॑ दे॒वता॑ आपो॑
भूर्भुव॑स्सुवराप॑ ओं ॥ 29.1

4.28 सन्ध्यावन्दन मन्त्राः

आपः॑ पुन॒न्तु पृ॒थि॒वीं पृ॒थि॒वी पू॒ता पु॒नातु॑ मां ।
पुन॒न्तु ब्र॒ह्मण॑स्पतिर्-ब्र॒ह्म पू॒ता पु॒नातु॑ मां ॥ 30.1

यदु॑च्छिष्ट-म॒भोज्यं॑ य॒द्वा दु॒श्च॒रितं॑ मम ।
सर्वं॑ पुन॒न्तु मा॒मापो॑-ऽस॒ताञ्च॑ प्र॒तिग्र॑हं स्वाहा ॥ 30.2

अग्निश्च॑ मा॒ मन्युश्च॑ मन्युपतयश्च॑ मन्यु॑ कृ॒तेभ्यः॑ ।
पापे॑भ्यो रक्षन्तां । यद॑हा पापमकार्षं ।
मनसा॑ वाचा॒ हस्ताभ्यां॑ । पद्भ्या॑-मुदरेण॑ शि॒शना ।
अह॑स्तदवलु॑पतु । यत्किञ्च॑ दुरि॒तं मयि॑ ।
इदम॑ह-माममृत॑ यो॒नौ । सत्ये॑ ज्योतिषि जुहो॑मि स्वाहा ॥ 31.1

सूर्यश्च॑ मा॒ मन्युश्च॑ मन्युपतयश्च॑ मन्यु॑ कृ॒तेभ्यः॑ ।
पापे॑भ्यो रक्षन्तां । यद् रा॒त्रिया पापमकार्षं ।
मनसा॑ वाचा॒ हस्ताभ्यां॑ । पद्भ्या॑-मुदरेण॑ शि॒शना ।
रात्रि॑-स्तदवलु॑पतु । यत्किञ्च॑ दुरि॒तं मयि॑ । ।
इदम॑ह-माममृत॑ यो॒नौ । सूर्ये॑ ज्योतिषि जुहो॑मि स्वाहा ॥ 32.1

4.29 प्रणवस्य ऋष्यादि विवरणं

ओमित्येकाक्षरं॑ ब्रह्म । अग्नि॑र्दे॒वता ब्रह्म॑ इत्यार्षं ।
गाय॑त्रं छन्दं परमात्मं॑ स॒रूपं । सायु॑ज्यं वि॒नियोगं॑ ॥ 33.1

4.30 गायत्र्यावाहन मन्त्राः

आया॑तु वर॑दा दे॒वी अक्ष॑रं ब्र॒ह्म संमि॑तं ।

गाय॑त्रीं-छन्द॑सां मा॒तेदं ब्र॒ह्म जुष॑स्व मे ॥ 34.1

यद॑हात् कुरु॑ते पा॒पं तद॑हात् प्र॒तिमुच्य॑ते ।

यद् रा॒त्रियात् कुरु॑ते पा॒पं तद् रा॒त्रियात् प्र॒तिमुच्य॑ते ।

सर्व॑ वर्णे॑ महा॑देवि स॒न्ध्या विद्ये॑ सर॒स्वति ॥ 34.2

ओजो॑ऽसि स॒होऽसि ब॒लम॑सि भ्राजो॑ऽसि दे॒वानां॑ धाम॒ नामा॑सि
विश्व॑मसि विश्वा॒युः सर्व॑मसि सर्वा॒यु-रभि॑भूरो-गाय॑त्री-मावा॑हयामि
सावि॑त्री-मावा॑हयामि सर॒स्वती-मावा॑हयामि छन्द॑ऋषी-नावा॑हयामि
श्रिय॑-मावा॑हयामि गाय॑त्रिया गाय॑त्री च्छन्दो॑ विश्वा॒मित्र

ऋषिः॑ सवि॒ता दे॒वता॑ऽग्नि॒मुखं ब्र॒ह्मा शिरो॑ विष्णु-हृ॒दय॑ꣳ रुद्रः॑

शि॒खा पृथि॑वीयोनिः प्रा॒णापा॑न-व्या॒नोदा॑न-स॒माना स॑प्रा॒णा श्वे॒तवर्णा॑

साङ्ख्या॑यन-स॒गोत्रा॑ गाय॑त्री चतुर्वि॑ꣳ शत्य॑क्षरा त्रिप॒दा

षट्कु॑क्षिः पञ्च॑ शीर्षो॒पन॑यने वि॒नियो॑ग , (35.1)

ओं भूः । ओं भुवः । ओ३ सुवः । ओं महः । ओं जनः ।
 ओं तपः । ओ३ सत्यं । ओं तथ् स॒वितुर्वरे॑ण्यं॒ भर्गो॑ दे॒वस्य॑ धीमहि ।
 धियो॒ यो नः॑ प्रचोदयात् ॥

ओ॒मापो॒ ज्योती॒ रसोऽमृतं॒ ब्रह्म॒ भूर्भुवस्सुवरो॑ ॥ 35.2

4.31 गायत्री उपस्थान मन्त्राः

उ॒त्तमे॑ शि॒खरे॑ जा॒ते भू॒म्यां पर्व॑त मूर्ध॒नि ।
 ब्रा॒ह्मणे॑भ्यो-ऽभ्यनु॒ज्ञाता॒ गच्छ॑ दे॒वि यथा॑सुखं ॥ 36.1

स्तु॒तो मया॑ वर॒दा वेद॑मा॒ता प्रचो॑दयन्ती पवने॑ द्विजा॒ता ।
 आयुः॑ पृ॒थिव्यां-द्र॒विणं॑ ब्रह्मवर्च॒सं मह्यं॑ दत्वा प्रजातुं ब्रह्म॒लोकं॑ ॥ 36.2

4.32 आदित्यदेवता मन्त्रः

घृ॒णिः सूर्य॑ आ॒दित्यो॑ न प्रभा-वा॒त्यक्षरं॑ । मधु॑क्षरन्ति तद् र॒सं ।
 सत्यं॑ वै तद् र॒स-मा॒पो ज्योती॒रसोऽमृतं॒ ब्रह्म॒ भूर्भुवस्सुवरो॑ ॥ 37.1

4.33 त्रिसुपर्णमन्त्राः

ब्रह्म॑ मे॒तु मां॑ । मधु॑ मे॒तु मां॑ । ब्रह्म॑-मे॒व मधु॑ मे॒तु मां॑ ।
 यास्ते॑ सोम प्रजाव॒त्सो-ऽभिसो॑ अ॒हं । दु॒ष्वप्न॑हन् दु॒रुष्व॑ह ।

यास्ते॑ सोम॑ प्रा॒णा॒ऽस्तां जु॑होमि । त्रि॒सुप॑र्ण॒ मया॑चितं ब्रा॒ह्म॒णाय॑ दद्यात् ।
 ब्र॒ह्म॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सुप॑र्णं प॒ठन्ति॑ ।
 ते सोमं॑ प्राप्नुवन्ति । आ॒स॒ह॒स्रात् प॑न्ति पुनन्ति । ओं ॥ 38.1

ब्र॒ह्म॒ मे॒धया॑ । म॒धु मे॒धया॑ । ब्र॒ह्म॒मे॒व म॒धु मे॒धया॑ ।
 अद्या॑ नो दे॒व स॒वितः॑ प्र॒जाव॑त्सा॒वी-स्सौ॑भ॒गं ।
 प॒रा दु॒ष्व॒प्निय॑ सु॒व । वि॒श्वानि॑ दे॒व स॒वित॑र्-दु॒रि॒तानि॑ प॒रासु॑व ।
 यद् भ॒द्रं तन्म॑ आ॒सुव॑ । ॥ 39.1

म॒धुवा॑ता ऋ॒ताय॑ते म॒धुक्ष॑रन्ति सि॒न्ध॒वः । मा॒ध्वी॒र्न-स्स॒न्त्वोष॑धीः ॥ 39.2

म॒धुन॑क्त॒ मु॒तोष॑सि म॒धुम॑त् पा॒र्त्थि॒व॒ऽर॑जः । म॒धुद्यौ॑रस्तु नः पि॒ता ॥ 39.3

म॒धुमा॑न्नो व॒नस्प॑तिर्-म॒धुमा॑ऽअस्तु सूर्यः॑ । मा॒ध्वी॒र्गावो॑ भवन्तु नः ॥ 39.4

य इ॒मं त्रि॒सुप॑र्ण॒-मया॑चितं ब्रा॒ह्म॒णाय॑ दद्यात् । ॥ 39.5

भ्रू॒ण॒ह॒त्यां वा॑ ए॒ते घ्न॑न्ति । ये ब्रा॒ह्म॒णा-स्त्रि॑सुप॑र्णं प॒ठन्ति॑ । ॥ 39.6

ते सोमं॑ प्राप्नुवन्ति । आ॒स॒ह॒स्रात् प॑न्ति पुनन्ति । ओं ॥ 39.7

ब्र॒ह्म॑ मे॒धवा॑ । मधु॑ मे॒धवा॑ । ब्र॒ह्म॑ मे॒व मधु॑ मे॒धवा॑ । ॥ 40.1

ब्र॒ह्मा॑ दे॒वानां॑ प॒दवीः॑ क॒वीना॑-मृ॒षिर् वि॒प्राणां॑ म॒हिषो॑ मृ॒गाणां॑ ।

श्ये॒नो गृ॒द्धाणा॑ ७ स्व॒धिति॑र्-व॒नाना॑ ७ सोमः॑ प॒वित्र॑-म॒त्येति॑ रेभ॒न् ॥ 40.2

ह ७ स-इ॒शुचि॑षद् वसु॒रन्तरि॑क्ष स॒द्धोता॑-वे॒दिष॑-द॒तिथि॑र्-दु॒रोण॑सत् ।

नृ॒षद्व॑र-स॒दृत्-सद् व्यो॑म-स॒दब्जा॑-गो॒जा ऋ॑त॒जा

अ॒द्रिजा॑ ऋ॒तं बृ॒हत् ॥ 40.3

ऋ॒चेत्वा॑ रु॒चेत्वा॑ स॒मिथ् स्र॑वन्ति स॒रितो॑ न धे॒नाः ।

अ॒न्तर् हृ॒दा म॒नसा॑ पू॒यमा॑नाः । घृ॒तस्य॑ धा॒रा अ॒भिचा॑क॒शीमि॑ ।

हि॒रण्य॑यो वे॒तसो॑ म॒ध्य आ॑सां । ॥ 40.4

तस्मि॑न् सु॒पर्णो॑ म॒धुकृ॑त् कु॒लायी॑ भ॒जन्नास्ते॑ म॒धु दे॒वता॑भ्यः ।

तस्या॑ स॒ते ह॒रय॑-स्स॒प्तती॑रे स्व॒धां दु॒हाना॑ अ॒मृत॑स्य धा॒रां । ॥ 40.5

य इ॒दं त्रि॑सु॒पर्ण॑-म॒याचि॑तं ब्रा॒ह्मणा॑य द॒द्यात् ।

वी॒रह॑त्यां वा ए॒ते घ्न॑न्ति । ये ब्रा॒ह्मणा॑-स्त्रि॑सु॒पर्णं प॑ठन्ति ।

ते सोमं प्राप्नुवन्ति । आसहस्रात् पंक्तिं पुनन्ति । ओं ॥ 40.6

4.34 मेधा सूक्तं

मेधादेवी जुषमाणा न आगाद् विश्वाची भद्रा सुमनस्य माना ।
 त्वया जुष्टा नुदमाना दुरुक्तान् बृहद्वदेम विदथे सुवीराः ।
 त्वया जुष्ट ऋषिर् भवति देवि त्वया ब्रह्माऽऽगतश्री रुत त्वया ॥
 त्वया जुष्टश्चित्रं विन्दते वसु सा नो जुषस्व द्रविणो नमेधे ॥ 41.1

मेधां म इन्द्रो ददातु मेधां देवी सरस्वती ।
 मेधां मे अश्विनावुभा-वाधत्तां पुष्करस्रजा ।
 अप्सरासु च या मेधा गन्धर्वेषु च यन्मनः ।
 दैवीं मेधा सरस्वती सा मां मेधा सुरभिर् जुषतां स्वाहा ॥ 42.1

आमां मेधा सुरभिर् विश्वरूपा हिरण्यवर्णा जगती जगम्या ।
 ऊर्जस्वती पयसा पिन्वमाना सा मां मेधा सुप्रतीका जुषन्तां ॥ 43.1

मयि मेधां मयि प्रजां मय्यग्निस्तेजो दधातु मयि मेधां मयि प्रजां
 मयीन्द्र इन्द्रियं दधातु मयि मेधां मयि प्रजां मयि सूर्यो भ्राजो दधातु ॥ 44.1

4.35 मृत्युनिवारण मन्त्राः

अ॒पै॒तु म॒ृत्यु-र॒मृत॑न्न आ॒गन् वै॒वस्व॑तो नो अ॒भय॑ङ्क॒णोतु॑ ।

पर्णं॑ व॒नस्प॑ते रि॒वाभि॑न-॒श्शी॑यता॒ रयि॑-स्सच॒तान्न॑ श॒शी॒पतिः॑ ॥ 45.1

परं॑ म॒ृत्यो अनु॑परे॒हि प॒न्थां य॑स्तेस्व इ॒तरो॑ दे॒वया॑नात् ।

चक्षु॑ष्मते शृ॒ण्वते॑ ते ब्र॒वीमि॑ मानः प्र॒जा री॑रिषो मोत वी॒रान् ॥ 46.1

वातं॑ प्रा॒णं मन॑सान् वा॒रभा॑महे प्र॒जाप॑तिं यो भु॒वन॑स्य गो॒पाः ।

सनो॑ म॒ृत्यो स्त्रा॑यतां पा॒त्व ह॑सो ज्यो॒ग् जी॒वा ज॒रा म॑शीमहि ॥ 47.1

अमु॑त्र भू॒याद॑ध य॒ध्यम॑स्य बृ॒हस्प॑ते अ॒भि॒शस्ते॑र मु॒ञ्चः ।

प्र॒त्यौ॒हता॑ म॒श्विना॑ म॒ृत्यु म॑स्मा दे॒वाना॑म॒ग्ने भि॑ष॒जा श॒ची॒भिः ॥ 48.1

हरि॑ हर॒न्त- म॑नु॒यन्ति॑ दे॒वा वि॒श्वस्ये॑शा॒नं वृ॑षभं म॒तीनां॑ ।

ब्र॒ह्म॒सरू॒प म॑नु॒मेद॑मा॒गा-द॑य॒नं मा॑ वि॒वधी॑र् वि॒क्रम॑स्व ॥ 49.1

श॒ल्कै॒रग्नि॑ मि॒न्धान॑ उ॒भौ लो॒कौ स॑नेमहं ।

उ॒भयो॑ लो॒कया॑र् ऋ॒ध्वाऽति॑ म॒ृत्युं त॑राम्यहं ॥ 50.1

माच्छि॑दो मृ॒त्यो मा॒वधी॑र्-मा॒मे ब॒लं वि॒वृ॒हो मा प्र॒मोषीः॑ ।

प्र॒जां मा॒मे री॒रिष॑ आयु॒रुग्र॑ नृ॒चक्ष॑सं त्वा ह॒विषा॑ वि॒धेम ॥ 51.1

मा नो॑ म॒हान्त॑मु॒त मा नो॑ अ॒र्भकं॑ मा न उ॒क्षन्त॑मु॒त मा न उ॒क्षितं॑ ।

मा नो॑ व॒धीः पि॒तरं॑ मो॒त मा॒तरं॑ प्रि॒या मा न॑स्त॒नुवो॑ रु॒द्र री॒रिषः॑ ॥ 52.1

मा न॑स्तो॒के तन॑ये मा न आयु॑षि मा नो गो॑षु मा नो अ॒श्वेषु॑ री॒रिषः॑ ।

वी॒रा॒न्मा नो॑ रु॒द्र भा॒मितो॑व॒धीर्-ह॒विष्म॑न्तो नम॒सा वि॒धेम ते ॥ 53.1

4.36 प्रजापति-प्रार्थना मन्त्रः

प्र॒जाप॑ते न त्वदे॒ता-न्य॑न्यो वि॒श्वा जा॒तानि॑ परि॒ता ब॑भूव ।

यत् का॒मास्ते जुहु॑मस्तन्नो अस्तु व॒यं स्या॑म प॒तयो॑ र॒यीणां॑ ॥ 54.1

4.37 इन्द्रप्रार्थना मन्त्रः

स्व॒स्ति॒दा वि॒शस्प॑तिर् वृ॒त्रहा॑ वि॒मृ॒धो व॒शी ।

वृ॒षेन्द्रः॑ पु॒र ए॒तुन॑ स्व॒स्ति॒दा अ॒भयं॑ क॒रः ॥ 55.1

4.38 मृत्युञ्जय मन्त्रः

त्र्यं॑ब॒कं य॑जामहे सु॒गन्धिं॑ पु॒ष्टि॒वर्ध॑नं ।

उ॒र्वारु॑कमि॒व ब॑न्ध॒नान्-मृ॒त्योर् मु॒क्षीय॑ माऽमृ॒तात् ॥ 56.1

ये ते सहस्रमयुतं पाशा मृत्यो मर्त्याय हन्तवे ।
तान् यज्ञस्य मायया सर्वानव यजामहे ॥ 57.1

मृत्यवे स्वाहा मृत्यवे स्वाहा ॥ 58.1

4.39 पापनिवारका मन्त्राः

देवकृतस्यैनसो-ऽवयजनमसि स्वाहा ।
मनुष्यकृतस्यैनसो ऽवयजनमसि स्वाहा ।
पितृकृतस्यैनसो ऽवयजनमसि स्वाहा ।
आत्मकृतस्यैनसो ऽवयजनमसि स्वाहा ।
अन्यकृतस्यैनसो ऽवयजनमसि स्वाहा ।
अस्मत्कृतस्यैनसो ऽवयजनमसि स्वाहा ।
यद्विवा च नक्तं चैनश्चकृम तस्या वयजनमसि स्वाहा ।
यथ् स्वपन्तश्च जाग्रत-श्चैनश्च-कृम तस्या वयजनमसि स्वाहा ।
यथ् सुषुप्तश्च जाग्रत-श्चैनश्च-कृम तस्या वयजनमसि स्वाहा ।
यद् विद्वांस् सश्चा विद्वांस् सश्चैनश्च-कृम तस्या वयजनमसि स्वाहा ।
एनस एनसो वयजनमसि स्वाहा ॥ 59.1

4.40 वसु-प्रार्थना मन्त्रः

य॒द्वो दे॒वाश्च॒कृम जि॒ह्वाया॑ गु॒रुमन॑सो वा प्र॒युती॑ दे॒व हे॒डनं॑ ।
 अ॒रा॒वा यो नो॑ अ॒भिदु॑च्छु॒नाय॑ते तस्मिन् तदे॒नो वस॑वो
 नि॒धैत॑न स्वाहा ॥ 60.1

4.41 कामोऽकार्षीत् – मन्युरकार्षीत् मन्त्रः

का॒मोऽका॒र्षी॒न्नमो॑ नमः । का॒मोऽका॒र्षीत् का॒मः क॑रोति नाहं करोमि
 का॒मः क॑र्त्ता नाहं क॑र्त्ता का॒मः का॒रयि॑ता नाहं का॒रयि॑ता एष ते
 का॒म का॒माय॑ स्वाहा ॥ 61.1

म॒न्युरका॒र्षी॒न्नमो॑ नमः । म॒न्युरका॒र्षीन् म॒न्युः क॑रोति नाहं करोमि
 म॒न्युः क॑र्त्ता नाहं क॑र्त्ता म॒न्युः का॒रयि॑ता नाहं का॒रयि॑ता एष ते
 म॒न्यो म॒न्यवे॑ स्वाहा ॥ 62.1

4.42 विरजा होम मन्त्राः

ति॒लाञ्जु॑होमि सर॒साञ् स॑पि॒ष्टान् ग॒न्धार॑ मम चित्ते रम॑न्तु स्वाहा ॥ 63.1

गा॒वो हि॒रण्यं॑ धनम॒न्नपा॑नञ् सर्वे॒षाञ् श्रि॑यै स्वाहा ॥ 63.2

श्रियञ्च लक्ष्मिञ्च पुष्टिञ्च कीर्तिं॑ चा नृ॒ण्यतां॑ ।

ब्रह्म॑ण्यं बहु॑-पु॒त्रतां॑ । श्रद्धा॑मेधे प्र॒जाः स॒न्ददा॑तु स्वा॒हा ॥ 63.3

तिलाः कृ॒ष्णा-स्ति॑लाः श्वे॒ता-स्ति॑लाः सौ॒म्या व॑शा॒नुगाः॑ ।

तिलाः पु॒नन्तु॑ मे पा॒पं य॑त्किञ्चिद् दुरि॑तं मयि स्वा॒हा ॥ 64.1

चो॒रस्या॑न्नं न॒वश्रा॑द्धं ब्रह्म॑हा गु॒रुत॑ल्पगः ।

गो॒स्तेय॑ञ् सुरा॑पा॒नं भ्रू॑णह॒त्या ति॒ला शा॑न्तिञ् श॒मय॑न्तु स्वा॒हा ॥ 64.2

श्रीश्च लक्ष्मीश्च पुष्टीश्च कीर्तिं॑ चा नृ॒ण्यतां॑ ।

ब्रह्म॑ण्यं बहु॑ पु॒त्रतां॑ । श्रद्धा॑मेधे प्र॒जातु॑ जा॒तवे॑दः स॒न्ददा॑तु स्वा॒हा ॥ 64.3

प्रा॒णापा॑न-व्या॒नोदा॑न-स॒माना मे॑ शु॒ध्यन्तां॑

ज्योति॑ र॒हं वि॑रजा वि॒पाप्मा॑ भू॒यास॑ स्वा॒हा ॥ 65.1

वाङ् मनश्चक्षुः-श्रो॒त्र-जि॒ह्वा-घ्रा॑ण-रे॒तो-बु॑द्ध्य॒कूतिः॑ सङ्कल्पा मे॑

शु॒ध्यन्तां॑ ज्योति॑ र॒हं वि॑रजा वि॒पाप्मा॑ भू॒यास॑ स्वा॒हा ॥ 65.2

त्वक्-च॒र्म-मा॑ञ् स-रु॒धिर-मे॑दो-मज्जा-स्ना॒यवो॑-ऽस्थी॒नि मे॑

शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 65.3

शिरः॑ पाणि॑ पाद॑ पार्श्व॑ पृ॒ष्ठो-रू॒दर॑-जङ्घ॑-शि॒श्नोप॑स्थ पायवो॑ मे
शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 65.4

उत्तिष्ठ॑ पु॒रुष॑ ह॒रित॑-पि॒ङ्गल॑ लोहिताक्षि॑ देहि॑ देहि॑ ददापयिता॑ मे
शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 65.5

पृ॒थिव्या॑प स्तेजो॑ वायु॑-राकाशा॑ मे शु॒ध्यन्तां॑
ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.1

शब्द॑-स्पर्श॑-रूपरस॑-गन्धा॑ मे शु॒ध्यन्तां॑
ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.2

मनो॑-वाक्-काय॑-कर्माणि॑ मे शु॒ध्यन्तां॑
ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.3

अव्यक्त॑-भावै॑-रहङ्कारै॑र ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.4

आ॒त्मा मे॑ शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.5

अ॒न्तरा॒त्मा मे॑ शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.6

पर॒मात्मा॑ मे॑ शु॒ध्यन्तां॑ ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.7

क्षु॒धे स्वाहा॑ । क्षु॒त्पि॒पासा॑य स्वाहा॑ । वि॒वि॒त्यै स्वाहा॑ ।

ऋ॒ग्वि॒धाना॑य स्वाहा॑ । क॒षो॒त्का॒य स्वाहा॑ ॥ 66.8

क्षु॒त्पि॒पासा॑म॒लं ज्ये॒ष्ठाम॑लक्ष्मीर् नाश॑याम्य॒हं ।

अ॒भू॒ति-म॑स॒मृद्धि॑ञ्च॒ सर्वा॑ निर्णु॒द मे॑ पाप्मा॑न॒ ॐ स्वाहा॑ ॥ 66.9

अ॒न्नम॑य-प्रा॒णम॑य-म॒नोम॑य-वि॒ज्ञान॑मय-मा॒नन्द॑मय-मा॒त्मा मे॑ शु॒ध्यन्तां॑
ज्योति॑ र॒हं वि॒रजा॑ वि॒पाप्मा॑ भू॒यास॑ ॐ स्वाहा॑ ॥ 66.10

4.43 वैश्वदेव मन्त्राः

अ॒ग्नये॑ स्वाहा॑ । वि॒श्वेभ्यो॑ दे॒वेभ्यः॑ स्वाहा॑ । ध्रु॒वाय॑ भू॒माय॑ स्वाहा॑ ।

ध्रु॒वक्षि॑तये स्वाहा॑ । अ॒च्यु॒तक्षि॑तये स्वाहा॑ । अ॒ग्नये॑ स्वि॒ष्टकृ॑ते स्वाहा॑ ।

ध॒र्माय॑ स्वाहा॑ । अ॒ध॒र्माय॑ स्वाहा॑ । अ॒द्भ्यः॑ स्वाहा॑ ।

ओ॒षधि॑वनस्पतिभ्यः स्वाहा॑ । र॒क्षो दे॒वज॑नेभ्यः स्वाहा॑ ।

गृ॒ह्या॒भ्यः॑ स्वा॒हा । अव॒साने॑भ्यः स्वा॒हा । अव॒सान॑पतिभ्यः स्वा॒हा ।
 सर्व॑ भू॒तेभ्यः॑ स्वा॒हा । कामा॑य स्वा॒हा । अ॒न्तरि॑क्षाय स्वा॒हा ।
 यदे॑जति जगति यच्च॑ चेष्टति॑ नाम्नो॑ भा॒गोऽयं॑ नाम्ने स्वा॒हा ।
 पृ॒थिव्यै॑ स्वा॒हा । अ॒न्तरि॑क्षाय स्वा॒हा । दि॒वे स्वा॒हा ।
 सू॒र्याय॑ स्वा॒हा । च॒न्द्रम॑से स्वा॒हा । नक्ष॑त्रेभ्यः स्वा॒हा ।
 इ॒न्द्राय॑ स्वा॒हा । बृ॒हस्प॑तये स्वा॒हा । प्र॒जाप॑तये स्वा॒हा ।
 ब्र॒ह्मणे॑ स्वा॒हा । स्व॒धा पि॑तृभ्यः स्वा॒हा । नमो॑ रु॒द्राय॑ प॒शुप॑तये स्वा॒हा ।
 दे॒वेभ्यः॑ स्वा॒हा । पि॑तृभ्यः स्व॒धाऽस्तु॑ । भू॒तेभ्यो॑ नमः॑ ।
 म॒नुष्ये॑भ्यो ह॒न्ता । प्र॒जाप॑तये स्वा॒हा । प॒रमे॑ष्ठिने स्वा॒हा ॥ 67.1

यथा॑ कू॒पः श॑त॒धारः॑ स॒हस्र॑धारो अक्षि॑तः ।
 ए॒वा मे॑ अस्तु॒ धान्य॑ꣳ स॒हस्र॑धार-मक्षि॑तं । ध॒नधा॑न्यै स्वा॒हा ॥ 67.2

ये भू॒ताः प्र॑चरन्ति दि॒वान॑क्तं ब॒लि-मि॑च्छन्तो वि॒तुद॑स्य प्रे॒ष्याः ।
 तेभ्यो॑ ब॒लिं पु॑ष्टि॒ कामो॑ ह॒रामि॑ म॒यि पु॑ष्टिं पु॒ष्टिप॑तिर् दधातु॒ स्वाहा॑ ॥ 67.3

ओँ तद् ब्र॒ह्म । ओँ तद् वा॒युः । ओँ तदा॑त्मा । ओँ तथ् स॒त्यं ।

ॐ तथ् सर्वं । ॐ तत् पुरोर् नमः ॥ 68.1

अ॒न्तश्च॑रति॒ भू॒तेषु॑ गु॒हायां॑ वि॒श्व मूर्ति॑षु । त्वं य॑ज्ञस्त्वं व॒षट्कार॑स्त्व-
मि॒द्रस्त्व॑ रु॒द्रस्त्वं-वि॑ष्णुस्त्वं ब्र॒ह्मत्वं॑ प्र॒जाप॑तिः ।

त्वं तदा॑प आ॒पो ज्योती॑ र॒सोऽमृतं॑ ब्र॒ह्म भूर्भुव॑स्सु॒वरो॑ ॥ 68.2

4.44 प्राणाहुति मन्त्राः

श्रद्धायां॑ प्रा॒णे नि॒विष्टोऽमृतं॑ जुहोमि । श्रद्धाया॑म॒पाने॑ नि॒विष्टोऽमृतं॑ जुहोमि ।
श्रद्धायां॑ व्या॒ने नि॒विष्टोऽमृतं॑ जुहोमि । श्रद्धाया॑मु॒दाने॑ नि॒विष्टोऽमृतं॑ जुहोमि ।
श्रद्धाया॑ समा॒ने नि॒विष्टोऽमृतं॑ जुहोमि ।

ब्र॒ह्मणि॑ म आ॒त्माऽमृत॑त्वाय ॥ 69.1

अ॒मृतो॑प॒स्तर॑णमसि ॥ 69.2

श्रद्धायां॑ प्रा॒णे नि॒विष्टोऽमृतं॑ जुहोमि । शि॒वो मा॑ वि॒शाप्र॑दाहाय ।
प्रा॒णाय॑ स्वाहा ।

श्रद्धाया॑म॒पाने॑ नि॒विष्टोऽमृतं॑ जुहोमि । शि॒वो मा॑ वि॒शाप्र॑दाहाय ।
अ॒पानाय॑ स्वाहा ।

श्रद्धायां॑ व्या॒ने नि॒विष्टो॑ऽमृतं॑ जुहोमि । शि॒वो मा॑ वि॒शाप्र॑दाहाय ।

व्या॒नाय॑ स्वाहा ।

श्रद्धाया॑-मु॒दाने॑ नि॒विष्टो॑ऽमृतं॑ जुहोमि । शि॒वो मा॑ वि॒शाप्र॑दाहाय ।

उ॒दानाय॑ स्वाहा ।

श्रद्धाया॑ꣳ स॒माने॑ नि॒विष्टो॑ऽमृतं॑ जुहोमि । शि॒वो मा॑ वि॒शाप्र॑दाहाय ।

स॒मानाय॑ स्वाहा ।

ब्र॒ह्मणि॑ म आ॒त्माऽमृ॑त॒त्वाय॑ ॥ 69.3

अ॒मृ॒तापि॒धान॑म॒सि ॥ 69.4

4.45 भु॒क्तान्ना॑भिमन्त्रण मन्त्राः

श्रद्धायां॑ प्रा॒णे नि॒विश्या॑ऽमृतं॑ हु॒तं । प्रा॒ण मन्त्रे॑नाप्यायस्व ।

श्रद्धाया॑म॒पाने॑ नि॒विश्या॑ऽमृतं॑ हु॒तं । अ॒पान॑ मन्त्रे॑नाप्यायस्व ।

श्रद्धायां॑ व्या॒ने नि॒विश्या॑ऽमृतं॑ हु॒तं । व्या॒न मन्त्रे॑नाप्यायस्व ।

श्रद्धाया॑ मु॒दाने॑ नि॒विश्या॑ऽमृतं॑ हु॒तं । उ॒दान॑ मन्त्रे॑नाप्यायस्व ।

श्रद्धाया॑ꣳ स॒माने॑ नि॒विश्या॑ऽमृतं॑ हु॒तं । स॒मान॑ मन्त्रे॑नाप्यायस्व ॥ 70.1

4.46 भोजनान्ते आत्मानुसन्धान मन्त्रः

अङ्गुष्ठमात्रः पुरुषोऽङ्गुष्ठञ्च समाश्रितः ।

ईशः सर्वस्य जगतः प्रभुः प्रीणाति विश्वभुक् ॥ 71.1

4.47 अवयवस्वस्थता प्रार्थना मन्त्रः

वाङ्म आसन् । नसोः प्राणः । अक्षयो-श्चक्षुः । कर्णयोः श्रोत्रं ।

बाहुवोर् बलं । ऊरुवो रोजः । अरिष्टा विश्वान्यङ्गानि तनूः ।

तनुवा मे सह नमस्ते अस्तु मा मा हिंसीः ॥ 72.1

4.48 इन्द्र सप्तरषि संवाद मन्त्रः

वयः सुपर्णा उपसेदु-रिन्द्रं प्रिय मेधा ऋषयो नाधमानाः ।

अपध्वान्त मूर्णुहि पूर्धि चक्षुर्-मुमुग्ध्यस्मान् निधयेव बद्धान् ॥ 73.1

4.49 हृदयालंभन मन्त्रः

प्राणानां ग्रन्थिरसि रुद्रो मा विशान्तकः । तेनान्नेना-प्यायस्व ॥ 74.1

4.50 देवता प्राणनिरूपण मन्त्रः

नमो रुद्राय विष्णवे मृत्युर्मे पाहि ॥ 75.1

4.51 अग्नि स्तुति मन्त्रः

त्वमग्ने द्युभि-स्त्वमाशु-शुक्षणि-स्त्वमद्भ्य-स्त्वमश्मनस्परि ।

त्वं वनेभ्य-स्त्वमोषधीभ्य-स्त्वं नृणां नृपते जायसे शुचिः ॥ 76.1

4.52 अभीष्ट याचना मन्त्रः

शिवेन॑ मे सन्तिष्ठ॑स्व स्योनेन॑ मे सन्तिष्ठ॑स्व सुभूतेन॑ मे सन्तिष्ठ॑स्व
 ब्रह्मवर्च॑सेन मे सन्तिष्ठ॑स्व यज्ञस्य॑र्धि मनु॑ सन्तिष्ठ॑ स्वोप॑ ते यज्ञ॑
 नम॑ उप॑ ते नम॑ उप॑ ते नमः॑ ॥ 77.1

4.53 पर तत्त्व निरूपणं

सत्यं॑ परं॑ परञ् सत्यञ् सत्येन॑ न सुवर्गा-ल्लोकाच्च्यवन्ते॑
 कदाचन॑ सताञ् हि सत्यं॑ तस्मात् सत्ये॑ रमन्ते , (78.1)

तप॑ इति॑ तपो॑ नानश॑नात् परं॑ य॑द्धि परं॑ तपस्तद् दुर्ध॑र्षं तद्दु॑राध॑र्षं
 तस्मा-त्तप॑सि रमन्ते , (78.2)

दम॑ इति॑ निय॑तं ब्रह्म॑चारिण-स्तस्माद्-दमे॑ रमन्ते, (78.3)

शम॑ इत्य॑रण्ये मु॒नय-स्तस्माच्छ॑मे रमन्ते, (78.4)

दान॑मिति॑ सर्वा॑णि भू॒तानि॑ प्र॒शंस॑न्ति दाना॑न्नाति॑ दुश्च॑रं
 तस्माद् दाने॑ रमन्ते , (78.5)

धर्म॑ इति॑ धर्मे॑ण॒ सर्व॑मिदं॒ परि॑गृहीतं॒ धर्मान्नाति॑-दुष्करं॒
तस्माद्॑ -धर्मे॑ रमन्ते॑ , (78.6)

प्र॒जन॑ इति॑ भूया॑ऽस-स्तस्माद्॑ भूयि॑ष्ठाः प्रजा॑यन्ते॒ तस्माद्॑ भूयि॑ष्ठाः
प्र॒जन॑ने रमन्ते॑ , (78.7)

ऽग्नय॑ इत्या॑ह॒ तस्मा॑-द॒ग्नय॑ आधा॑तव्या॒ अग्नि॑होत्र-मि॒त्याह॑
तस्मा॑-द॒ग्निहो॑त्रे रमन्ते॑, (78.8)

य॒ज्ञ इति॑ य॒ज्ञो हि॒ देवा॑ स्तस्माद्॑ य॒ज्ञे रमन्ते॑ , (78.9)

मा॒नस॑मिति॑ वि॒द्वाऽस-स्तस्माद्॑ वि॒द्वाऽस॑ ए॒व मा॒नसे॑ रमन्ते॑ , (78.10)

न्या॒स इति॑ ब्र॒ह्मा ब्र॒ह्मा हि॒ परः॑ परो॑ हि ब्र॒ह्मा ता॒नि वा॒ ए॒तान्य॑वरा॒णि
परा॑ऽसि॒ न्या॒स ए॒वात्य॑रेच॒ यद्य॑ ए॒वं वैदे॑त्युपनिषत् ॥ 78.11

4.54 ज्ञान साधन निरूपणं

प्रा॒जाप॑त्यो हा॒रुणिः॑ सु॒पर्णे॑यः प्र॒जाप॑तिं पि॒तर-मु॑प॒ससार॑ किं भ॒गव॑न्तः
प॒रमं॑ व॒दन्ती॑ति॒ तस्मै॑ प्रो॒वाच॑ , (79.1)

स॒त्येन॑ वा॒युरा॑वाति॒ सत्ये॑-ना॒दित्यो॑ रो॒चते॑ दि॒वि स॒त्यं वा॑चः प्र॒तिष्ठा॑

स॒त्ये स॒र्वं प्र॒ति॒ष्ठि॒तं तस्मा॑त् स॒त्यं प॒र॒मं व॑द॒न्ति , (79.2)

तप॑सा दे॒वा दे॒वता॑-म॒ग्र आ॒यन् तप॑स॒र्षयः॑ सु॒वर॑न्व-वि॒न्दन् तप॑सा
सप॑न्नान् प्र॒णु॒दा-मा॒राती॑ स्तप॑सि स॒र्वं प्र॒ति॒ष्ठि॒तं तस्मा॑त् तपः
प॒र॒मं व॑द॒न्ति , (79.3)

द॒मेन॑ दा॒न्ताः कि॒ल्बिष॑-मव॒धून्व॑न्ति द॒मेन॑ ब्र॒ह्म॒चा॒रिणः॑ सु॒वर॑गच्छन् द॒मो
भू॒तानां॑ दु॒राध॑र्षं द॒मे स॒र्वं प्र॒ति॒ष्ठि॒तं तस्मा॑द् द॒मः प॒र॒मं व॑द॒न्ति, (79.4)

श॒मेन॑ शा॒न्ताः शि॒व-मा॑चर॒न्ति श॒मेन॑ ना॒कं मु॒नयो॑-ऽन्ववि॒न्दन् छ॒मो
भू॒तानां॑ दु॒राध॑र्षं छ॒मे स॒र्वं प्र॒ति॒ष्ठि॒तं तस्मा॑च्छ॒मः प॒र॒मं व॑द॒न्ति, (79.5)

दा॒नं य॑ज्ञा॒नां व॒रूथं॑ दक्षि॒णा लो॒के दा॒तार॑र्षं स॒र्वं भू॒तान्यु॑प जी॒वन्ति॑
दा॒नेना॑रा॒ती-र॒पानु॑द॒न्त दा॒नेन॑ द्विष॒न्तो मि॒त्रा भ॑वन्ति दा॒ने स॒र्वं प्र॒ति॒ष्ठि॒तं
तस्मा॑द् दा॒नं प॒र॒मं व॑द॒न्ति, (79.6)

ध॒र्मो वि॑श्वस्य जग॑तः प्र॒ति॒ष्ठा लो॒के ध॒र्मिष्ठं॑ प्र॒जा उ॑पस॒र्पन्ति॑ ध॒र्मेण॑
पा॒पम॑प॒नु॒दति॑ ध॒र्मे स॒र्वं प्र॒ति॒ष्ठि॒तं तस्मा॑द् ध॒र्मं प॒र॒मं व॑द॒न्ति , (79.7)

प्र॒जन॑नं॒ वै॒ प्र॒ति॒ष्ठा॑ लो॒के सा॒धु प्र॒जाया॑ स्त॒न्तुं-त॒न्वा॒नः पि॒त॒ृणा॑ म॒न॒ृणो॑
भ॒व॒ति॒ तदे॒व त॒स्या अ॒न॒ृणं॑ तस्मा॒त् प्र॒जन॑नं॒ पर॒मं॑ व॒द॒न्त्य॒ , (79.8)

ग्न॒यो वै त्र॒यी वि॒द्या दे॒व्या॒नः प॒न्था गार्॒ह॒प॒त्य ऋ॒क्-पृ॒थि॒वी रथ॑न्त॒र-
म॒न्वा॒हार् य॒प॒च॒नं॑ य॒जुर॒न्त॒रि॒क्षं॑ वाम॒दे॒व्य मा॒ह॒व॒नी॒यः सा॒म॒सु॒व॒र्गो लो॒को
बृ॒ह॒त्-तस्मा॑-द॒ग्नी॒न् पर॒मं॑ व॒द॒न्त्य॒ , (79.9)

ग्नि॒हो॒त्रं सा॒यं प्रा॒तर्-गृ॒हा॒णां-निष्कृ॑तिः स्वि॒ष्टं सु॒हु॒तं य॒ज्ञ॒क्र॒तूनां॑
प्रा॒य॒णं सु॒व॒र्ग॒स्य लो॒क॒स्य ज्यो॒ति-स्तस्मा॑-
द॒ग्नि॒हो॒त्रं पर॒मं॑ व॒द॒न्ति॒ , (79.10)

य॒ज्ञ इति॑ य॒ज्ञेन॑ हि दे॒वा दि॒वं ग॒ता य॒ज्ञेना॑-सु॒रा-न॒पा॒नु॒द॒न्त य॒ज्ञेन॑ द्वि॒ष॒न्तो
मि॒त्रा भ॒व॒न्ति॒ य॒ज्ञे स॒र्वं प्र॒ति॒ष्ठि॒तं तस्मा॑द् य॒ज्ञं पर॒मं॑ व॒द॒न्ति॒ , (79.11)

मा॒न॒सं वै प्रा॒जा॒प॒त्यं प॒वि॒त्रं मा॒न॒सेन॑ म॒न॒सा सा॒धु प॒श्य॒ति मा॒न॒सा ऋ॒षयः॑
प्र॒जा अ॒सृ॒ज॒न्त मा॒न॒से स॒र्वं प्र॒ति॒ष्ठि॒तं तस्मा॑न्
मा॒न॒सं पर॒मं॑ व॒द॒न्ति॒ , (79.12)

न्यास इत्याहुर् मनीषिणो ब्रह्माणं ब्रह्मा विश्वः कतमः
स्वयंभुः प्रजापतिः सम्वत्सर इति , (79.13)

सम्वत्सरो ऽसावादित्यो य एष आदित्ये पुरुषः
स परमेष्ठी ब्रह्मात्मा , (79.14)

याभिरादित्य-स्तपति रश्मिभिस्ताभिः पर्जन्यो वर्षति पर्जन्ये-नौषधि-
वनस्पतयः प्रजायन्त ओषधि-वनस्पतिभि-रन्नं भवत्यन्नेन प्राणाः प्राणैर्
बलं बलेन तप-स्तपसा श्रद्धा श्रद्धया मेधा मेधया मनीषा मनीषया मनो
मनसा शान्तिः शान्त्या चित्तं चित्तेन स्मृतिः स्मृत्या स्मारः स्मारेण
विज्ञानं विज्ञाने-नात्मानं वेदयति तस्मादन्नं ददन्त् सर्वाण्येतानि
ददा-त्यन्नात् प्राणा भवन्ति भूतानां प्राणैर् मनो मनसश्च विज्ञानं विज्ञाना-
दानन्दो ब्रह्म योनिः, (79.15)

स वा एष पुरुषः पञ्चधा पञ्चात्मा येन सर्वमिदं प्रोतं पृथिवी चान्तरिक्षं
च द्यौश्च दिशश्चावान्तर दिशाश्च स वै सर्वमिदं जगत्स सभूतः स भव्यं
जिज्ञास क्लृप्त ऋतजा रयिष्ठा श्रद्धा सत्यो

मह॑स्वान् तप॒सो परि॒ष्टाद्, (79.16)

ज्ञा॑त्वा तमे॒वं मन॑सा ह॒दा च॒ भूयो॑ न मृ॒त्यु-मु॑पयाहि वि॒द्वान् (79.17)

तस्मा॑-न्या॒स-मेषां॑ तप॒सा-मति॑रिक्तमाहुर्, (79.18)

वसु॑र॒ण्वो वि॒भूर॑सि प्रा॒णे त्वम॑सि सन्धा॒ता ब्र॑ह्मन् त्वम॑सि वि॒श्वधृ॑त्ते-
जो॒दास् त्वम॑स्यग्नि-र॒सि वर्चो॑दा-स्त्वम॑सि सूर्य॑स्य द्यु॒म्नोदा॑ स्त्वम॑सि
चन्द्र॑मस उपया॒मगृ॑हीतोऽसि ब्र॒ह्मणो॑ त्वा मह॒स , (79.19)

ओमि॒त्यात्मानं॑ यु॒ञ्जीतै॑तद्वै महो॒पनि॑षदं दे॒वानां॑ गु॒ह्यं य॒ एवं वे॑द ब्र॒ह्मणो॑
महि॒मान-मा॑प्नोति तस्मा॑द् ब्र॒ह्मणो॑ महि॒मान-मि॒त्युप॑निषत् ॥ 79.20

4.55 ज्ञानयज्ञः

तस्यै॒वं वि॒दुषो॑ य॒ज्ञस्या॑त्मा यज॑मान-श्रद्धा॒पत्नी शरी॑र-मि॒ध्ममु॒रो वेदि॑र-
लो॒मानि ब॒र्हिर् -वे॒द-श्शि॒खा हृद॑यं यु॒पः का॒म आ॒ज्यं म॒न्युः प॒शु-
स्तपो॑ऽग्निर्-द॒म-श्श॑मयिता दक्षि॒णा-वा॒ग्घोता॑ प्रा॒ण उ॒द्गाता॑

चक्षु॑रध्व॒र्युर्-मनो॑ ब्र॒ह्मा श्रो॑त्रम॒ग्नी-ध्या॒वदि॑ध्रयते सा दी॒क्षा यद॑श्नाति

तदध॒विर्-य॒त्पि॒ब॒ति॒ तद॒स्य॒ सोम॒पानं॑ य॒द्र॒म॒ते॒ तदु॒प॒स॒दो॒ यथ् संच॑र-
 त्यु॒प॒वि॒श-त्यु॒त्ति॒ष्ठ॒ते च॒ स॒प्र॒व॒र्ग्यो॒ यन्मु॒खं तदा॑ह॒वनी॒यो या व्या॑ह॒ति-
 राहु॒तिर्-यद॒स्य ,

वि॒ज्ञानं॑ तज्जु॒होति॑ यथ्सा॒यं प्रा॒तर॒त्ति तथ्स॑मि॒धं य॒त्प्रा॒तर् म॒ध्य॒न्दि॒नꣳ
 सा॒यं च॒ तानि॑ स॒वनानि॑ ये अ॒हो॒रा॒त्रे ते द॒र्श॒पूर्ण॑मा॒सौ येर्द्ध॑ मा॒साश्च॑
 मा॒साश्च॑ ते चा॒तुर्मा॒स्यानि॑ य ऋ॒तव॑स्ते प॒शुब॑न्धा ये स॒म्व॑त्स॒राश्च॑
 परि॒वत्स॑राश्च तेऽह॒र्-ग॒णा-स्सर्व॑ वेद॒सं वा

एत॒थ् स॒त्रं य॒न्म॒रणं॑ तद॒वभृ॑थ एत॒द्वै ज॒राम॑र्य-म॒ग्नि॒हो॒त्रꣳ स॒त्रं य॒ एवं
 वि॒द्वा-नु॒द॒ग॒य॒ने प्र॒मी॒य॒ते दे॒वाना॑मे॒व म॒हि॒मानं॑ ग॒त्वाऽऽदि॒त्यस्य॑ सा॒यु॒ज्यं

गच्छ॑त्यथ॒ यो द॑क्षि॒णे प्र॒मी॒य॒ते पि॒तृणा॑-मे॒व म॒हि॒मानं॑ ग॒त्वा च॒न्द्र॒म॒सः
 सा॒यु॒ज्यꣳ स॒लो॒क॒ता-मा॒प्नो॒त्ये॒तौ वै सू॒र्या च॒न्द्र॒म॒सौर्-म॒हि॒मानौ॑ ब्रा॒ह्म॒णो
 वि॒द्वा-न॒भि॒ज॒य॒ति तस्मा॑द् ब्रा॒ह्म॒णो म॒हि॒मानं॑ मा॒प्नो॒ति तस्मा॑द् ब्रा॒ह्म॒णो
 म॒हि॒मानं॑-मि॒त्यु॒प॒नि॒षत् ॥ 80.1

सह॑ ना॒ ववतु॑ । सह॑ नौ॒ भुनक्तु॑ । सह॑ वी॒र्यं॑ करवावहै ।
तेज॑स्विना॒ वधी॑तमस्तु॒ मा वि॑द्विषावहै॑ ।

ओं शान्तिः॑ शान्तिः॑ शान्तिः॑

॥ इति॑ महानारायणोपनिषत् समाप्ता ॥

=====

5 अरुणप्रश्नः-तैत्तिरीयारण्यकं

ॐ । भद्रं कर्णेभिः शृणुयाम देवाः । भद्रं पश्येमाक्षभि र्यजत्राः ।
 स्थिरैरङ्गैस्तुष्टुवाꣳ सस्तनूभिः । व्यशेम देवहितं यँदायुः ।
 स्वस्ति न इन्द्रो वृद्धश्रवाः । स्वस्ति नः पूषा विश्ववेदाः ।
 स्वस्ति नस्तार्क्ष्यो अरिष्टनेमिः । स्वस्ति नो बृहस्पतिर्-दधातु ॥

ॐ शान्तिः शान्तिः शान्तिः ॥

T.A.1.1.1

भद्रं कर्णेभिः शृणुयाम देवाः । भद्रं पश्येमाक्षभिर् यजत्राः ।
 स्थिरैरङ्गैस्तुष्टुवाꣳ सस्तनूभिः । व्यशेम देवहितं यँदायुः ।
 स्वस्ति न इन्द्रो वृद्धश्रवाः । स्वस्ति नः पूषा विश्ववेदाः ।
 स्वस्ति नस्तार्क्ष्यो अरिष्टनेमिः । स्वस्ति नो बृहस्पतिर्-दधातु ।
 आपमापामपः सर्वाः । अस्मा-दस्मा-दितोऽमुतः । 1 (10)

T.A.1.1.2

अग्निर्वायुश्च सूर्यश्च । सह सञ्च-स्करर्द्धिया । वाय्वश्चा
 रश्मिपतयः । मरीच्यात्मानो अद्रुहः । देवीर् भुवन सूवरीः ।
 पुत्रवत्वाय मे सुत । महानाम्नीर्-महामानाः । महसो महसः स्वः ।

दे॒वीः प॑र्जन्य॒ सू॒वरीः । पु॒त्रव॑त्वाय॒ मे सु॑त । 2 (10)

T.A.1.1.3

अपा॑श्न्यु॒ष्णि-म॒षा र॑क्षः । अपा॑श्न्यु॒ष्णि-म॒षा र॑घं ।
 अपा॑घ्ना॒मप॑ चाव॒र्त्ति॑ । अप॑ दे॒वीरि॑तो हि॒त । व॒ज्रं दे॒वीर॑जी॒ताञ्च॑ ।
 भु॒वनं॑ दे॒वसू॒वरीः । आ॒दि॒त्यान॑दि॒तिं दे॒वीं । यो॒निनो॑र्ध्व-मु॒दी॒षत॑ ।
 शि॒वा नः॑ श॒न्त॒मा भ॑वन्तु । दि॒व्या आ॒प ओ॑ष॒धयः॑ ।
 सु॒मृ॒डीका॑ सर॒स्वति॑ । मा ते॒ व्यो॑म स॒न्दृशि॑ । 3 (12)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 1 ॥

T.A.1.2.1

स्मृ॑तिः प्र॒त्यक्ष॑-मै॒तिह्यं॑ । अनु॑मान-श्चतु॒ष्टयं॑ । ए॒तैरा॑दि॒त्य म॑ण्ड॒लं ।
 स॒र्वैरे॒व वि॒धास्य॑ते । सूर्यो॑ मरी॒चिमा॑द॒त्ते । स॒र्वस्मा॑द् भु॒वना॑दधि ।
 तस्याः॑ पा॒क वि॒शेषे॑ण । स्मृ॑तं का॒ल वि॒शेष॑णं ।
 नदी॑व प्र॒भवा॑त् का॒चित् । अक्ष॑य्याथ् स्य॒न्दते॑ यथा । 4 (10)

T.A.1.2.2

तान्नद्योऽभि॑ समा॒यन्ति॑ । सोरुः॑ सती॑ न निवर्त॑ते । ए॒व॒न्नाना॑
 समु॑त्थानाः । कालाः॑ सं॒वँ॒त्सर॑ ७ श्रिताः॑ । अणु॑शश्च मह॑शश्च ।
 सर्वे॑ समव॒यन्ति॑ तं । स तैः॑ सर्वैः॑ समा॒विष्टः॑ । ऊ॒रुः सन्न॑ निवर्त॑ते ।
 अधि॑सं॒वँ॒त्सरं॑ वि॒द्यात् । तदे॒व लक्ष॑णे । 5 (10)

T.A.1.2.3

अणु॑भिश्च मह॑द्भिश्च । समा॒रूढः॑ प्रदृ॒श्यते॑ । सँव॑त्सरः प्रत्य॒क्षेण॑ ।
 नाधि॑सत्त्वः प्रदृ॒श्यते॑ । पट॒रो विक्लि॑धः पिङ्गः॑ । ए॒तद् वरु॑ण लक्ष॒णं ।
 यत्रै॑ त-दुप॒दृश्यते॑ । सह॒स्रं तत्र॑ नी॒यते॑ । एक॑ ७ हि शिरो॑ नाना
 मुखे॑ । कृ॒त्स्नं तदृ॒तु लक्ष॑णं । 6 (10)

T.A.1.2.4

उभय॑तः सप्तै॑न्द्रि॒याणि॑ । जल्पि॑तं त्वे॒व दि॒ह्यते॑ । शु॒क्लकृ॑ष्णे
 सँव॑त्सरस्य । दक्षि॑ण वाम॒योः पार्श्व॑योः । तस्यै॑षा भव॑ति ।
 शु॒क्रं ते अ॒न्यद्य॑जतं ते अ॒न्यत् । विषु॑रूपे अ॒हनी॑ द्यौरि॒वासि॑ ।
 विश्वा॑ हि मा॒या अव॑सि स्वधा॒वः । भद्रा॑ ते पू॒षन्नि॒ह राति॑रस्त्विति॑ ।
 नात्र॑ भु॒वनं॑ । न पू॒षा । न प॒शवः॑ ।
 नादि॑त्यः सँव॑त्सर ए॒व प्रत्य॑क्षेण प्रि॒यत॑मं वि॒द्यात् ।

एतद्वै समँवथ्सरस्य प्रियतमञ् रूपं । योऽस्य महानर्थ उत्पथ्स्यमानो
भवति । इदं पुण्यं कुरुष्वेति । तमाहरणं दद्यात् । 7 (17)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 2 ॥

T.A.1.3.1

साकज्जानाञ् सप्तथमाहु-रेकजं । षडुद्यमा ऋषयो देवजा इति ।
तेषामिष्टानि विहितानि धामशः । स्थात्रे रेजन्ते विकृतानि रूपशः ।
कोनु मर्या अमिथितः । सखा सखायमब्रवीत् । जहाको अस्मदीषते ।
यस्तित्याज सखिविदञ् सखायं । न तस्य वाच्यपि भागो अस्ति ।
यदीञ् शृणोत्यलकञ् शृणोति । 8 (10)

T.A.1.3.2

न हि प्रवेद सुकृतस्य पन्थामिति । ऋतुर्. ऋतुना नुद्यमानः ।
विननादाभिधावः । षष्टिश्च त्रिञ्शका वल्गाः ।
शुक्लकृष्णौ च षष्टिकौ । सारागवस्त्रैर्-जरदक्षः ।
वसन्तो वसुभिः सह । सँवथ्सरस्य सवितुः ।
प्रैषकृत् प्रथमः स्मृतः ।

अ॒मू॒नाद॒य-ते॒त्यन्यान् । 9 (10)

T.A.1.3.3

अ॒मू॒ञ्च॒ परि॒रक्ष॑तः । ए॒ता वा॒चः प्र॑युज्यन्ते । यत्रै॑ तदु॒पदृ॑श्यते ।
 ए॒तदे॒व वि॒जानी॑यात् । प्र॒माणं॑ का॒लपर्य॑ये । वि॒शेष॑णं तु वक्ष्यामः ।
 ऋ॒तूनां॑ तन्नि॒बोध॑त । शु॒क्ल॒वासा॑ रु॒द्रग॑णः । ग्री॒ष्मेणा॑वर्तते सह ।
 नि॒जह॑न् पृ॒थिवी॑ञ् सर्वा॑ । 10 (10)

T.A.1.3.4

ज्यो॒तिषा॑ ऽप्र॒तिख्ये॑न सः । वि॒श्वरू॑पाणि वा॒साञ्सि॑ ।
 आ॒दि॒त्यानां॑ नि॒बोध॑त । सँव॑त्सरी॒णं क॑र्म॒फलं॑ । व॒र्षाभि॑र् द॒दता॑ञ् सह ।
 अ॒दुःखो॑ दुःख चक्षु॑रिव । तद्भा॑ पी॒त इ॒व दृ॑श्यते ।
 शी॒तेना॑ व्यथयन्नि॒व । रु॒रुदक्ष॑ इ॒व दृ॑श्यते । ह्ला॒दय॑ते ज्वल॑तश्चै॒व ।
 शा॒म्यत॑श्चा॒स्य चक्षु॑षी । यावै॑ प्र॒जा भ्र॑ञ्श्यन्ते । सँव॑त्सरा॒त्ता
 भ्र॑ञ्श्यन्ते । याः प्र॒ति॒तिष्ठ॑न्ति । सँव॑त्सरे॒ ताः प्र॒ति॒तिष्ठ॑न्ति ।
 व॒र्षाभ्य॑ इत्यर्थः । 11 (16) श्री छाया-सुवर्चलाम्बा समेत
 श्री सुर्यनारायण स्वामिने नमः । ॐ नमो नारायणाय ॥ 3 ॥

T.A.1.4.1

अ॒क्षि॒दुःखो॑त्थि॒तस्यै॑व । वि॒प्रस॑न्ने क॒नीनि॑के । आ॒ङ्गे चा॑द्र॒णं ना॒स्ति ।
 ऋ॒भू॒णां तन्नि॑बोध॒त । क॒नका॑भा॒नि वा॒सा॒सि । अ॒हतानि॑ निबोध॒त ।
 अ॒न्नम॑श्नी॒त मृ॒ज्मी॒त । अ॒हं वो॑ जी॒वन॑प्र॒दः । ए॒ता वा॒चः प्र॑यु॒ज्यन्ते॑ ।
 शर॑द्य॒त्रोप॑ दृश्य॒ते । 12 (10)

T.A.1.4.2

अ॒भिधू॑न्वन्तो-ऽभि॒घ्नन्त॑ इ॒व । वा॒तव॑न्तो म॒रुद्ग॑णाः ।
 अ॒मुतो॑ जेतु॒मिषु॑मु॒खमि॑व । स॒न्नद्धाः॑ सह॒ ददृ॑शे ह ।
 अ॒पध्व॑स्तैर्-व॒स्तिव॑र्णै॒रिव॑ । वि॒शिखा॑सः क॒पर्दि॑नः ।
 अ॒क्रुद्ध॑स्य यो॒त्स्य॑मा॒नस्य॑ । कृ॒द्धस्यै॑व लो॒हिनी॑ ।
 हे॒मतश्च॑क्षु॒षी वि॒द्यात् । अ॒क्ष्ण्योः॑ क्षि॒पणो॑रिव । 13 (10)

T.A.1.4.3

दु॒र्भिक्षं॑ दे॒वलो॑केषु । म॒नूना॑मु॒दकं॑ गृ॒हे । ए॒ता वा॒चः प्र॑व॒दन्तीः॑ ।
 वैद्यु॑तो॒ यान्ति॑ शै॒शिरीः॑ । ता अ॒ग्निः प॑व॒माना॑ अ॒न्वैक्ष॑त ।
 इ॒ह जी॑वि॒काम॑-प॒रिप॑श्यन् । तस्यै॒षा भ॑वति । इ॒हेह॑ वः स्व॒तप॑सः ।
 म॒रुतः॑ सू॒र्यत्व॑चः । श॒र्म स॑प्र॒था आ॑वृ॒णे । 14 (10)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 4 ॥

T.A.1.5.1

अति॑ ताम्राणि॑ वासा॒ऽसि । अ॒ष्टिव॑ज्जि शत॑घ्नि च । विश्वे॑ देवा
विप्र॑हरन्ति । अ॒ग्निजि॑ह्वा अस॑श्चत । नैव॑ देवो न म॒र्त्यः । न राजा॑ वरु॒णो
विभुः॑ । नाग्नि॑र् नेन्द्रो न पव॑मानः । मातृ॑क्कच्च न विद्य॑ते ।
दिव्य॑स्यैका धनु॑रार्निः । पृथि॑व्यामपरा श्रिता । 15 (10)

T.A.1.5.2

तस्येन्द्रो॑ वम्रि॒रूपे॑ण । धनु॑र्ज्या-म॒छिन॑त्स्वयं । तदिन्द्र॑धनु॒रित्य॑ज्यं ।
अभ्र॑वर्णेषु चक्ष॑ते । एतदे॒व शम्भो॑र्-बा॒र्हस्प॑त्यस्य ।
एतद् रु॒द्रस्य॑ धनुः । रु॒द्रस्य॑ त्वेव धनु॑रार्निः । शिर॑ उत्पिपे॒ष ।
स प्र॑वर्ग्योऽभवत् । तस्माद् यः सप्र॑वर्ग्येण यज्ञेन॑ यज॑ते ।
रु॒द्रस्य॑ स शिरः॑ प्रति॒दधा॑ति । नैन॑ऽरु॒द्र आरु॑को भवति ।
य एवं वे॑द । 16 (13)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 5 ॥

T.A.1.6.1

अ॒त्यूर्ध्वा॑क्षोऽति॑रश्वात् । शि॒शिरः॑ प्र॒दृश्य॑ते । नै॒व रू॒पं न॑ वा॒साँ॒सि ।
 न चक्षुः॑ प्र॒तिदृ॑श्यते । अ॒न्यो॒न्यं तु॑ न हि॒ँस्रा॒तः । स॒त स्त॑द्
 दे॒वल॑क्षणं । लो॒हितोऽक्षि॑ण शार॒शीर्ष्णिः॑ । सूर्य॑स्यो॒दय॑नं प्र॒ति ।
 त्वं करो॑षि न्य॒ञ्जलि॑कां । त्वं करो॑षि नि॒जानु॑कां । 17 (10)

T.A.1.6.2

नि॒जानु॑कामै॑ न्य॒ञ्जलि॑का । अमी॑ वाच-मुपा॑सतामि॒ति ।
 तस्मै॑ सर्व॑ ऋ॒तवो॑ नम॒न्ते । मर्या॑दा कर॒त्वात् प्र॑पुरो॒धां । ब्रा॒ह्मण॑
 आ॒प्नो॒ति । य ए॒वं वे॑द । स ख॒लु स॒म्व॑त्स॒र ए॒तैः से॒नानी॑भिः स॒ह ।
 इन्द्रा॑य स॒र्वान्-का॒मान॑भि॒व॒हति॑ । स द्र॒प्सः ।
 तस्यै॑षा भ॒वति॑ । 18 (10)

T.A.1.6.3

अ॒व द्र॒प्सो अ॑ँ॒शुम॑तीमति॒ष्ठत् । इ॒यानः॑ कृ॒ष्णो द॒शभिः॑ स॒हस्रैः॑ ।
 आ॒वर्त॑-मिन्द्रः॑ श॒च्या ध॑म॒न्तं । उ॒प॒स्नु॒हि तं नृ॑म॒णा-म॑थ॒द्रा॒मि॒ति ।
 ए॒तयै॑ वेन्द्रः॑ स॒ला वृ॑क्या स॒ह । अ॒सुरान्॑ परि॒वृश्च॑ति ।
 पृ॒थि॒व्यँ शु॑म॒ती । ता॒मन्व॑-व॒स्थितः॑ स॒म्व॑त्स॒रो दि॒वञ्च॑ ।
 नै॒वं वि॑दुषा-ऽऽचा॒र्यान् ते॒वा॒सिनौ॑ । अ॒न्यो॒न्यस्मै॑ दृ॒ह्या॒तां ।

यो द्रुह्यति । भ्रश्यते स्वर्गाल् लोकात् । इत्यृतु मण्डलानि ।
 सूर्य मण्डला॑ न्याख्यायिकाः । अत ऊर्ध्व॑ऽसनिर्वचनाः । 19 (15)
 श्री छाया-सुवर्चलाम्बा समेत श्री सुर्यनारायण स्वामिने नमः ।
 ॐ नमो नारायणाय ॥ 6 ॥

T.A.1.7.1

आरोगो भ्राजः पटरः पतङ्गः । स्वर्णरो ज्योतिषीमान् विभासः ।
 ते अस्मै सर्वे दिवमातपन्ति । ऊर्जं दुहाना अनपस्फुरन्त इति ।
 कश्यपोऽष्टमः । स महामेरुं न जहाति । तस्यैषा भवति ।
 यत्ते शिल्पं कश्यप रोचनावत् । इन्द्रियावत् पुष्कलं चित्रभानु ।
 यस्मिन् थसूर्या अर्पिताः सप्त साकं । 20 (10)

T.A.1.7.2

तस्मिन् राजान-मधिविश्रयेममिति । ते अस्मै सर्वे कश्यपा-ज्ज्योतिर् -
 लभन्ते । तान्थसोमः कश्यपादधि निर्द्धमति । भ्रस्ता कर्म कृदिवैवं ।
 प्राणो जीवानीन्द्रिय जीवानि । सप्त शीर्षण्याः प्राणाः ।
 सूर्या इत्याचार्याः । अपश्यमह मेतान्थ् सप्त सूर्या॑निति ।
 पञ्चकर्णो वाथस्यायनः । सप्तकर्णश्च प्लाक्षिः । 21 (10)

T.A.1.7.3

आनु॑श्र॒विक॑ ए॒व नौ॑ क॒श्यप॑ इति॒ । उ॒भौ वे॒दयि॑ते ।
 न हि॒ शो॒कुमि॑व॒ महामे॑रुं॒ गन्तुं॑ ।
 अ॒पश्य॑म॒हमे॒तत् सूर्य॑मण्ड॒लं परि॑वर्त॒मानं॑ ।
 गा॒र्ग्यः प्रा॑ण॒न्नातः॑ । ग॒च्छन्त॑ म॒हामे॑रुं । ए॒कञ्चा॑ज॒हतं॑ ।
 भ्रा॒जप॑टर॒ पत॑ङ्गा॒ निह॑ने । ति॒ष्ठन्ना॑त॒पन्ति॑ ।
 तस्मा॑दि॒ह त॒प्त्रि त॒पाः । 22 (10)

T.A.1.7.4

अ॒मु॒त्रे॒तरे॑ । तस्मा॑दि॒हा त॒प्त्रि त॒पाः । ते॒षामे॑षा भ॒वति॑ ।
 स॒प्त सूर्या॑ दि॒व-म॒नु प्र॑वि॒ष्टाः । ता॒नन्वे॑ति॒ पथि॑भिर् दक्षि॒णावा॑न् ।
 ते अ॒स्मै स॒र्वे घृ॑त॒मात॑पन्ति । ऊ॒र्जं दु॑हा॒ना अ॒नप॑स्फु॒रन्त॑ इति॒ ।
 स॒प्त॒र्त्वि॒र्जः सूर्या॑ इ॒त्याचा॑र्याः । ते॒षामे॑षा भ॒वति॑ ।
 स॒प्त दि॒शो ना॒ना सूर्याः॑ । 23 (10)

T.A.1.7.5

स॒प्त हो॒तार॑ ऋ॒त्विजः॑ । दे॒वा आ॑दि॒त्या ये स॒प्त ।
 ते॒भिः सो॒माभी॑ र॒क्षण॑ इति॒ । तद॑प्या॒म्नायः॑ । दि॒ग्भ्रा॑ज ऋ॒तून् करो॑ति ।

ए॒तयै॑वावृ॒ता ऽऽस॑हस्र॒सूर्य॑ताया इति॒ वै॒श॒म्पा॒यनः॑ । तस्यै॒षा भ॑वति ।
यद्द्या॒व इन्द्र॑ ते श॒त॒ं श॒तं॑ भूमीः॑ । उ॒त स्युः॑ ।
न त्वा॑ वज्रिन्थ् स॒हस्र॑ सूर्याः॑ । 24 (10)

T.A.1.7.6

अनु॑ न जा॒तम॑ष्ट रो॒दसी॑ इति । ना॒ना लिङ्ग॑त्वा-दृ॒तूनां॑ ना॒ना सूर्य॑त्वं ।
अष्टौ॑ तु व्य॒वसि॑ता इति । सूर्य॑मण्ड॒ला-न्य॑ष्टा॒त ऊ॒र्ध्वं । तेषा॑मेषा॒ भव॑ति ।
चि॒त्रं दे॒वा॒ना-मु॒दगा॑दनी॒कं । चक्षु॑र् मि॒त्रस्य॑ वरु॒णस्या॑ग्नेः ।
आ॒ऽप्रा द्या॒वा पृ॒थि॒वी अ॒न्तरि॑क्षं । सूर्य॑ आ॒त्मा जग॑तस्-
तस्तु॑षश्चेति । 25 (9)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 7 ॥

T.A.1.8.1

क्वे॒दम॑भ्रं नि॒वि॒शते॑ । क्वाय॑ सँ॒म्वथ्स॑रो मि॒थः ।
क्वा॒हः क्वे॑यन् दे॒व रा॒त्री । क्व मा॑सा ऋ॒तवः॑ श्रि॒ताः ।
अ॒र्द्धमा॑सा मु॒हूर्ताः॑ । नि॒मेषा॑स्तु॒टिभिः॑ स॒ह । क्वे॒मा आ॒पो नि॒वि॒शन्ते॑ ।
यदी॑तो या॒न्ति संप्र॑ति । का॒ला अ॒प्सु नि॒वि॒शन्ते॑ ।
आ॒पः सूर्ये॑ स॒माहि॑ताः । 26 (10)

T.A.1.8.2

अ॒भ्रा॒ण्यपः॑ प्र॒पद्य॑न्ते । वि॒द्यु॒त्सूर्ये॑ स॒माहि॑ता । अ॒नव॑र्णे इ॒मे भू॒मी ।
 इ॒यञ्चा॑सौ च रो॒दसी॑ । कि॒ञ्च॑ स्वि॒दत्रा॑न्तरा भू॒तं । ये॒नेमे॑ वि॒धृते॑ उ॒भे ।
 वि॒ष्णुना॑ वि॒धृते॑ भू॒मी । इति॑ व॒त्सस्य॑ वे॒दना॑ । इ॒राव॑ती धे॒नुम॑ती हि भू॒तं ।
 सू॒यव॑सिनी म॒नुषे॑ द॒शस्ये॑ ॥ 27 (10)

T.A.1.8.3

व्य॒ष्टभ्ना॑-द्रो॒दसी॑ वि॒ष्णवे॑ते । दा॒ध॒र्था पृ॒थि॒वी-म॒भितो॑ म॒यूखैः॑ ।
 कि॒न्त-द्वि॒ष्णो ब॑ल॒माहुः॑ । का दी॒प्तिः किं॑ प॒राय॑णं । ए॒को य॒द्धा-र॑य॒ देवः॑ ।
 रे॒जती॑ रो॒दसी॑ उ॒भे । वा॒ताद्वि॒ष्णोर् ब॑ल॒ माहुः॑ । अ॒क्षरा॑द् दी॒प्ति रु॑च्यते ।
 त्रि॒पदा॑द्धार॒यद् दे॒वः । यद्वि॒ष्णोरे॑क-मु॒त्तमं॑ ॥ 28 (10)

T.A.1.8.4

अ॒ग्नयो॑ वा॒यवश्चै॑व । ए॒तद॑स्य प॒राय॑णं । पृ॒च्छामि॑ त्वा प॒रं मृ॒त्युं ।
 अ॒वमं॑ म॒ध्यम॑ञ्चतुं । लो॒कञ्च॑ पु॒ण्यपा॑पानां ।
 ए॒तत् पृ॒च्छामि॑ संप्र॒ति । अ॒मुमा॑हुः प॒रं मृ॒त्युं । प॒वमा॑नं तु म॒ध्यमं॑ ।
 अ॒ग्निरे॒वाव॑मो मृ॒त्युः । च॒न्द्रमा॑-श्चतु॒रुच्य॑ते ॥ 29 (10)

T.A.1.8.5

अ॒ना॒भो॒गाः॑ प॒रं मृ॒त्युं । पा॒पाः सँ॑यन्ति॒ सर्व॑दा ।
 आ॒भो॒गास्त्वे॒व स॒म्य॑न्ति । य॒त्र पु॒ण्य॑कृ॒तो ज॑नाः । ततो॑ म॒ध्यम॑मायन्ति ।
 च॒तु॒म॒ग्निञ्च॑ संप्र॑ति । पृ॒च्छामि॑ त्वा पा॒पकृ॑तः । य॒त्र या॑तय॒ते य॑मः ।
 त्व॒न्न॒स्तद् -ब्र॑ह्मन् प्रब्रू॒हि । यदि॑ वे॒त्थाऽस॑तो गृ॒हान् । 30 (10)

T.A.1.8.6

क॒श्य॒पा दु॑दिताः सूर्याः । पा॒पान्नि॑र्घ्नन्ति॒ सर्व॑दा ।
 रो॒द॒स्यो॒रन्त॑र् देशे॒षु । तत्र॑ न्य॒स्यन्ते॑ वा॒सवैः॑ । ते ऽश॑रीराः प्र॒पद्य॑न्ते ।
 यथा॑ ऽपु॒ण्य॒स्य क॑र्मणः । अ॒पा॒ण्य॒पाद॑ के॒शासः॑ ।
 तत्र॑ तेऽयो॒निजा॑ ज॒नाः । मृ॒त्वा पु॒नर्मृ॑त्यु-मा॒पद्य॑न्ते ।
 अ॒द्यमा॑नाः स्व॒कर्म॑भिः । 31 (10)

T.A.1.8.7

आ॒शा॒ति॒काः क्रि॑मय इ॒व । ततः॑ पू॒यन्ते॑ वा॒सवैः॑ ।
 अपै॑तं मृ॒त्युं ज॑यति । य ए॒वं वे॑द । स ख॒ल्वै॒वं वि॑द्ब्रा॒ह्मणः॑ ।
 दी॒र्घश्रु॑त्त॒मो भ॑वति । क॒श्य॒पस्या॑ति॒थिः सि॒द्धग॑मनः सि॒द्धाग॑मनः ।
 तस्यै॑षा भ॒वति॑ । आ॒यस्मिन्-थ्स॑प्त वा॒सवाः॑ ।
 रो॒हन्ति॑ पू॒र्व्या रु॒हः । 32 (10)

T.A.1.8.8

ऋषि॑र्ह दी॒र्घश्रु॑त्तमः । इन्द्र॑स्य घ॒र्मो अति॑थिरिति ।
 कश्य॑पः पश्य॑को भवति । यत्सर्वं॑ परिपश्य॑तीति सौक्ष्म्यात् ।
 अथाग्ने॑रष्टपुरुष॑स्य । तस्यैषा॑ भवति । अग्ने॑ नय॑ सु॒पथा॑ रा॒ये अ॒स्मान् ।
 विश्वा॑नि दे॒व व॒युनानि॑ वि॒द्वान् । यु॒यो॒ध्यस्म-ज्जु॑हुरा॒णमे॑नः ।
 भूयि॑ष्ठान्ते नम॑ उक्तिं वि॒धेमे॑ति । 33 (10)

श्री छाया-सुवर्चलाम्बा समेत श्री सुर्यनारायण स्वामिने नमः ।
 ॐ नमो नारायणाय ॥ 8 ॥

T.A.1.9.1

अग्नि॑श्च जा॒तवे॑दाश्च । सहो॑जा अ॒जिरा॑प्रभुः । वैश्वा॑नरो न॒र्यापा॑श्च ।
 प॒ङ्क्ति॑राधाश्च स॒प्तमः॑ । वि॒सर्पे॑ वा॒ष्टमो॑ऽग्नीनां ।
 ए॒तेऽष्टौ॑ वस॒वः क्षि॑ता इति । यथ॑त्त्वे-वाग्ने-र॒र्चिर्वर्ण॑ विशेषः ।
 नी॒लार्चि॑श्च पी॒तका॑र्चिश्चेति ।
 अथ॑ वा॒यो-रे॒काद॑श-पुरुष॑स्यै॒काद॑शस्त्रीक॒स्य ।
 प्र॒भ्राज॑माना व्य॒वदा॑ताः । 34 (10)

T.A.1.9.2

याश्च वा॒सुकि॑ वै॒द्युताः॑ । रज॒ताः प॑रु॒षाः श्या॒माः । क॒पिला॑
 अ॒तिलो॑हि॒ताः । ऊ॒र्ध्वा अ॑व॒पत॑न्ताश्च । वै॒द्युत॑ इ॒त्येका॑द॒श ।
 नैनं॑ वै॒द्युतो॑ हि॒नस्ति॑ । य ए॒वं वै॒द । स हो॑वाच॒ व्यासः॑ पा॒राश॑र्यः ।
 वि॒द्युद्व॑धमे॒वाहं॑ मृ॒त्युमै॑श्च॒मिति॑ । न त्व॒काम॑ ह॒न्ति । 35 (10)

T.A.1.9.3

य ए॒वं वै॒द । अथ॑ ग॒न्धर्व॑गणाः । स्वा॒न भ्रा॑ट् । अ॒ङ्घा॑रिर् ब॒भारिः॑ ।
 ह॒स्तः सु॑ह॒स्तः । कृ॒शानु॑र् वि॒श्वाव॑सुः । मूर्ध॑न्वा॒न्थ-सूर्य॑व॒र्चाः ।
 कृ॒तिरि॒त्येका॑द॒श ग॒न्धर्व॑गणाः । दे॒वाश्च॑ म॒हादे॒वाः ।
 रश्म॑यश्च दे॒वा ग॑र॒गिरः॑ । 36 (10)

T.A.1.9.4

नैनं॑ ग॒रो हि॒नस्ति॑ । य ए॒वं वै॒द । गौ॒री मि॑मा॒य स॑लि॒लानि॑ तक्ष॒ती ।
 ए॒कप॑दी द्वि॒पदी॑ सा चतु॑ष्पदी । अ॒ष्टा॒पदी॑ न॒वप॑दी ब॒भूवु॑षी ।
 स॒हस्रा॑क्ष॒रा प॑रमे॒ व्योम॑न्निति । वा॒चो वि॑शे॒षणं॑ ।
 अथ॑ नि॒गद॑व्याख्या॒ताः । ता॒ननु॑क्रमि॒ष्यामः॑ ।
 व॒राह॑वः-स्व॒तप॑सः । 37 (10)

T.A.1.9.5

वि॒द्युन् मह॑सो धू॒पयः॑ । श्वा॒पयो॑ गृ॒हमे॑धाश्चेत्येते ।
 ये चेमेऽ॒शिमि॑विद्विषः । पर्ज॑न्याः सप्त पृथि॒वीम॑भि॒वर्ष॑न्ति ।
 वृष्टि॑भिरिति । एत॑यैव विभक्ति॑ विपरीताः । सप्त॑भि॒र्वतै॑ रुदी॒रिताः॑ ।
 अमूं॑ लो॒का-न॑भि॒वर्ष॑न्ति । तेषा॑मे॒षा भव॑ति ।
 समा॑न-मेतदु॒दकं॑ । 38 (10)

T.A.1.9.6

उच्चै॑त्यव चा॒हभिः॑ । भूमिं॑ पर्ज॑न्या जि॒न्वन्ति॑ । दि॒वं जि॒न्वन्-त्य॑ग्नय इति ।
 यदक्ष॑रं भू॒तकृ॑तं । विश्वे॑ दे॒वा उपा॑सते । म॒हर्षि॑मस्य गो॒प्तारं॑ ।
 जम॑दग्नि-मकु॒र्वत॑ । जम॑दग्नि-रा॒प्याय॑ते । छन्दो॑भि-श्चतु॒रुत्तरैः॑ ।
 राज्ञः॑ सोम॑स्य तृ॒प्तासः॑ । 39 (10)

T.A.1.9.7

ब्र॒ह्मणा॑ वी॒र्या॑वता । शि॒वा नः॑ प्र॒दिशो॑ दि॒शः । तच्छ॑य्यो॒रा वृ॑णीमहे ।
 गा॒तुं य॒ज्ञाय॑ । गा॒तुं य॒ज्ञप॑तये । दै॒वीः स्व॑स्तिरस्तु नः ।
 स्व॑स्तिर् मानु॑षेभ्यः । ऊ॒र्ध्वं जि॑गातु भे॒षजं॑ । श॒त्रो अस्तु॑ द्वि॒पदे॑ ।
 शञ्च॑तुष्पदे । सोम॑पा(३) असोम॑पा(३) इति

निगदव्याख्याताः । 40 (11)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 9 ॥

T.A.1.10.1

सहस्रवृ॑दियं भू॒मिः । परं व्यो॑म सहस्रवृत् ।
अ॒श्विना भुज्यू॑ नासत्या । विश्व॑स्य जग॒तस्प॑ती । जा॒या भू॒मिः पति॑व्योम ।
मिथु॑नन्ता अतु॒र्यथुः । पु॒त्रो बृ॒हस्प॑ती रु॒द्रः । सर॑मा इति स्त्रीपु॒मं ।
शु॒क्रं वा॒मन्य॑द्यज॒तं वा॒मन्य॑त् । विषु॑रूपे अ॒हनी॑ द्यौरि॒व स्थः । 41 (10)

T.A.1.10.2

विश्वा॑ हि मा॒या अव॑थः स्वधावन्तौ । भ॒द्रा वां॑ पू॒षणा॑विह रा॒तिर॑स्तु ।
वा॒सात्यौ॑ चि॒त्रौ जग॑तो नि॒धानौ॑ । द्या॒वाभू॑मी चरथः स॒ख्यौ स॒खायौ॑ ।
ताव॑श्चि॒ना रा॒सभा॑श्चा ह॒वं मे॑ । शु॒भस्प॑ती आ॒गतं॑ सूर्य॒या सह॑ ।
त्यु॒ग्रो ह भुज्यु॑-म॒श्विनो॑द मे॒घे । रयि॑न्न कश्चिन् म॒मृवां॑(2) अ॒वाहाः॑ ।
तमू॑हथुर्-नौ॒भिरा॑त्मन्-वती॒भिः । अ॒न्तरि॑क्ष पु॒ङ्भिर॑-पो॒दका॑भिः । 42 (10)

T.A.1.10.3

ति॒स्रः क्ष॑पस्त्रि॒रहा ऽति॑व्रज॒द्भिः । ना॒सत्या॑ भुज्यु॒मूह॑थुः प॒तङ्गैः॑ ।
स॒मुद्र॑स्य ध॒न्वन्ना॑र्द्रस्य पा॒रे । त्रि॒भी रथैः॑ श॒तप॑द्भिः षड॒श्वैः ।

स॒वि॒तारं॑ वि॒तन्व॑न्तं । अनु॑ब॒ध्ना॒ति श॑ां॒बरः॑ । आप॑पूर्॒षं-ब॑रश्चै॒व ।

स॒वि॒ता ऽरे॑प॒सो ऽभ॑वत् । त्य॒ञ् सु॑तृ॒प्तं वि॑दि॒त्वै॒व ।

ब॒हु॒सोम॑ गि॒रं व॑शी । 43 (10)

T.A.1.10.4

अ॒न्वे॒ति तु॒ग्रो व॑क्रि॒यान्तं॑ । आ॒य॒सू॒यान्त् सो॑म॒तृप्सु॑षु ।

स स॒ङ्ग्राम॑-स्त॒मो॒द्योऽत्यो॑तः । वा॒चो गाः॑ पि॒पाति॑ तत् ।

स तद्गो॑भिः स्त॒वा ऽत्ये॑त्य॒न्ये । र॒क्ष॒सा ऽन॑न्वि॒ताश्च॑ ये ।

अ॒न्वे॒ति परि॑वृ॒त्याऽस्तः॑ । ए॒वमे॑तौ स्था॑ अ॒श्वि॒ना ।

ते ए॒ते द्युः॑ पृ॒थि॒व्योः । अ॒हर॒हर्-ग॑र्भ॒न्दधा॑थे । 44 (10)

T.A.1.10.5

तयो॑ रे॒तौ व॑थ्सा॒ वहो॑रा॒त्रे । पृ॒थि॒व्या अ॑हः । दि॒वो रा॒त्रिः ।

ता अ॒वि॒सृ॒ष्टौ । दं॒पती॑ ए॒व भ॑वतः । तयो॑ रे॒तौ व॑थ्सौ ।

अ॒ग्नि॒श्चा-दि॒त्यश्च॑ । रा॒त्रेर्व॑थ्सः । श्वे॒त आ॑दि॒त्यः । अ॒होऽग्निः॑ । 45 (10)

T.A.1.10.6

ता॒म्रो अ॑रु॒णः । ता अ॒वि॒सृ॒ष्टौ । द॒म्प॑ती॒ ए॒व भ॑वतः । तयो॑ रे॒तौ

व॑थ्सौ । वृ॒त्रश्च॑ वैद्यु॒तश्च॑ । अ॒ग्नेर्वृ॑त्रः । वैद्यु॒त आ॑दि॒त्यस्य॑ ।

ता अ॒वि॒सृ॒ष्टौ । द॒म्प॒ती ए॒व भ॒वतः॑ । तयो॑ रे॒तौ व॒थ्सौ । 46 (10)

T.A.1.10.7

उ॒ष्मा च॑ नी॒हारश्च॑ । वृ॒त्रस्यो॒ष्मा । वैद्यु॑तस्य नी॒हारः । तौ ता॒वे॒व प्र॒ति॒पद्ये॑ते ।
 से॒यꣳ रा॒त्री गर्भि॑णी पु॒त्रेण॑ स॒म्व॑सति । तस्या॑ वा
 ए॒तदु॒ल्ब॒णं॑ ॥ यद्वा॒त्रौ रश्म॑यः । यथा॑ गो॒र्गर्भि॑ण्या उ॒ल्ब॒णं॑ ॥
 ए॒वमे॒तस्या॑ उ॒ल्ब॒णं॑ ॥ प्र॒जयि॑ष्णुः प्र॒जया॑ च प॒शुभि॑श्च भ॒वति॑ ।
 य ए॒वं वै॒द । ए॒तमु॒द्यन्त॑-म॒पिय॑न्तञ्चेति । आ॒दित्यः॑ पु॒ण्यस्य॑ व॒थ्सः ।
 अथ॑ प॒वि॒त्राङ्गि॑रसः । 47 (14)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 10 ॥

T.A.1.11.1

प॒वि॒त्रव॑न्तः प॒रि॒वा॒ज॒मा॒स॒ते । पि॒तैषां॑ प्र॒त्नो अ॒भि॒रक्ष॑ति व्र॒तं ।
 म॒ह॒स्स॒मु॒द्रं वै॒रु॒ण स्ति॒रो॒द॒धे । धी॒रा इ॒च्छे॒कुर्-ध॒रु॒णेष्वा॒रभं॑ ॥
 प॒वि॒त्रं ते॑ वि॒त॒तं ब्र॒ह्म॒णस्प॑ते । प्र॒भु॒र्गा॒त्राणि॑ प॒र्येषि॑ विश्व॒तः ।
 अ॒त॒प्त॒त॒नूर् न॑ त॒दामो॑ अ॒श्नु॒ते । श्रु॒ता॒स इ॒द्वह॑न्-त॒स्तथ्॑ स॒मा॒श॒त ।
 ब्र॒ह्मा दे॒वानां॑ । अ॒स॒तः स॒द्ये त॑तक्षुः । 48 (10)

T.A.1.11.2

ऋषयः सप्तात्रि॒श्च यत् । सर्वे॑ऽत्रयो अ॒गस्त्य॑श्च । नक्ष॑त्रैः शङ्क॑तो ऽवसन् ।

अथ॑ सवि॒तुः श्या॒वाश्च॒स्या ऽव॒र्त्तिकाम॑स्य ।

अमी॑ य ऋ॒क्षा नि॒हिता॑ स उ॒च्चा । नक्तं॑ ददृ॒श्रे कु॒हचि॑द्दिवे॒युः ।

अद॑ब्धानि वरुणस्य व्र॒तानि॑ । वि॒चाक॑श-च्य॒न्द्रमा॑ नक्ष॒त्रमे॑ति ।

तथ॑ सवि॒तुर् वरे॑ण्यं । भर्गो॑ दे॒वस्य॑ धीमहि । 49 (10)

T.A.1.11.3

धियो॑ यो नः प्र॒चोद॑यात् । तथ॑सवि॒तुर् वृ॑णीमहे ।

वयं॑ दे॒वस्य॑ भो॒जनं॑ । श्रेष्ठ॑ः सर्व॒धात॑मं । तुरं॑ भग॒स्य धी॑महि ।

अपा॑गूह॒त सवि॑ता तृ॒भीन् । सर्वा॑न् दि॒वो अ॒न्धसः॑ । नक्त॑न्तान्य॒भ॒वन्

दृ॒शे । अ॒स्थ्य॒स्थ॒ना सं॑भविष्यामः । नाम॑ नामै॒व नाम॑ मे । 50 (10)

T.A.1.11.4

नपु॑ऽसकं पु॒माऽस्त्र्य॑स्मि । स्था॒वरो॑ऽस्म्यथ॒ जङ्ग॑मः ।

यजे॑ऽयक्षि॒ यष्टा॑हे च । मया॑ भू॒तान्य॑यक्ष॒त । प॒शवो॑ मम॒ भू॒तानि॑ ।

अनू॑बन्ध्यो ऽस्म्यहं वि॒भुः । स्त्रि॒यः स॒तीः । ता उ॑ मे पु॒ऽस आ॑हुः ।

पश्य॑दक्ष॒ण्वान्न॑-वि॒चेत॑दन्धः ।

क॒विर्यः॑ पु॒त्रः स इ॒मा चि॑केत । 51 (10)

T.A.1.11.5

यस्ता वि॒जाना॑त् स॒वितुः॑ पि॒ताऽस॑त् । अ॒न्धो म॑णिमविन्दत् ।
 तम॑नङ्गुलि-रावयत् । अ॒ग्रीवः॑ प्र॒त्यमु॑ञ्चत् । तम॑जिह्वा अस॑श्चत ।
 ऊ॒र्ध्वमू॑ल-मवाक्छा॒खं । वृ॒क्षं यो वेद॑ संप्रति । न स जा॑तु जनः
 श्रद्द॒ध्यात् । मृ॒त्युर्मा॑ मारयादितिः । ह॒सित॑ रु॒दित॑ङ्गीतं । 52 (10)

T.A.1.11.6

वी॒णा प॑ण वला॒सितं॑ । मृ॒तञ्जीव॑ञ्च यत्किञ्चित् ।
 अ॒ङ्गानि॑ स्ने॒व वि॒द्धि तत् । अ॒तृष्य॑ स्तृष्य॒ ध्याय॑त् ।
 अ॒स्माज्जा॑ता मे मि॒थू च॑रन् । पु॒त्रो निर्ऋ॑त्या वैदेहः ।
 अ॒चेता॑ यश्च॒ चेत॑नः । स तं म॑णिमविन्दत् । सोऽन॑ङ्गुलि॒राव॑यत् ।
 सोऽग्री॑वः प्र॒त्यमु॑न्चत् । 53 (10)

T.A.1.11.7

सोऽजि॑ह्वो अस॑श्चत । नै॒तमृ॑षिं वि॒दित्वा॑ न॒गरं प्र॑विशेत् ।
 यदि॑ प्रविशेत् । मि॒थौ च॑रित्वा प्रविशेत् । तत्सं॑भवस्य व्रतं ।
 आ तम॑ग्ने रथ॒न्तिष्ठ॑ । ए॒काश्च॑मे॒क यो॑जनं । ए॒कच॑क्र-मे॒कधु॑रं ।
 वा॒त ध्रा॑जि ग॒तिं वि॑भो । न रि॒ष्यति॑ न व्यथ॑ते । 54 (10)

T.A.1.11.8

ना॒स्याक्षो॑ या॒तु स॒ज्जति॑ । यच्छ॒वेता॑न् रोहि॒ताञ्श्चाग्नेः॑ ।
 रथे॑ यु॒क्त्वाऽधि॑तिष्ठति । एक॒या च द॑शभिश्च स्व॒भूते॑ ।
 द्वाभ्या॑ मि॒ष्टये वि॑ञ्शत्या च । तिसृ॑भिश्च वह॒से त्रि॑ञ्शता च ।
 नियु॒द्धिर्-वाय॑विह ता विमु॒ञ्च । 55 (7)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 11 ॥

T.A.1.12.1

आ॒तनु॑ष्व प्र॒तनु॑ष्व । उ॒द्धमा॑धम स॒न्धम॑ । आ॒दित्ये॑ च॒न्द्रव॑र्णानां ।
 गर्भ॑ मा धे॒हि यः पु॒मान् । इ॒तः सि॒क्तञ् सूर्य॑गतं । च॒न्द्रम॑से रस॒ङ्गधि॑ ।
 वा॒रादं॑ ज॒नया॑-ग्रेऽग्निं । य ए॒को रु॒द्र उ॒च्यते॑ ।
 अ॒सं ख्या॑ताः स॒हस्रा॑णि । स्म॒र्यते॑ न च दृ॒श्यते॑ । 56 (10)

T.A.1.12.2

ए॒वमे॒तन्नि॑बोधत । आ म॒न्द्रै-रि॒न्द्र ह॑रिभिः । या हि म॒यूर॑-रोमभिः ।
 मा॒त्वा के॒चिन्नि॑ये मु॒रिन्न॑ पा॒शिनः॑ । द॒धन्वे॒व ता॑ इ॒हि ।
 मा म॒न्द्रै-रि॒न्द्र ह॑रिभिः । या॒मि म॒यूर॑ रोमभिः ।
 मा मा के॒चिन्नि॑ये मु॒रिन्न॑ पा॒शिनः॑ । नि॒धन्वे॒व ताँ(२)॑ इ॒मि ।

अणुभिश्च॑ महद्भिश्च॑ । 57 (10)

T.A.1.12.3

निघृ॑ष्वै र॒समायु॑तैः । कालै॑र् हरि॒त्वमाप॑न्नैः । इन्द्रा॑याहि स॒हस्र॑ युक् ।
अ॒ग्निर् वि॒भ्राष्टि॑ व॒सनः॑ । वा॒युः श्वेत॑सिक्द्रु॒कः । स॒म् व॒त्सरो॑ वि॒षू वर्णैः॑ ।
नि॒त्यास्ते॑ ऽनु॒चरा॑स्तव । सु॒ब्रह्म॑ण्यो॒ सु॒ब्रह्म॑ण्यो॒ सु॒ब्रह्म॑ण्यो॑ ।
इन्द्रा॑गच्छ हरि॒व आ॑गच्छ मे॒धाति॑थेः । मेष॑ वृष॒णश्च॑स्य मे॒ने । 58 (10)

T.A.1.12.4

गौरा॑वस्कन्दि॒न्न-ह॑ल्यायै जा॒र । कौ॒शिक॑-ब्रा॒ह्मण॑ गौ॒तम॑ब्रुवाण ।
अ॒रुणा॑श्चा इ॒हाग॑ताः । व॒सवः॑ पृ॒थिवि॑ क्षि॒तः । अ॒ष्टौ दि॒ग्वा॒स॒सो ऽग्नयः॑ ।
अ॒ग्निश्च॑ जा॒तवे॒दाश्चे॒त्येते॑ । ता॒म्राश्चा॑-स्था॒म्रर॑थाः ।
ता॒म्रव॑र्णा॒ स्तथा॑ऽसि॒ताः । द॒ण्डह॑स्ताः॒ खाद॑ग्द॒तः ।
इ॒तो रु॒द्राः प॑राङ्ग॒ताः । 59 (10)

T.A.1.12.5

उ॒क्तञ् स्थानं॑ प्र॒माणञ्च॑ पु॒र इ॒त । बृ॒हस्प॑तिश्च स॒विता॑ च ।
वि॒श्वरू॑पै-रि॒हाग॑तां । रथे॑नो॒दक॑व॒र्त्मना॑ । अ॒प्सुषा॑ इति॒ तद्द्वयोः॑ ।
उ॒क्तो वे॑षो वा॒साञ् सि॒ च । का॒लाव॑य॒वाना॑-मि॒तः प्र॑ती॒ज्या ।

वा॒सा॒त्या इ॒त्य॒श्चि॒नोः । को॒ऽन्त॒रि॒क्षे श॒ब्द॒ङ्क॒रोती॒ति ।

वा॒सि॒ष्ठो रौ॒हि॒णो मी॒मा॒ंसां च॒क्रे । तस्यै॒षा भ॒वति॑ ।

वा॒श्रे॒व वि॒द्यु दि॒ति । ब्र॒ह्म॒ण उ॒द॒र॒णम॒सि । ब्र॒ह्म॒ण उ॒दी॒र॒णम॒सि ।

ब्र॒ह्म॒ण आ॒स्तर॒णम॒सि । ब्र॒ह्म॒ण उ॒प॒स्तर॒णम॒सि । 60 (16)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 12 ॥

T.A.1.13.1 [अप॒क्राम॒त गर्भि॑ण्यः]

अ॒ष्टयो॑नी-म॒ष्टपु॑त्रां । अ॒ष्टप॑त्नी-मि॒मां म॒हीं॑ । अ॒हं वै॒द न मे॑ मृत्युः ।

न चा॒मृत्यु॑र॒घाह॑रत् । अ॒ष्टयो॑न्य॒ष्ट पु॑त्रं । अ॒ष्टप॑दि॒द-म॒न्तरि॑क्षं ।

अ॒हं वै॒द न मे॑ मृत्युः । न चा॒मृत्यु॑र॒घाह॑रत् ।

अ॒ष्टयो॑नी-म॒ष्टपु॑त्रां । अ॒ष्टप॑त्नी-म॒मू॒न्दिवं॑ । 61 (10)

T.A.1.13.2

अ॒हं वै॒द न मे॑ मृत्युः । न चा॒मृत्यु॑र॒घाह॑रत् । सु॒त्रा॒मा॒णं

म॒ही॒मू॒षु । अ॒दि॒ति॒र्द्यौ-र॒दि॒ति-र॒न्तरि॑क्षं । अ॒दि॒ति मा॒ता स पि॒ता स पु॒त्रः ।

वि॒श्वे दे॒वा अ॒दि॒तिः प॒ञ्च ज॒नाः॑ ।

अ॒दि॒ति॒र्-जा॒त-म॒दि॒ति॒र्-ज॒नि॒त्वं । अ॒ष्टौ पु॒त्रा॒सो अ॒दि॒तेः ।

ये जा॒ता स्त॒न्वः परि॑ । दे॒वाँ (2) उप॒प्रै॒त् स॒प्त॒भिः । 62 (10)

T.A.1.13.3

परा॑ मा॒र्त्ता॒ण्ड॒मा॒स्य॒त् । स॒प्त॒भिः पु॒त्रै-र॒दि॒तिः । उप॑ प्रै॒त् पू॒र्व्यं यु॒गं ॥

प्र॒जायै॑ मृ॒त्यवे॑ तत् । परा॑ मा॒र्त्ता॒ण्ड-मा॒भर॑दि॒ति । ता॒ननु॑क्र॒मिष्या॑मः ।

मि॒त्रश्च॑ वरु॒णश्च॑ । धा॒ता चा॒र्य॒मा च॑ । अ॒ञ्शश्च॑ भ॒गश्च॑ ।

इ॒न्द्रश्च॑ वि॒वस्वाञ्श्चे॒त्ये॒ते । हि॒र॒ण्य॒ग॒र्भो ह॒ञ्सः शु॒चि॒षत् ।

ब्र॒ह्म ज॒ज्ञानं॑ तदि॒त् प॒द मि॒ति । गर्भः॑ प्रा॒जाप॑त्यः ।

अथ॑ पु॒रुषः॑ स॒प्तपु॑रुषः । 63 (14)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 13 ॥

[यथा॒स्थानं॑ गर्भि॒ण्यः॑]

T.A.1.14.1

योऽसौ॑ तप॒न्नुदे॑ति । स सर्वे॑षां भू॒तानां॑ प्रा॒णाना॑दायोदेति ।

मा मे॑ प्र॒जाया॑ मा प॒शूनां॑ । मा म॒म प्रा॒णाना॑दायोदगाः ।

असौ॑ योऽस्तमेति । स सर्वे॑षां भू॒तानां॑ प्रा॒णाना॑दायास्तमेति ।

मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णा॒ना॒दा॒या॒ स्त॒ङ्गाः॑ ।
 अ॒सौ॒ य॒ आ॒पूर्य॑ति । स॒ सर्वे॑षां भू॒ता॒नां॑ प्रा॒णै॒ रा॒पूर्य॑ति । 64 (10)

T.A.1.14.2

मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णै॒-रा॒पूरि॑ष्ठाः ।
 अ॒सौ॒ योऽप॑क्षीयति । स॒ सर्वे॑षां भू॒ता॒नां॑ प्रा॒णै॒-रप॑क्षीयति ।
 मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णै॒-रप॑क्षेष्ठाः । अ॒मू॒नि॒ नक्ष॑त्राणि ।
 सर्वे॑षां भू॒ता॒नां॑ प्रा॒णैरप॑ प्रसर्पन्ति चो॒त्स॑र्पन्ति च ।
 मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णैरप॑ प्रसृ॒पत॑ मो॒त्स॑पत । 65 (10)

T.A.1.14.3

इ॒मे॒ मा॒सा॒-श्चा॒र्ध॒मा॒साश्च॑ ।
 सर्वे॑षां भू॒ता॒नां॑ प्रा॒णैरप॑ प्रसर्पन्ति चो॒त्स॑र्पन्ति च ।
 मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णैरप॑ प्रसृ॒पत॑ मो॒त्स॑पत ।
 इ॒म॒ ऋ॒त॒वः॑ । सर्वे॑षां भू॒ता॒नां॑ प्रा॒णैरप॑ प्रसर्पन्ति चो॒त्स॑र्पन्ति च ।
 मा॒ मे॒ प्र॒जा॒या॒ मा॒ प॒शू॒नां॑ । मा॒ म॒म॒ प्रा॒णैरप॑ प्रसृ॒पत॑ मो॒त्स॑पत ।
 अ॒य॒ꣳ स॒म्व॑त्सरः ।
 सर्वे॑षां भू॒ता॒नां॑ प्रा॒णैरप॑ प्रसर्पति चो॒त्स॑र्पति च । 66 (10)

T.A.1.14.4

मा॑ मे॑ प्र॒जाया॑ मा॑ प॒शूनां॑ । मा॑ म॒म प्रा॒णैरप॑ प्र॒सृप॑ मो॒त्सृप॑ । इ॒दम॑हः ।
 सर्वे॑षां भू॒तानां॑ प्रा॒णै-रप॑ प्र॒सर्प॑ति चो॒त्सर्प॑ति च । मा॑ मे॑ प्र॒जाया॑ मा॑ प॒शूनां॑ ।
 मा॑ म॒म प्रा॒णैरप॑ प्र॒सृप॑ मो॒त्सृप॑ । इ॒यञ् रा॒त्रिः ।
 स सर्वे॑षां भू॒तानां॑ प्रा॒णै-रप॑ प्र॒सर्प॑ति चो॒त्सर्प॑ति च ।
 मा॑ मे॑ प्र॒जाया॑ मा॑ प॒शूनां॑ । मा॑ म॒म प्रा॒णैरप॑ प्र॒सृप॑ मो॒त्सृप॑ ।
 ॐ भूर्भुव॑स्स्वः । ए॒तद्वो मि॒थुनं॑ मा॒ नो मि॒थुनञ् री॒द्वं । 67 (12)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 14 ॥

T.A.1.15.1

अथा॑दि॒त्यस्या॑ष्ट पु॒रुष॑स्य ।
 वसू॑ना मा॒दित्या॑नाञ् स्थाने॑ स्व॒तेज॑सा भानि ।
 रु॒द्राणा॑-मा॒दित्या॑नाञ् स्थाने॑ स्व॒तेज॑सा भानि ।
 आ॒दि॒त्याना॑-मा॒दित्या॑नाञ् स्थाने॑ स्व॒तेज॑सा भानि । स॒ताञ् स॒त्यानां॑ ।
 आ॒दि॒त्याना॑ञ् स्थाने॑ स्व॒तेज॑सा भानि । अ॒भि॒धून्व॑ता-म॒भि॒घ्न॑तां ।
 वा॒तव॑तां म॒रुतां॑ । आ॒दि॒त्याना॑ञ् स्थाने॑ स्व॒तेज॑सा भानि ।
 ऋ॒भूणा॑-मा॒दित्या॑नाञ् स्थाने॑ स्व॒तेज॑सा भानि । वि॒श्वे॑षां दे॒वानां॑ ।

आदित्याना७ स्थाने स्वतेजसा भानि । सम्वत्सरस्य सवितुः ।

आदित्यस्य स्थाने स्वतेजसा भानि । ॐ भूर्भुवस्स्वः ।

रश्मयो वो मिथुनं मा नो मिथुनं७ रीढ्वं । 68 (16)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 15 ॥

T.A.1.16.1

आरोगस्य स्थाने स्वतेजसा भानि । भ्राजस्य स्थाने स्वतेजसा भानि ।

पटरस्य स्थाने स्वतेजसा भानि । पतङ्गस्य स्थाने स्वतेजसा भानि ।

स्वर्णरस्य स्थाने स्वतेजसा भानि ।

ज्योतिषीमतस्य स्थाने स्वतेजसा भानि ।

विभासस्य स्थाने स्वतेजसा भानि ।

कश्यपस्य स्थाने स्वतेजसा भानि । ॐ भूर्भुवस्स्वः ।

आपो वो मिथुनं मा नो मिथुनं७ रीढ्वं । 69 (10)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 16 ॥

T.A.1.17.1

अथ वायो-रेकादश-पुरुषस्यैकादश-स्त्रीकस्य ।
 प्रभ्राजमानानां रुद्राणां स्थाने स्वतेजसा भानि ।
 व्यवदातानां रुद्राणां स्थाने स्वतेजसा भानि ।
 वासुकिवैद्युतानां रुद्राणां स्थाने स्वतेजसा भानि ।
 रजतानां रुद्राणां स्थाने स्वतेजसा भानि ।
 परुषाणां रुद्राणां स्थाने स्वतेजसा भानि ।
 श्यामानां रुद्राणां स्थाने स्वतेजसा भानि ।
 कपिलानां रुद्राणां स्थाने स्वतेजसा भानि ।
 अतिलोहितानां रुद्राणां स्थाने स्वतेजसा भानि ।
 ऊर्ध्वानां रुद्राणां स्थाने स्वतेजसा भानि । 70 (10)

T.A.1.17.2

अवपतन्तानां रुद्राणां स्थाने स्वतेजसा भानि ।
 वैद्युतानां रुद्राणां स्थाने स्वतेजसा भानि ।
 प्रभ्राजमानीनां रुद्राणीनां स्थाने स्वतेजसा भानि ।
 व्यवदातीनां रुद्राणीनां स्थाने स्वतेजसा भानि ।

वासुकिवैद्युतीनां रुद्राणीनां स्थाने स्वतेजसा भानि ।
 रजतानां रुद्राणीनां स्थाने स्वतेजसा भानि ।
 परुषाणां रुद्राणीनां स्थाने स्वतेजसा भानि ।
 श्यामानां रुद्राणीनां स्थाने स्वतेजसा भानि ।
 कपिलानां रुद्राणीनां स्थाने स्वतेजसा भानि ।
 अतिलोहितीनां रुद्राणीनां स्थाने स्वतेजसा भानि ।
 ऊर्ध्वानां रुद्राणीनां स्थाने स्वतेजसा भानि ।
 अवपतन्तीनां रुद्राणीनां स्थाने स्वतेजसा भानि ।
 वैद्युतीनां रुद्राणीनां स्थाने स्वतेजसा भानि । ॐ भूर्भुवस्स्वः ।
 रूपाणि वो मिथुनं मा नो मिथुनं रीढ्वं । 71 (15)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 17 ॥

T.A.1.18.1

अथाग्नेरष्ट पुरुषस्य । अग्नेः पूर्व-दिश्यस्य स्थाने स्वतेजसा भानि ।
 जातवेदस उपदिश्यस्य स्थाने स्वतेजसा भानि ।
 सहोजसो दक्षिण-दिश्यस्य स्थाने स्वतेजसा भानि ।

अजिराप्रभव उपदिश्यस्य स्थाने स्वतेजसा भानि ।

वैश्वानरस्यापरदिश्यस्य स्थाने स्वतेजसा भानि ।

नर्यापस उपदिश्यस्य स्थाने स्वतेजसा भानि ।

पन्क्तिराधस उदग्दिश्यस्य स्थाने स्वतेजसा भानि ।

विसर्पिण उपदिश्यस्य स्थाने स्वतेजसा भानि ।

ॐ भूर्भुवस्स्वः ।

दिशो वो मिथुनं मा नो मिथुनं रीढ्वं । 72 (11)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 18 ॥

T.A.1.19.1

दक्षिणपूर्व-स्यान्दिशि विसर्पी नरकः । तस्मान्नः परिपाहि ।

दक्षिणा-परस्या-न्दिश्य विसर्पी नरकः । तस्मान्नः परिपाहि ।

उत्तर-पूर्वस्या-न्दिशि विषादी नरकः । तस्मान्नः परिपाहि ।

उत्तरा-परस्या-न्दिश्य विषादी नरकः । तस्मान्नः परिपाहि ।

आ यस्मिन्त्सप्त वासवा इन्द्रियाणि शतक्रत वित्येते । 73 (9)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 19 ॥

T.A.1.20.1

इन्द्र॑ घोषा॑ वो॒ वसु॑भिः पुरस्ता॑-दुप॑दधतां ।

मनो॑जवसो॒ वः पित॑रुभिर् दक्षिणत॑ उप॑दधतां ।

प्रचे॑ता वो॒ रुद्रैः पश्चा॑-दुप॑दधतां ।

विश्व॑कर्मा॒ व आ॑दित्यै-रुत्तरत॑ उप॑दधतां ।

त्वष्टा॑ वो॒ रूपै॑-रुपरि॑ष्टा-दुप॑दधतां । संज्ञानं॑ वः पश्चा॑दिति ।

आ॒दि॒त्यः स॒र्वोऽग्निः॑ पृथि॒व्यां । वा॒युरन्त॑रिक्षे । सूर्यो॑ दि॒वि ।

चन्द्र॑मा दिक्षु । नक्ष॑त्राणि स्वलो॒के । ए॒वा ह्ये॒व । ए॒वा ह्यग्ने॑ ।

ए॒वा हि वा॒यो । ए॒वा हीन्द्र॑ । ए॒वा हि पू॒षन् ।

ए॒वा हि दे॒वाः । 74 (17)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 20 ॥

T.A.1.21.1

आप॑मापामपः स॒र्वाः । अस्मा॑-दस्मादि॒तोऽमु॑तः । अ॒ग्निर्वा॑युश्च सूर्यश्च॑ ।

सह॑ सञ्चस्कर॑र्द्धिया । वा॒य्वश्चा॑ रश्मि॒ पत॑यः । मरी॑च्यात्मानो॒ अद्रु॑हः ।

दे॒वी भु॑वन॒ सू॒वरीः । पु॒त्रव॑त्वाय॒ मे सु॑त । म॒हाना॑म्नीर्-म॒हामा॑नाः ।
म॒हसो॑ म॒हस॑स्स्वः । 75 (10)

T.A.1.21.2

दे॒वीः पर्ज॑न्य॒ सू॒वरीः । पु॒त्रव॑त्वाय॒ मे सु॑त ।
अपा॑न्यु॒ष्णि-म॒पा र॑क्षः । अ॒पा॑न्यु॒ष्णि-म॒पा र॑घं । अ॒पा॑घ्रा॒मप॑ चाव॒र्त्ति॑ ॥
अप॑ दे॒वीरि॑तो हि॒त । व॒ज्रं दे॒वीर॑जी॒ताञ्च॑ । भु॒वनं॑ दे॒व सू॒वरीः ।
आ॒दि॒त्यान॑दि॒तिं दे॒वीं । यो॒नि॒नो॒र्ध्व-मु॒दी॒षत॑ । 76 (10)

T.A.1.21.3

भ॒द्रं क॑र्णेभिः शृ॒णु॒याम॑ दे॒वाः । भ॒द्रं प॑श्ये॒माक्ष॑भिर्-य॒जत्राः॑ ।
स्थि॒रैरङ्गै॑ स्तु॒ष्टुवा॑ञ् स॒स्तनू॑भिः । व्य॒शेम॑ दे॒वहि॑तं॒ यदा॑युः ।
स्व॒स्ति न॑ इन्द्रो॒ वृ॒द्धश्र॑वाः । स्व॒स्ति नः॑ पू॒षा वि॒श्ववे॑दाः ।
स्व॒स्ति न॑स्ता॒क्षर्यो॑ अ॒रि॒ष्टने॑मिः । स्व॒स्ति नो॑ बृ॒हस्प॑तिर्-द॒धातु॑ ।
के॒तवो॑ अ॒रुणा॑सश्च । ऋ॒षयो॑ वा॒तर॑श॒नाः । प्र॒तिष्ठा॑ञ् श॒तधा॑ हि ।
स॒माहि॑ता॒सो स॒हस्र॑धा॒यसं॑ । शि॒वा नः॑ श॒न्तमा॑ भवन्तु ।
दि॒व्या आप॑ ओष॒धयः॑ । सु॒मृ॒डीका॑ सर॒स्वति॑ । मा॒ते व्यो॑म
स॒न्दृ॒शि । 77 (16)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 21 ॥

T.A.1.22.1

योऽपां पुष्पं वेद । पुष्पवान् प्रजावान् पशुमान् भवति ।
 चन्द्रमा वा अपां पुष्पं । पुष्पवान् प्रजावान् पशुमान् भवति ।
 य एवं वेद । योऽपामायतनं वेद । आयतनवान् भवति ।
 अग्निर्वा अपामायतनं । आयतनवान् भवति ।
 योऽग्नेरायतनं वेद । 78 (10)

T.A.1.22.2

आयतनवान् भवति । आपो वा अग्नेरायतनं । आयतनवान् भवति ।
 य एवं वेद । योऽपामायतनं वेद । आयतनवान् भवति ।
 वायुर्वा अपामायतनं । आयतनवान् भवति । यो वायोरायतनं वेद ।
 आयतनवान् भवति । 79 (10)

T.A.1.22.3

आपो वै वायोरायतनं । आयतनवान् भवति । य एवं वेद ।
 योऽपामायतनं वेद । आयतनवान् भवति । असौ वै तपन्नपा-मायतनं ।
 आयतनवान् भवति । योऽमुष्य-तपत आयतनं वेद ।

आ॒य॒त॒न॒वा॒न् भ॒व॒ति । आ॒पो॒वा अ॒मु॒ष्य-त॒प॒त आ॒य॒त॒नं । 80 (10)

T.A.1.22.4

आ॒य॒त॒न॒वा॒न् भ॒व॒ति । य ए॒वं वै॒द । योऽ॒पा॒मा॒य॒त॒नं वै॒द ।

आ॒य॒त॒न॒वा॒न् भ॒व॒ति । च॒न्द्र॒मा वा अ॒पा॒मा॒य॒त॒नं । आ॒य॒त॒न॒वा॒न् भ॒व॒ति ।

यश्च॒न्द्र॒म॒स आ॒य॒त॒नं वै॒द । आ॒य॒त॒न॒वा॒न् भ॒व॒ति ।

आ॒पो वै च॒न्द्र॒म॒स आ॒य॒त॒नं । आ॒य॒त॒न॒वा॒न् भ॒व॒ति । 81 (10)

T.A.1.22.5

य ए॒वं वै॒द । योऽ॒पा॒मा॒य॒त॒नं वै॒द । आ॒य॒त॒न॒वा॒न् भ॒व॒ति ।

नक्ष॒त्रा॒णि वा अ॒पा॒मा॒य॒त॒नं । आ॒य॒त॒न॒वा॒न् भ॒व॒ति ।

यो नक्ष॒त्रा॒णा-मा॒य॒त॒नं वै॒द । आ॒य॒त॒न॒वा॒न् भ॒व॒ति ।

आ॒पो वै नक्ष॒त्रा॒णा-मा॒य॒त॒नं । आ॒य॒त॒न॒वा॒न् भ॒व॒ति ।

य ए॒वं वै॒द । 82 (10)

T.A.1.22.6

योऽ॒पा॒मा॒य॒त॒नं वै॒द । आ॒य॒त॒न॒वा॒न् भ॒व॒ति । प॒र्ज॒न्यो वा अ॒पा॒मा॒य॒त॒नं ।

आ॒य॒त॒न॒वा॒न् भ॒व॒ति । यः प॒र्ज॒न्य-स्या॒य॒त॒नं वै॒द ।

आ॒य॒त॒न॒वा॒न् भ॒व॒ति । आ॒पो वै प॒र्ज॒न्य-स्या॒य॒त॒नं ।

आ॒य॒त॒न॒वा॒न् भ॒व॒ति॒ । य॒ ए॒वं वै॒द॒ । यो॒ऽप॒मा॒य॒त॒नं॑ वै॒द॒ । 83 (10)

T.A.1.22.7

आ॒य॒त॒न॒वा॒न् भ॒व॒ति॒ । स॒म्व॑त्स॒रो वा॒ अ॒प॒मा॒य॒त॒नं॑ । आ॒य॒त॒न॒वा॒न् भ॒व॒ति॒ ।
यः स॒म्व॑त्स॒र-स्या॑य॒त॒नं॑ वै॒द॒ । आ॒य॒त॒न॒वा॒न् भ॒व॒ति॒ ।
आ॒पो वै स॒म्व॑त्स॒र-स्या॑य॒त॒नं॑ । आ॒य॒त॒न॒वा॒न् भ॒व॒ति॒ । य॒ ए॒वं वै॒द॒ ।
यो॒ऽप्सु॑ ना॒वं प्र॑ति॒ष्ठि॒तां॑ वै॒द॒ । प्र॒त्ये॒व ति॑ष्ठति । 84 (10)

T.A.1.22.8

इ॒मे वै लो॒का अ॒प्सु प्र॑ति॒ष्ठि॒ताः॑ । त॒दे॒षाऽभ्य॑नू॒क्ता॑ ।
अ॒पाꣳ र॒स॒मु॒द॒यꣳस॒न् । सू॒र्ये शु॒क्रꣳ स॒माभृ॑तं ।
अ॒पाꣳ र॒स॒स्य॑ यो र॒सः॑ । तं॑ वो॒ गृ॒ह्णा-म्यु॑त्त॒ममि॑ति ।
इ॒मे वै लो॒का अ॒पाꣳ र॒सः॑ । ते॒ऽमु॒ष्मिन्-ना॑दि॒त्ये स॒माभृ॑ताः ।
जा॒नु॒द॒घ्नी-मु॒त्तर॑-वे॒दीङ्घा॑त्वा । अ॒पां पू॒रयि॑त्वा गु॒ल्फ॒द॒घ्नं॑ । 85 (10)

T.A.1.22.9

पु॒ष्कर॑पर्णेः पु॒ष्कर॑दण्डैः पु॒ष्करै॑श्च सꣳस्ती॒र्य । तस्मि॑न् विहा॒य॒से॑ ।
अ॒ग्निं प्र॑णी॒योप॑-स॒माधा॑य । ब्र॒ह्म॒वा॒दि॒नो व॑दन्ति ।
क॒स्मात् प्र॑णी॒तेऽय॑-म॒ग्निश्ची॑यते॑ । सा प्र॑णी॒तेऽय॑म॒प्सु ह्य॑यञ्ची॒यते॑ ।

असौ॑ भुव॑नेऽप्य॑-नाहि॑ताग्नि॑-रेताः॑ । तम॑भित॑ ए॒ता अ॒भीष्ट॑का॒ उप॑दधाति ।
अ॒ग्नि॒हो॒त्रे दर्॑.शपूर्ण॑-मा॒सयोः॑ ।

प॒शुब॑न्धे चातु॑र्मा॒स्येषु॑ । 86 (10)

T.A.1.22.10

अथो॑ आहुः॑ । सर्वे॑षु य॒ज्ञक्र॑तुष्वि॒ति । ए॒तद्ध॑ स्म॒ वा आ॑हुः श॒ण्डि॒लाः ।
क॒म॒ग्नि॒ज्चि॑नुते । स॒त्रिय॑-म॒ग्नि॒ज्चि॑न्वानः ।
स॒म्वँ॑त्सरं प्रत्य॑क्षेण । क॒म॒ग्नि॒ज्चि॑नुते । सा॒वि॒त्र म॒ग्नि॒ज्चि॑न्वानः ।
अ॒मुमा॑दित्यं प्रत्य॑क्षेण । क॒म॒ग्नि॒ज्चि॑नुते । 87 (10)

T.A.1.22.11

ना॒चि॒के॒त-म॒ग्नि॒ज्चि॑न्वानः । प्रा॒णान् प्र॑त्य॒क्षेण॑ । क॒म॒ग्नि॒ज्चि॑नुते ।
चा॒तुर्.हो॒त्रिय॑-म॒ग्नि॒ज्चि॑न्वानः । ब्र॒ह्म प्र॑त्य॒क्षेण॑ । क॒म॒ग्नि॒ज्चि॑नुते ।
वै॒श्व॒सृ॒ज-म॒ग्नि॒ज्चि॑न्वानः । श॒री॒रं प्र॑त्य॒क्षेण॑ । क॒म॒ग्नि॒ज्चि॑नुते ।
उ॒पा॒नु॒वा॒क्य॒मा॒शु-म॒ग्नि॒ज्चि॑न्वानः । 88 (10)

T.A.1.22.12

इ॒मान् लोँ॑कान् प्रत्य॑क्षेण । क॒म॒ग्नि॒ज्चि॑नुते ।
इ॒ममा॑रुण-के॒तुक॑-म॒ग्नि॒ज्चि॑वान इति । य ए॒वासौ॑ ।
इ॒तश्चा॑-मु॒तश्चा॑-व्यती॑पाती । तमि॑ति । यो॒ऽग्ने॑र्मि॒थूया॑ वेद ।

मि॒थु॒न॒वा॒न् भ॑वति । आ॒पो वा अ॒ग्ने॒र्मि॒थू॒याः ।

मि॒थु॒न॒वा॒न् भ॑वति । य ए॒वं वे॑द । 89 (11)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 22 ॥

T.A.1.23.1

आ॒पो वा इ॒द॒मा॒स॒न्त् स॒ल॒ल॒मे॒व । स प्र॒जा॒प॒ति॒रे॒कः पु॒ष्क॒र॒पर्णे॑ सम॑भवत् ।

तस्या॒न्त॒र् मन॑सि का॒मः स॒म॒व॒र्त॒त । इ॒दं सृ॑जे॒य॒मि॒ति ।

तस्मा॒द्यत् पु॒रु॒षो मन॑साऽभि॒गच्छ॑ति । तद्वा॒चा व॑दति । तत्क॒र्म॒णा क॑रोति ।

तदे॒षा ऽभ्य॑नू॒क्ता । का॒म॒स्तद॑ग्रे स॒म॒व॒र्त॒ताधि॑ ।

मन॑सो रे॒तः प्र॒थ॒मं य॑दासीत् । 90 (10)

T.A.1.23.2

स॒तो ब॑न्धु॒म॒स॒ति नि॒र॒वि॒न्द॒न् । हृ॒दि प्र॒ती॒ष्या क॑व॒यो म॑नी॒षेति॑ ।

उ॒पै॒न॒न्तदु॑प॒न॒म॒ति । यत् का॒मो भ॑वति । य ए॒वं वे॑द । स तपो॑ऽत॒प्यत॑ ।

स तप॑स्त॒प्त्वा । शरी॑र॒मधू॑नु॒त । तस्य॑ यन् मा॒स॒मासी॑त् ।

ततो॑ऽरु॒णाः के॒त॒वो वा॑त॒र॒श॒ना ऋ॑ष॒य उ॑दतिष्ठन् । 91 (10)

T.A.1.23.3

ये नखाः । ते वैखानसाः । ये वालाः । ते वालखिल्याः । यो रसः ।
 सोऽपां । अन्तरतः कूर्मं भूतञ् सर्पन्तं । तमब्रवीत् ।
 मम वै त्वङ्-माञ्सा । समभूत् । 92 (10)

T.A.1.23.4

नेत्यब्रवीत् । पूर्वमेवाह-मिहासमिति । तत्पुरुषस्य पुरुषत्वं ।
 स सहस्रशीर्षा पुरुषः । सहस्राक्षः सहस्रपात् ।
 भूत्वोदतिष्ठत् । तमब्रवीत् । त्वं वै पूर्वञ् समभूः ।
 त्वमिदं पूर्वः कुरुष्वेति । स इत आदायापः । 93 (10)

T.A.1.23.5

अञ्जलिना पुरस्ता-दुपादधात् । एवा ह्येवेति ।
 तत आदित्य उदतिष्ठत् । सा प्राची दिक् ।
 अथारुणः केतुर्-दक्षिणत उपादधात् । एवा ह्यग्न इति ।
 ततो वा अग्निरुदतिष्ठत् । सा दक्षिणा दिक् ।
 अथारुणः केतुः पश्चादुपादधात् ।
 एवा हि वायो इति । 94 (10)

T.A.1.23.6

ततो वायुरुदतिष्ठत् । सा प्रतीची दिक् ।

अथारुणः केतु-रुत्तरत उपादधात् । एवा हीन्द्रेति ।

ततो वा इन्द्र उदतिष्ठत् । सोदीची दिक् ।

अथारुणः केतुर्-मध्य उपादधात् । एवा हि पूषन्निति ।

ततो वै पूषोदतिष्ठत् । सेयन्दिक् । 95 (10)

T.A.1.23.7

अथारुणः केतुरुपरिष्ठा-दुपादधात् । एवा हि देवा इति ।

ततो देव मनुष्याः पितरः । गन्धर्वा-फसरस श्रोद-तिष्ठन् ।

सोर्ध्वा दिक् । या विप्रुषो विपरापतन् ।

ताभ्योऽसुरा रक्षाऽसि पिशाचाश्चो-दतिष्ठन् । तस्मात्ते पराभवन् ।

विप्रुङ्भ्यो हि ते समभवन् । तदेषाऽभ्यनूक्ता । 96 (10)

T.A.1.23.8

आपो ह यद् बृहतीर् गर्भमायन् । दक्षं दधाना जनयन्तीः स्वयम्भुं ।

तत इमेऽध्य-सृज्यन्त सर्गाः । अद्भ्यो वा इदं समभूत् ।

तस्मादिदं सर्वं ब्रह्म स्वयंभ्विति ।

तस्मादिदं॑ सर्वं॑ शिथिल॑-मिवा॑ ध्रुव॑-मिवाभवत् ।
 प्रजापति॑र् वाव तत् । आत्मनाऽऽत्मानं॑ वि॒धाय॑ ।
 तदे॒वानु॑ प्राविशत् । तदेषाऽभ्यनू॑क्ता । 97 (10)

T.A.1.23.9

वि॒धाय॑ लो॒कान् । वि॒धाय॑ भू॒तानि॑ । वि॒धाय॑ सर्वाः॑ प्रदि॒शो दि॒शश्च॑ ।
 प्रजापतिः॑ प्रथमजा ऋतस्य॑ । आत्मनाऽऽत्मा-नम॑भि-सँवि॒वेशेति॑ ।
 सर्वमे॒वेदमाप्त्वा॑ । सर्व॑-मवरु॑द्ध्य । तदे॒वानु॑ प्रवि॒शति॑ ।
 य एवं॑ वैद । 98 (8)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 23 ॥

T.A.1.24.1

चतुष्टय्य॑ आपो॑ गृह्णाति । चत्वारि॑ वा अ॒पां रूपाणि॑ । मेघो॑ वि॒द्युत् ।
 स्तनयि॒तुर्-वृष्टिः॑ । तान्ये॒वा वरु॑न्धे । आ॒तप॑ति व॒र्ष्या गृह्णाति॑ ।
 ताः पु॒रस्ता॑-दुप॒दधा॑ति । ए॒ता वै ब्र॑ह्मवर्च॒स्या आपः॑ ।
 मुख॑त ए॒व ब्र॑ह्मवर्च॒स-मवरु॑न्धे ।
 तस्मान्-मुख॑तो ब्र॒ह्मवर्च॑सितरः । 99 (10)

T.A.1.24.2

कू॒प्या गृ॒ह्णाति । ता दक्षि॑णत उप॒दधाति । ए॒ता वै ते॒जस्वि॑नीरा॒पः ।
 तेज॑ ए॒वास्य॑ दक्षि॑णतो द॒धाति । तस्मा॑द् दक्षि॑णोर्ध्वं ऽस्तेज॑स्वितरः ।
 स्था॒वरा गृ॒ह्णाति । ताः पश्चा॑दुप॒दधाति ।
 प्रति॑ष्ठिता वै स्था॒वराः ।
 पश्चा॑देव प्रति॑तिष्ठति । वह॑न्तीर् गृ॒ह्णाति । 100 (10)

T.A.1.24.3

ता उत्तर॑त उप॒दधाति ।
 ओज॑सा वा ए॒ता वह॑न्तीरिवोद्-गती॑रिव आकू॑जतीरिव धाव॑न्तीः ।
 ओज॑ ए॒वास्यो॑त्तरतो द॒धाति ।
 तस्मा॑दुत्तरो॑र्ध्वं ओज॑स्वितरः । सं॒भार्या॑ गृ॒ह्णाति ।
 ता मध्य॑ उप॒दधाति । इ॒यं वै सं॒भार्याः॑ । अस्या॑मेव प्रति॑तिष्ठति ।
 प॒ल्वल्या॑ गृ॒ह्णाति । ता उप॑रि॒ष्टा-दु॒पाद॑धाति । 101 (10)

T.A.1.24.4

असौ॑ वै प॒ल्वल्याः॑ । अ॒मुष्या॑मेव प्रति॑तिष्ठति । दिक्षू॑प॒दधाति॑ ।
 दिक्षु॑ वा आ॒पः । अन्नं॑ वा आ॒पः । अ॒द्भ्यो वा अन्न॑ज्जायते ।

यदे॒वाद्भ्यो॑-ऽन्नं॑ जा॒यते॑ । तद॒वरु॑न्धे ।

तं॑ वा ए॒तम॑रुणाः के॒तवो॑ वा॒तर॑श॒ना ऋ॑षयो-ऽचि॒न्वन् ।

तस्मा॑-दा॒रुण॑ के॒तुकः॑ । 102 (10)

तदे॒षाऽभ्य॑नू॒क्ता । के॒तवो॑ अ॒रुणा॑सश्च ।

ऋ॑षयो वा॒तर॑श॒नाः । प्र॒तिष्ठा॑ श॒तधा॑ हि ।

स॒माहि॑ता॒सो स॒हस्र॑धा॒यस॑मि॒ति । श॒तश॑श्चै॒व ऽस॒हस्र॑शश्च प्र॒ति॒तिष्ठ॑ति ।

य ए॒तम॑ग्नि॒ज्जि॑नु॒ते । य उ॒चै॒नमे॒वं वे॑द । 103 (8)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 24 ॥

T.A.1.25.1

जा॒नुद॑घ्नी-मु॒त्तर॑वेदी॒ङ्घ्रा॒त्वा । अ॒पां पू॑रयति । अ॒पां॑ स॒र्वत्वा॑य ।

पु॒ष्कर॑पर्णं॑ रु॒क्मं पु॑रुष-मि॒त्यु॒पद॑धाति । तपो॑ वै पु॒ष्कर॑पर्णं ।

स॒त्यं॑ रु॒क्मः । अ॒मृतं॑ पु॒रुषः॑ । ए॒ताव॑द्वा वा॒स्ति । या॒वदे॑तत् ।

या॒वदे॑वास्ति । 104 (10)

T.A.1.25.2

तदवरुन्धे । कूर्ममुपदधाति । अपामेव मेधमवरुन्धे ।
 अथो॑ स्वर्गस्य॑ लोकस्य॑ समष्ट्यै॑ । आपमापामपः॑ सर्वाः॑ ।
 अस्मादस्मा॑ दितोऽमुतः॑ । अग्निर्वायुश्च॑ सूर्यश्च॑ ।
 सह सञ्चस्करर्द्धिया॑ इति॑ । वाय्वश्चा॑ रश्मिपतयः॑ ।
 लोकं॑ पृणच्छिद्रं॑ पृण । 105 (10)

T.A.1.25.3

यास्तिस्रः॑ परमजाः॑ । इन्द्रघोषा॑ वो वसुभि॑ रेवा ह्येवेति॑ ।
 पञ्च॑ चितय॑ उपदधाति । पान्तोऽग्निः॑ ।
 यावानेवाग्निः॑ । तज्जिनुते॑ । लोकं॑ पृणया॑ द्वितीया-मुपदधाति॑ ।
 पञ्चपदा॑ वै विराट् । तस्या॑ वा इयं॑ पादः॑ । अन्तरिक्षं॑ पादः॑ ।
 द्यौः॑ पादः॑ । दिशः॑ पादः॑ । परोरजाः॑ पादः॑ । विराज्येव॑ प्रतितिष्ठति॑ ।
 य एतमग्निन्चिनुते॑ । य उचैनमेवं॑ वेद । 106 (16)
 श्री छाया-सुवर्चलाम्बा समेत श्री सुर्यनारायण स्वामिने नमः ।
 ॐ नमो नारायणाय ॥ 25 ॥

T.A.1.26.1

अ॒ग्निं प्र॒णीयो॑प-स॒माधा॑य । तम॒भित॑ ए॒ता अ॒भीष्ट॑का उ॒प॒द॒धाति॑ ।
 अ॒ग्नि॒हो॒त्रे द॑र्शपूर्ण-मा॒स॒योः॑ । प॒शुब॑न्धे चा॒तुर्मा॒स्येषु॑ । अ॒थो आ॑हुः ।
 स॒र्वेषु॑ य॒ज्ञक्र॑तुष्वि॒ति । अ॒थ ह॑स्मा हा॒रुणः॑ स्वा॒यम्भु॑वः ।
 सा॒वि॒त्रः स॒र्वोऽग्नि॑-रि॒त्यन॑नुषङ्गं म॒न्याम॑हे ।
 ना॒ना वा ए॒तेषां॑ वी॒र्या॑णि । क॒म॒ग्निज्चि॑नुते । 107 (10)

T.A.1.26.2

स॒त्रि॒य म॒ग्निज्चि॑न्वानः । क॒म॒ग्निज्चि॑नुते । सा॒वि॒त्र म॒ग्निज्चि॑न्वानः ।
 क॒म॒ग्निज्चि॑नुते । ना॒चि॒के॒त म॒ग्निज्चि॑न्वानः । क॒म॒ग्निज्चि॑नुते ।
 चा॒तुर्. हो॒त्रि॒य-म॒ग्निज्चि॑न्वानः । क॒म॒ग्निज्चि॑नुते ।
 वै॒श्व॒सृ॒ज म॒ग्निज्चि॑न्वानः । क॒म॒ग्निज्चि॑नुते । 108 (10)

T.A.1.26.3

उ॒पा॒नु॒वा॒क्य-मा॒शु म॒ग्निज्चि॑न्वानः । क॒म॒ग्निज्चि॑नुते ।
 इ॒म॒मा॒रु॒ण-के॒तु॒क म॒ग्निज्चि॑न्वान इति । वृ॒षा वा अ॒ग्निः ।
 वृ॒षा॒णौ स॒स्फा॑लयेत् । ह॒न्ये॒ता॒स्य य॒ज्ञः । तस्मा॑न्ना॒नुष॑ज्यः ।
 सो॒त्तर॑वेदिषु क्र॒तुषु॑ चि॒न्वी॒त । उ॒त्तर॑वेद्या॒ ह्यग्नि॑श्ची॒यते॑ ।
 प्र॒जा॒का॒मश्चि॑न्वी॒त । 109 (10)

T.A.1.26.4

प्रा॒जाप॒त्यो वा ए॒षोऽग्निः॑ । प्रा॒जाप॒त्याः प्र॒जाः । प्र॒जावा॑न् भवति ।
 य ए॒वं वै॑द । प॒शुका॑मश्चिन्वीत । सं॒ज्ञानं॑ वा ए॒तत् प॒शूनां॑ । यदा॑पः ।
 प॒शूनामे॒व सं॒ज्ञाने॑ ऽग्नि॒ञ्चिनु॑ते । प॒शुमा॑न् भवति ।
 य ए॒वं वै॑द । 110 (10)

T.A.1.26.5

वृ॒ष्टिका॑मश्चिन्वीत । आ॒पो वै वृ॒ष्टिः । प॒र्जन्यो॑ वर्॒षुको॑ भवति ।
 य ए॒वं वै॑द । आ॒मया॑वी चिन्वीत । आ॒पो वै भे॑षजं ।
 भे॑षज-मे॒वास्मै॑ करोति । सर्वा॑मायुरेति । अ॒भिच॑र॒श्चिन्वी॑त ।
 वज्रो॑ वा आ॒पः । 111 (10)

T.A.1.26.6

वज्र॑मे॒व भ्रातृ॑व्येभ्यः प्र॒हरति॑ । स्तृ॒णुत॑ ए॒नं । तेज॑स्कामो यश॑स्कामः ।
 ब्र॒ह्मव॑र्चसकामः स्व॒र्गका॑मश्चिन्वीत । ए॒ता व॒द्वा वा॑स्ति । याव॑दे॒तत् ।
 याव॑दे॒वास्ति॑ । तद॑वरुन्धे । तस्यै॑ तद्व॒रतं॑ ।
 वर्॒षति॑ न धावेत् । 112 (10)

T.A.1.26.7

अ॒मृतं॑ वा आपः॑ । अ॒मृत॑स्या-न॒न्तरि॑त्यै । ना॒प्सु-मू॒त्रपु॑रीष॒ङ्कुर्यात्॑ ।
 न नि॒ष्ठीवे॑त् । न वि॒वस॑नः स्ना॒यात् । गु॒ह्यो वा ए॒षोऽग्निः॑ ।
 ए॒तस्या॒ग्ने र॑नति दाहाय । न पु॒ष्कर॑पर्णानि हि॒रण्यं॑ वाऽधि॒तिष्ठे॑त् ।
 ए॒तस्या॒ग्ने-र॑नभ्या॒रोहा॑य । न कूर्म॑स्या॒श्नीया॑त् ।
 नो॒दक॑स्या-घा॒तुकान्ये॑न-मो॒दका॑नि भवन्ति । अ॒घातु॑का आपः॑ ।
 य ए॒तम॒ग्निन्चि॑नुते । य उ॒चैन॑मे॒वं वे॑द । 113 (14)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 26 ॥

T.A.1.27.1

इ॒मा नु॑कं भु॒वना॑ सी॒षधे॑म । इ॒न्द्रश्च॑ वि॒श्वेच॑ दे॒वाः ।
 य॒ज्ञञ्च॑ न॒स्तन्व॑ञ्च प्र॒जाञ्च॑ । आ॒दित्यै॑रि॒न्द्रः स॒ह सी॑षधातु ।
 आ॒दित्यै॑रि॒न्द्रः स॒गणो॑-म॒रुद्भिः॑ । अ॒स्माकं॑ भू॒त्ववि॑ता त॒नूनां॑ ।
 आ॒प्लव॑स्व प्र॒प्लव॑स्व । आ॒ण्डी भ॑व ज मा मु॒हुः ।
 सु॒खादी॑न्दुः ख॒निध॑नां । प्र॒तिमु॑ञ्चस्व स्वां पु॒रं । 114 (10)

T.A.1.27.2

मरी॑चयः स्वायं॑भुवाः । ये शरी॑राण्य॑ कल्पयन् । ते ते देह॑ङ्कल्पयन्तु ।
 मा च॑ ते ख्या॑ स्म तीरिषत् । उत्तिष्ठ॑त मा स्वप्त ।
 अग्नि॑-मिच्छ॑ध्वं भार॑ताः । राज्ञः॑ सोम॑स्य तृप्ता॑सः ।
 सूर्ये॑ण सयु॑जोषसः । युवा॑ सुवा॑साः । अष्टा॑चक्रा॑ नव॑द्वारा । 115 (10)

T.A.1.27.3

देवानां॑ पूरयो॑ध्या । तस्या॑ हिरण्म॑यः कोशः ।
 स्वर्गो॑ लोको॑ ज्योतिषा॑ ऽऽवृतः । यो वै तां॑ ब्रह्म॑णो वेद ।
 अमृ॑तेनावृ॑तां पुरीं॑ । तस्मै॑ ब्रह्म॑ च ब्रह्मा॑ च ।
 आयुः॑ कीर्तिं॑ प्रजान्दुः । विभ्राज॑माना॑ हरि॑णीं ।
 यश॑सा संपरी॑वृतां । पुर॑ हिरण्म॑यीं ब्रह्मा॑ । 116 (10)

T.A.1.27.4

विवेशा॑पराजिता । पराङ्गे॑त्य ज्यामयी॑ । पराङ्गे॑त्य नाश॑की ।
 इह॑ चामु॑त्र चान्वेति॑ । विद्वान् दे॒वासुरा॑नुभ॒यान् । यत्कु॑मारी॑ मन्द्र॑यते ।
 यद्योषि॑द्य-त्यति॑व्रता । अरि॑ष्टं यत्किञ्च॑ क्रियते॑ । अग्नि॑-स्तदनु॑ वेधति ।
 अशृ॑तासः शृ॑तासश्च । 117 (10)

T.A.1.27.5

यज्ज्वानो॑ येऽप्ययज्वनः॑ । स्वर्यन्तो॑ नापेक्षन्ते॑ ।
 इन्द्र-मग्निञ्च॑ ये विदुः॑ । सिकता॑ इव सँयन्ति॑ ।
 रश्मिभिः-समुदीरिताः॑ ।

अस्मा-ल्लोकाद-मुष्माच्च॑ । ऋषिभि-रदात्-पृश्निभिः॑ ।
 अपेत॑ वीत॑ वि च सर्पतातः॑ । येऽत्र॑ स्थ पु॒राणा॑ ये च नूतनाः॑ ।
 अहोभि-रद्भि-रक्तुभि-र्व्यक्तं॑ । 118 (10)

T.A.1.27.6

यमो॑ ददात्व-वसानमस्मै॑ । नृ मुणन्तु॑ नृ पात्वर्यः॑ ।
 अकृष्टा॑ ये च कृष्टजाः॑ । कुमारीषु॑ कनीनीषु॑ । जारिणीषु॑ च ये हिताः॑ ।
 रेतः॑ पीता॑ आण्डपीताः॑ । अङ्गारेषु॑ च ये हुताः॑ । उभयान् पुत्र॑ पौत्रकान् ।
 युवेऽहं॑ यमराजगान् । शतमिन्नु॑ शरदः॑ । 119 (10)

अदो॑ यद्ब्रह्म॑ विलबं॑ । पितृणाञ्च॑ यमस्य॑ च । वरुण-स्याश्विनो-रग्नेः॑ ।
 मरुताञ्च॑ विहायसां॑ । कामप्रयवणं॑ मे अस्तु॑ । स ह्येवास्मि॑ सनातनः॑ ।
 इति॑ नाको॑ ब्रह्मिश्रवो॑ रायो॑ धनं॑ । पुत्रानापो॑ देवीरिहाहिताः॑ । 120 (8)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 27 ॥

T.A.1.28.1

वि॒शी॒र्ष्णीं॑ गृ॒ध्र-शी॒र्ष्णीञ्च॑ । अ॒पे॒तो॑ नि॒र्ऋ॒ति॒ ह॒थः॑ ।

प॒रि॒बा॒ध॒ श्वे॒तकु॒क्षं॑ । नि॒जङ्घ॑ श॒बलो॑द॒रं । स॒ तान्॑ वा॒च्याय॑या स॒ह ।

अ॒ग्ने॒ ना॒शाय॑ स॒न्दृ॒शः॑ । ई॒र्ष्या॑सू॒ये बु॒भु॒क्षां॑ । म॒न्युं कृ॒त्यां च॑ दी॒धिरे॑ ।

र॒थेन॑ कि॒शु॒काव॑ता । अ॒ग्ने॒ ना॒शाय॑ स॒न्दृ॒शः॑ । 121 (10)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 28 ॥

T.A.1.29.1

प॒र्जन्या॑य प्र॒गाय॑त । दि॒वस्पु॑त्राय॒ मी॒ढुषे॑ । स॒ नो॑ य॒वस॑मिच्छतु ।

इ॒दं व॑चः प॒र्जन्या॑य स्व॒राजे॑ । ह॒दो अ॒स्त्वन्त॑रन्त-द्यु॒योत॑ ।

म॒योभू॑र्वा॒तो वि॒श्वकृ॑ष्टयः स॒न्त्वस्मे॑ । सु॒पिप्प॑ला ओष॒धीर् दे॒वगो॑पाः ।

यो गर्भ॑-मोष॒धीनां॑ । ग॒वाङ्कृ॑णोत्य॒र्वतां॑ । प॒र्जन्यः॑ पु॒रुषी॑णां । 122 (10)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 29 ॥

T.A.1.30.1

पुन॑र्मा॒मैत्वि॑न्द्रि॒यं । पुन॑रा॒युः पुन॑र्भगः । पुन॑र् ब्रा॒ह्मण॑-मैतु मा ।
 पुन॑र् द्र॒विण॑ मैतु मा । यन्मे॒ऽद्य॑ रे॒तः पृ॒थि॒वीम॑स्क्रान् ।
 यदो॑ष॒धीर॑प्य॒सरद्-यदा॑पः । इ॒दन्त॑त् पुन॑राददे ।
 दी॒र्घायु॑त्वाय॒ वर्च॑से । यन्मे॒ रेतः॑ प्र॒सि॒च्यते॑ ।
 यन्म॒ आजा॑यते पुनः । तेन॑ मा॒ममृ॑तं कुरु । तेन॑ सु॒प्रज॑सङ्कुरु । 123 (12)
 श्री छाया-सुवर्चलाम्बा समेत श्री सुर्यनारायण स्वामिने नमः ।
 ॐ नमो नारायणाय ॥ 30 ॥

T.A.1.31.1

अ॒द्भ्य-स्ति॑रो॒धा जा॑यत । तव॑ वै॒श्रव॑णः सदा । ति॒रो धे॑हि स॒पत्नान्नः॑ ।
 ये अ॒पोऽश्न॑न्ति केचन । त्वा॒ष्ट्रीं मा॒यां वै॑श्रवणः ।
 रथ॑ꣳ स॒हस्र॑ वन्धुरं । पु॒रुश्च॑क्रꣳ स॒हस्रा॑श्वं ।
 आ॒स्था या॑याहि नो बलिं । यस्मै॑ भू॒तानि॑ ब॒लिमा॑वहन्ति ।
 धन॑ङ्गा॒वो ह॑स्ति हि॒रण्य॑मश्वान् । 124 (10)

T.A.1.31.2

अ॒साम॑ सु॒मतौ॑ य॒ज्ञिय॑स्य । श्रि॒यं बि॑भ्रतो ऽन्न॒मुखीं॑ वि॒राजं॑ ।
 सु॒दर्श॑ने च क्रौ॒ञ्चे च॑ । मै॒नागे॑ च म॒हागि॑रौ । श॒त॒द्वा॒टार॑गमन्ता ।

स॒हा॒र्यं॑ न॒गरं॑ त॒व । इति॑ मन्त्राः॑ । कल्पो॑ऽत ऊ॒र्ध्वं॑ । यदि॑ ब॒लि॒ऽ ह॒रेत्॑ ।
 हि॒र॒ण्य॒ना॒भये॑ वि॒तु॒दये॑ कौ॒बे॒रा॒यायं॑ ब॒लिः॑ । 125 (10)

T.A.1.31.3

सर्व॑भू॒ताधि॑प॒तये॑ न॒म इति॑ । अथ॑ ब॒लि॒ऽ ह॒त्वो॑प॒तिष्ठे॑त ।
 क्ष॒त्रं क्ष॒त्रं वै॑श्र॒वणः॑ । ब्रा॒ह्म॒णा व॒य॒ऽ स्मः॑ ।
 न॒मस्ते॑ अ॒स्तु मा॑ मा॒ हि॒ऽसीः॑ । अ॒स्मात् प्र॑वि॒श्या॒न्नम॑ब्धीति ।
 अथ॑ त॒मग्नि॑-मा॒दधी॑त । यस्मि॑न्ने तत्क॑र्म प्र॒युज्जी॑त ।
 ति॒रो॒धा भूः॑ । ति॒रो॒धा भुवः॑ । 126 (10)

T.A.1.31.4

ति॒रो॒धाः स्वः॑ । ति॒रो॒धा भूर्भु॑वस्स्वः॑ ।
 स॒र्वेषां॑ लो॒का॒ना-मा॑धि॒पत्ये॑ सी॒देति॑ । अथ॑ त॒मग्नि॑-मि॒न्धी॑त ।
 यस्मि॑न्ने तत्क॑र्म प्र॒युज्जी॑त । ति॒रो॒धा भूः॑ स्वा॒हा॑ ।
 ति॒रो॒धा भुवः॑ स्वा॒हा॑ । ति॒रो॒धाः स्वः॑ स्वा॒हा॑ ।
 ति॒रो॒धा भूर्भु॑वस्स्वस्स्वा॒हा॑ ।
 यस्मि॑न्नस्य॒ काले॑ स॒र्वा आ॑हु॒तीर् हु॒ता भ॑वेयुः । 127 (10)

T.A.1.31.5

अ॒पि ब्रा॒ह्मण॑मु॒खीनाः॑ । तस्मि॑न्न॒हः का॒ले प्र॑यु॒ञ्जीत॑ ।
 परः॑ सु॒प्तज॑ना॒द्वेपि॑ । मा स्म॑ प्र॒माद्य॑न्त॒ माध्या॑पयेत् ।
 सर्वा॑र्थाः सिद्ध्य॑न्ते । य ए॒वं वे॒द । क्षु॒ध्य-न्नि॑दम॒जान॑तां ।
 सर्वा॑र्था न सिद्ध्य॑न्ते । यस्ते॑ वि॒घातु॑को भ्रा॒ता ।
 ममा॑न्तर्. हृद॑ये श्रि॒तः । 128 (10)

T.A.1.31.6

तस्मा॑ इ॒मम॑ग्र पि॒ण्डञ्जु॑होमि । स मे॑ऽर्था॒न् मा वि॑व॒धीत् ।
 मयि॑ स्वा॒हा । रा॒जाधि॑रा॒जाय॑ प्रस॒ह्य सा॒हिने॑ ।
 नमो॑ व॒यं वै॑श्र॒वणाय॑ कुर्म॒हे ।
 स मे॑ का॒मान् काम॑ का॒माय॑ म॒ह्यं । का॒मेश्व॑रो वै॒श्रव॑णो द॒दातु॑ ।
 कु॒बेरा॑य वै॒श्रव॑णाय । म॒हारा॑जाय नमः॑ । के॒तवो॑ अरु॒णास॑श्च ।
 ऋ॒षयो॑ वा॒तर॑श॒नाः । प्र॒तिष्ठा॑ञ् श॒तधा॑ हि ।
 स॒माहि॑ता॒सो स॒हस्र॑धा॒यसं॑ । शि॒वा नः॑ श॒न्त॒मा भ॑वन्तु ।
 दि॒व्या आ॒प ओष॑धयः । सु॒मृ॒डीका॑ सर॒स्वति॑ ।
 मा ते॑ व्यो॒म स॒न्दृशि॑ । 129 (17)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 31 ॥

T.A.1.32.1

सम्॑व॒थ्स॒रमे॑तद् व्र॒तञ्च॑रेत् । द्वौ॑ वा मा॒सौ । निय॑मः स॒मा॒सेन॑ ।

तस्मिन्॑ निय॑म॒ वि॒शेषाः॑ । त्रि॒षव॑ण-मु॒दको॑पस्पर्॒शी ।

चतु॑र्थ॒ काल॑पा॒नभ॑क्तः स्यात् । अ॒हर॒हर्वा॑ भै॒क्षम॑श्नीयात् ।

औ॒दु॒म्बरी॑भिः स॒मिद्धि॑-र॒ग्निं॑ परि॒चरे॑त् ।

पुन॑र्मा॒ मैत्वि॑न्द्रि॒य-मि॒त्येते॑ना-ऽनु॒वाके॑न ।

उद्ध॑त॒ परि॑पू॒ताभि॑र॒द्धिः॑ का॒र्यं॑ कुर्वी॒त । 130 (10)

T.A.1.32.2

अ॒सञ्च॑य॒वान् । अ॒ग्नये॑ वा॒यवे॑ सू॒र्याय॑ । ब्र॒ह्म॒णे प्र॑जाप॒तये॑ ।

च॒न्द्र॒म॒से न॑क्ष॒त्रेभ्यः॑ । ऋ॒तुभ्यः॑ स॒म्॒व॒थ्स॒राय॑ । व॒रु॒णा-या॑रुणायेति

व्र॒त॒हो॒माः । प्र॒व॒र्ग्य॒वदा॑देशः । अ॒रु॒णाः का॑ण्ड॒ ऋ॒षयः॑ ।

अ॒रण्ये॑ऽधी॒यीर॑न् । भ॒द्रं॒कर्णे॑भिरिति द्वे ज॒पित्वा॑ । 131 (10)

T.A.1.32.3

म॒हा॒ना॒म्नी॒भि-रु॑द॒कं स॑स्प॒श्य । त॒माचा॑र्यो दद्यात् ।

शि॒वानः॑ श॒न्तमे॑-त्योष॒धीरा॑ल॒भते॑ । सु॒मृ॒डीके॑ति भू॒मिं । ए॒वम॑प॒वर्गे॑ ।

धे॑नुर् द॒क्षि॒णा । क॒ञ् सम॑वा॒सश्च॑ क्षौ॒मं । अ॒न्य॒द्वा शु॒क्लं ।

य॒था श॒क्ति॒ वा । ए॒व॒ स्वा॒ध्याय॑ ध॒र्मे॒ण । अ॒र॒ण्येऽधी॑यी॒त ।

तप॑स्वी पु॒ण्यो भ॑वति तप॑स्वी पु॒ण्यो भ॑वति । 132 (12)

श्री छाया-सुवर्चलाम्बा समेत श्री सुर्यनारायण स्वामिने नमः ।

ॐ नमो नारायणाय ॥ 32 ॥

ॐ । भ॒द्रं क॑र्णे॒भिः शृ॑णु॒याम॑ दे॒वाः । भ॒द्रं प॑श्ये॒माक्ष॑भिर् य॒ज॒त्राः ।

स्थि॒रैरङ्गै॑स्तुष्टु॒वाञ् स॑स्त॒नूभिः॑ । व्य॒शेम॑ दे॒वहि॑तं यँ॒दायुः॑ ।

स्व॒स्ति न॒ इन्द्रो॑ वृ॒द्धश्र॑वाः । स्व॒स्ति नः॑ पू॒षा वि॒श्ववे॑दाः ।

स्व॒स्ति न॒स्ताक्ष॑र्यो अ॒रिष्ट॑नेमिः । स्व॒स्ति नो॒ बृह॑स्पति॒र् दधा॑तु ॥ 133

ॐ शान्तिः॑ शान्तिः॑ शान्तिः॑ ॥

6 त्रिणाचिकेतं

T.B. 3.11.7.1

अ॒यं वा॑व॒ यः प॑वते । सौ॒ऽग्नि॑र् ना॒चिके॑तः । स॒ यत् प्रा॑ङ् प॑वते ।
तद॒-स्य॑ शि॒रः । अथ॑ यद् दक्षि॑णा । स॒ दक्षि॑णः पक्षः ।
अथ॑ यत् प्र॒त्यक् । तत् पु॒च्छं ॥ यदु॑दङ् । स॒ उत्तरः॑ पक्षः ॥

T.B. 3.11.7.2

अथ॑ यथ् स॒म्व॑ति । तद॒स्य स॒मञ्च॑नं च प्र॒सार॑णं च ।
अथो॑ संप॒देवा॑स्य सा । स॒ ह वा अ॑स्मै स॒ कामः॑ प॒द्यते॑ ।
यत् का॒मो य॑जते । यो॒ऽग्निं॑ ना॒चिके॑तं चि॒नुते॑ ।
य उ॒चैन॑-मे॒वं वै॑द । यो ह॒ वा अ॒ग्नेर् ना॒चिके॑त-स्या॒यत॑नं प्र॒तिष्ठां॑ वै॒द ।
आ॒यत॑नवान् भवति । गच्छ॑ति प्र॒तिष्ठां॑ ॥

T.B. 3.11.7.3

हि॒रण्यं॑ वा॒ अग्ने॑र् ना॒चिके॑त-स्या॒यत॑नं प्र॒तिष्ठा॑ । य ए॒वं वै॑द ।
आ॒यत॑नवान् भवति । गच्छ॑ति प्र॒तिष्ठां॑ ।
यो ह॒वा अ॒ग्नेर् ना॒चिके॑तस्य शरी॒रं वै॑द ।
स शरी॒र ए॒व स्व॒र्गं लो॒कमे॑ति । हि॒रण्यं॑ वा॒ अग्ने॑र् ना॒चिके॑तस्य शरी॒रं ।

य ए॒वं वे॒द । स शरी॑र ए॒व स्वर्गं॑ लो॒कमे॑ति ।
अथो॒ यथा॑ रु॒क्म उ॒त्-त॒प्तो भा॒य्यात् ॥

T.B. 3.11.7.4

ए॒वमे॒व स ते॒जसा॑ यश॒सा । अ॒स्मिञ्च॑ लो॒के-ऽमु॒ष्मिञ्च॑ भा॒ति ।
उ॒रवो॑ ह वै ना॒मैते॑ लो॒काः । ये ऽव॑रेणादित्यं ।
अथ॑ है॒ते वरी॑याञ्सो लो॒काः । ये प॑रेणादित्यं ।
अ॒न्तव॑न्तञ् ह॒वा ए॒ष क्ष॑य्यं लो॒कं ज॑यति । योऽव॑रेणादित्यं ।
अथ॑ है॒षो ऽन॑न्त-म॒पार-म॑क्षय्यं लो॒कं ज॑यति । यः प॑रेणादित्यं ॥

T.B. 3.11.7.5

अ॒नन्त॑ञ् ह॒वा अ॒पार-म॑क्षय्यं लो॒कं ज॑यति ।
यो॑ ऽग्निं॑ ना॒चिके॑तं चि॒नुते॑ । य उ॒चैन॑-मे॒वं वे॒द ।
अथो॒ यथा॑ रथे॒ तिष्ठ॑न् पक्ष॒सी पर्या॑वर्त्त॒माने॑ प्र॒त्यपे॑क्षते ।
ए॒व-म॑हो॒रात्रे॑ प्र॒त्यपे॑क्षते । ना॒स्याहो॑रा॒त्रे लो॒कमा॑प्नुतः ।
यो॑ ऽग्निं॑ ना॒चिके॑तं चि॒नुते॑ । य उ॒चैन॑-मे॒वं वे॒द ॥

T.B. 3.11.8.1

उ॒शन् ह॒ वै वा॒जश्र॑वसः॒ सर्व॑वेद॒सं द॑दौ ।
 तस्य॑ ह॒ नचि॑केता॒ नाम॑ पु॒त्र आ॑स ।
 त॒ञ् ह॒ कु॒मा॒रञ् स॑न्तं॑ । दक्षि॑णासु नीय॑मानासु श्र॒द्धावि॑वेश ।
 स हो॑वाच । तत॑ कस्मै॒ मां दा॑स्यसीति ।
 द्वि॒तीयं॑ तृ॒तीयं॑ । त॒ञ् ह॒ परी॑त उवाच ।
 मृ॒त्यवे॑ त्वा द॒दामी॑ति । त॒ञ् ह॒ स्मो-त्थि॑तं वा॒गभि॑वदति ॥

T.B. 3.11.8.2

गौ॑तम॒ कु॒मा॒र-मि॑ति । स हो॑वाच । परे॑हि मृ॒त्योर् गृ॒हान् ।
 मृ॒त्यवे॑ वै त्वाऽदा॒-मि॑ति । तं वै प्र॒वस॑न्तं गन्ता॒-सीति॑ होवाच ।
 तस्य॑ स्म तिस्रो॒ रात्री॑-र॒नाश्चान् गृ॒हे व॑सतात् ।
 स यदि॑ त्वा पृ॒च्छेत् । कु॒मा॒र क॑ति रात्री॒-रवा॑त्सी-रिति ।
 तिस्र॑ इति॒ प्रति॑ ब्रू॒तात् । किं प्र॑थ॒माञ् रा॒त्रि-मा॑र॒णा इति॑ ॥

T.B. 3.11.8.3

प्र॒जां त॒ इति॑ । किं द्वि॒तीया॑-मिति ।
 प॒शूञ्स्त॒ इति॑ । किं त्रि॒तीया॑-मिति ।

सा॒धुकृ॒त्यां त॒ इति॑ । तं॒ वै प्र॒वस॑न्तं जगाम ।
 तस्य॑ ह॒ तिस्रो॑ रा॒त्री-र॒नाश्वा॑न् गृ॒ह उ॒वास । त-मा॑गत्य पप्रच्छ ।
 कु॒मा॒र क॒ति रा॒त्री-र॒वा॒थसी॑-रि॒ति । ति॒स्र इति॑ प्र॒त्युवा॑च ॥

T.B. 3.11.8.4

किं॑ प्र॒थमा॑ꣳ रा॒त्रि-मा॑श्ना इति॑ । प्र॒जां त॒ इति॑ ।
 किं॑ द्वि॒तीया॑-मि॒ति । प॒शूꣳस्त॒ इति॑ ।
 किं॑ त्रि॒तीया॑-मि॒ति । सा॒धु कृ॒त्यां त॒ इति॑ ।
 नम॑स्ते अस्तु॒ भगव॑ इति॒ हो-वा॑च । वरं॑ वृ॒णीष्वे॑-ति ।
 पि॒तर॑-मे॒व जी॒व-न्न॑यानीति॑ । द्वि॒तीयं॑ वृ॒णीष्वे॑-ति ॥

T.B. 3.11.8.5

इ॒ष्टापूर्॑त्तयो॒र् मेऽक्षि॑तिं ब्रू॒हीति॑ होवाच । तस्मै॑ है॒तम॑ग्निं नाचि॒केत॑-मुवाच ।
 ततो॑ वै तस्यै॑-ष्टापूर्॑त्ते ना क्षी॒येते॑ । नास्यै॑-ष्टापूर्॑त्ते क्षी॒येते॑ ।
 योऽग्निं॑ नाचि॒केतं॑ चि॒नुते॑ । य उ॑ चैन-मे॒वं वे॑द । तृ॒तीयं॑ वृ॒णीष्वे॑-ति ।
 पुन॑ मृ॒त्योर् मेऽप॑जितिं ब्रू॒हीति॑ होवाच ।
 तस्मै॑ है॒त-म॑ग्निं नाचि॒केत॑-मुवाच । ततो॑ वै सो॒प पुन॑र् मृ॒त्यु-म॑जयत् ॥

T.B. 3.11.8.6

अप॑ पुन॑र् मृ॒त्युं ज॑यति । योऽ॑ग्निं॑ नाचि॒केतं॑ चि॒नुते॑ । य उ॑ चैन-मे॒वं वे॑द ।
 प्र॒जाप॑ति॒ वै प्र॒जाका॑म-स्तपो॑ ऽतप्य॑त । स हि॒रण्य॑-मु॒दास्य॑त् ।
 त-द॒ग्नौ प्रा॑स्यत् । त-द॒स्मै ना॑च्छदयत् । तद् द्वि॒तीयं॑ प्रा॑स्यत् ।
 त-द॒स्मै नै॒वाच्छ॑दयत् । तत् तृ॒तीयं॑ प्रा॑स्यत् ॥

T.B. 3.11.8.7

त-द॒स्मै नै॒वाच्छ॑दयत् । त-दा॒त्म-न्ने॒व हृ॑दय्यै॒ऽग्नौ वै॑श्वा॒नरे॑ प्रा॑स्यत् ।
 त-द॒स्मा अ॑च्छदयत् । तस्मा॒द् हि॒रण्यं॑ क॒निष्ठं॑ ध॒नानां॑ ।
 भु॒ञ्जत् प्रि॒यत॑मं । हृ॒दय॑ज॒ञ् हि । स वै त॑मे॒व ना॑विन्दत् ।
 यस्मै॒ तां दक्षि॑णा-म॒नैष्य॑त् । ता॒ञ् स्वा॒यैव॑ ह॒स्ताय॑ दक्षि॒णाय॑नयत् ।
 तां प्र॑त्यगृह्णात् ॥

T.B. 3.11.8.8

दक्षाय॑ त्वा दक्षि॒णां प्र॑तिगृह्णामीति॑ । सो ऽदक्ष॑त दक्षि॒णां प्र॑तिगृह्य ।
 दक्ष॑ते ह॒ वै दक्षि॑णां प्र॒तिगृ॑ह्य । य ए॒वं वे॑द ।
 ए॒तद्ध॑ स्म॒ वै तद् वि॒द्वाञ् सो॑ वाज॒श्रव॑सा गो॒तमाः॑ ।
 अप्य॑नू॒दे॒श्यां दक्षि॑णां प्र॒तिगृ॑ह्णन्ति ।

उ॒भये॑न व॒यं द॑क्षि॒ष्याम॑ह ए॒व द॑क्षि॒णां प्र॑तिगृ॒ह्येति॑ ।
 तेऽद॑क्षन्त द॒क्षिणां॑ प्र॒तिगृ॑ह्य । दक्ष॑ते ह॒ वै द॑क्षि॒णां प्र॑तिगृ॒ह्य ।
 य ए॒वं वै॑द । प्र॒ हान्यं॑ ँली॒नाति॑ ॥

T.B. 3.11.9.1

त॒ं है॒त-मे॑के प॒शुब॑न्ध ऐ॒वो-त्त॑रवे॒द्यां चि॑न्वते ।
 उ॒त्तर॑वेदि स॒म्मित॑ ए॒षोऽग्नि॑रिति वदन्तः । तन्न॑ त॒था कु॑र्यात् ।
 ए॒त-म॒ग्निं का॑मे॒न व्य॑र्द्धयेत् । स ए॒नं का॑मे॒न व्यृ॑द्धः । का॑मे॒न व्य॑र्द्धयेत् ।
 सौ॒म्ये वा॒वै-न॑मध्व॒रे चि॑न्वीत । यत्र॑ वा भू॒यिष्ठा॑ आ॒हुत॑यो हू॒येर॑न् ।
 ए॒त-म॒ग्निं का॑मे॒न स॑म॒र्द्धय॑ति । स ए॒नं का॑मे॒न स॑मृद्धः ॥

T.B. 3.11.9.2

का॑मे॒न स॑म॒र्द्धय॑ति । अथ॑ है॒नं पु॒रर्ष॑यः ।
 उ॒त्तर॑वेद्या-मे॒व स॒त्रिय॑-मचि॒न्वत॑ । ततो॑ वै तेऽवि॒न्दन्त॑ प्र॒जां ।
 अ॒भि स्व॑र्गं लो॒क-म॑जयन् । वि॒न्दत॑ ए॒व प्र॒जां ।
 अ॒भि स्व॑र्गं लो॒कं ज॑यति । योऽग्निं॑ नाचि॒केतं॑ चि॒नुते॑ ।
 य उ॒ चैन॑-मे॒वं वै॑द । अथ॑ है॒नं वा॒युर् ऋ॑द्धि॒कामः॑ ॥

T.B. 3.11.9.3

यथा न्युप्त-मेवोपदधे । ततो वै स एता-मृद्धि-माद्धर्नोत् ।
 या-मिदं वायुर् ऋद्धः । एता-मृद्धि-मृद्धनोति । या-मिदं वायुर् ऋद्धः ।
 योऽग्निं नाचिकेतं चिनुते । य उ चैन-मेवं वेद ।
 अथ हैनं गोबलो वार्षाः पशुकामः । पाक्त-मेव चिक्व्ये ।
 पञ्च पुरस्तात् ॥

T.B. 3.11.9.4

पञ्च दक्षिणतः । पञ्च पश्चात् । पञ्चोत्तरतः । एकां मद्ध्ये ।
 ततो वै स सहस्रं पशून् प्राप्नोत् । प्र सहस्रं पशू-नाप्नोति ।
 योऽग्निं नाचिकेतं चिनुते । य उ चैन-मेवं वेद ।
 अथ हैनं प्रजापतिर् ज्यैष्ठ्यकामो यशस्कामः प्रजननकामः ।
 त्रिवृत-मेव चिक्व्ये ॥

T.B. 3.11.9.5

सप्त पुरस्तात् । तिस्रो दक्षिणतः । सप्त पश्चात् । तिस्र उत्तरतः ।
 एकां मद्धे । ततो वै स प्र यशो ज्यैष्ठ्य-माप्नोत् ।

ए॒तां प्र॒जा॒तिं प्रा॒जा॒यत । या॒मि॒दं प्र॒जाः प्र॒जा॒यन्ते ।

त्रि॒वृ॒द् वै ज्यै॒ष्ठ्यं॑ । मा॒ता पि॒ता पु॒त्रः ॥

T.B. 3.11.9.6

त्रि॒वृ॒त् प्र॒जन॑नं । उ॒प॒स्थो यो॒निर् म॒द्ध्य॒मा । प्र य॒शो ज्यै॒ष्ठ्य-मा॒प्नो॒ति ।

ए॒तां प्र॒जा॒तिं प्र॒जा॒यते । या-मि॒दं प्र॒जाः प्र॒जा॒यन्ते ।

यो॒ऽग्निं॑ ना॒चि॒के॒तं चि॒नु॒ते । य उ॒ चैन॑-मे॒वं वे॒द ।

अथ॑ है॒न-मि॒न्द्रो ज्यै॒ष्ठ्य॒का॒मः । ऊ॒र्ध्वा ए॒वो-प॒द॒धे ।

ततो॑ वै स ज्यै॒ष्ठ्य॒म॒गच्छ॑त् ॥

T.B. 3.11.9.7

ज्यै॒ष्ठ्यं गच्छ॑ति । यो॒ऽग्निं॑ ना॒चि॒के॒तं चि॒नु॒ते । य उ॒ चैन॑-मे॒वं वे॒द ।

अथ॑ है॒न-म॒सावा॑दि॒त्यः स्व॒र्ग॒का॒मः । प्रा॒ची-रे॒वोप॑द॒धे ।

ततो॑ वै सो॒ऽभि स्व॒र्गं लो॒क-म॑ज॒यत् । अ॒भि स्व॒र्गं लो॒कं ज॑यति ।

यो॒ऽग्निं॑ ना॒चि॒के॒तं चि॒नु॒ते । य उ॒ चैन॑-मे॒वं वे॒द । स यदी॑च्छेत् ॥

T.B. 3.11.9.8

ते॒ज॒स्वी य॒श॒स्वी ब्र॒ह्म॒वर्च॑सी स्या-मि॒ति । प्रा॒डाहो॑तुर् द्वि॒ष्ण्या-दु॒थ्स॑र्पेत् ।

ये॒यं प्रा॒गाद् य॒श॒स्वती॑ । सा मा॒ प्रो॒र्णो॑तु ।

तेजसा यशसा ब्रह्मवर्चसे-नेति ।

तेजस्-व्येव यशस्वी ब्रह्मवर्चसी भवति । अथ यदीच्छेत् ।

भूयिष्ठं मे श्रद्-दधीरन् । भूयिष्ठा दक्षिणा नयेयु-रिति ।

दक्षिणासु नीयमानासु प्राच्येहि प्राच्येही-ति प्राची जुषाणा वेत्वाज्यस्य
स्वाहेति सुवेणो-पहत्या-हवनीये जुहुयात् ॥

T.B. 3.11.9.9

भूयिष्ठ-मेवास्मै श्रद्-दधते । भूयिष्ठा दक्षिणा नयन्ति ।

पूरीष-मुपधाय । चितिक्लृप्तिभि-रभिमृश्य ।

अग्निं प्रणीयोप-समाधाय । चतस्र एता आहुतीर् जुहोति ।

त्वमग्ने रुद्र इति शतरुद्रीयस्य रूपं । अग्ना-विष्णू इति वसोर्धारायाः ।

अन्नपत इत्यन्न होमः ।

सप्त ते अग्ने समिधः सप्त जिह्वा इति विश्वप्रीः ॥

T.B. 3.11.10.1

यां प्रथमा-मिष्टका-मुपदधाति । इमं तया लोक-मभिजयति ।

अथो या अस्मिन् लोके देवताः ।

तासां सायुज्यं सलोकता-माप्नोति ।

यां द्वितीया-मुपदधाति । अन्तरिक्षं लोकं तया-ऽभिजयति ।

अथो या अन्तरिक्षं लोके देवताः ।

तासां सायुज्यं सलोकता-माप्नोति ।

यां तृतीया-मुपदधाति । अमुं तया लोक-मभिजयति ॥

T.B. 3.11.10.2

अथो या अमुष्मिन् लोके देवताः ।

तासां सायुज्यं सलोकता-माप्नोति ।

अथो या अमू-रितरा अष्टादश । य एवामी उरवश्च वरीयांसश्च लोकाः ।

तानेव ताभि-रभिजयति ।

कामचारो ह वा अस्योरुषु च वरीयस्सु च लोकेषु भवति ।

योऽग्निं नाचिकेतं चिनुते । य उ चैन-मेवं वेद ।

सम्वत्सरो वा अग्निर् नाचिकेतः । तस्य वसन्तः शिरः ॥

T.B. 3.11.10.3

ग्रीष्मो दक्षिणः पक्षः । वर्षा उत्तरः । शरत् पुच्छं ।

मासाः कर्मकाराः । अहोरात्रे शतरुद्रीयं । पर्जन्यो वसोर्धारा ।

यथा॑ वै पर्जन्यः॑ सुवृष्टं॑ वृष्ट्वा । प्रजा॑भ्यः सर्वान् कामान्त्सं॑ पूरयति ।
 ए॒व-मे॒व स तस्य॑ सर्वा॑न् कामान्त्सं॑ पूरयति ।
 यो॑ऽग्निं नाचिके॑तं चिनु॑ते ॥

T.B. 3.11.10.4

य उ॑ चैन-मे॒वं वे॑द । सम्॒वत्सरो॑ वा अ॒ग्निर् नाचिके॑तः ।
 तस्य॑ वसन्तः शिरः॑ । ग्रीष्मो॑ दक्षिणः पक्षः । वर्षाः॑ पुच्छं॑ ।
 शर-दु॑त्तरः पक्षः । हेम॑न्तो मद्ध्यं॑ ।
 पूर्व॑पक्षा-श्चितयः । अपर॑पक्षाः पुरीषं॑ । अहो॑रात्राणीष्टकाः ॥
 एष॑ वाव सौ॑ऽग्नि-र॒ग्निमयः॑ पुनर्णवः । अ॒ग्निमयो॑ ह वै पुनर्ण॑वो भू॒त्वा ।
 स्वर्गं॑ लो॒क-मे॑ति । आ॒दित्य॑स्य सायु॑ज्यं ।
 यो॑ऽग्निं नाचिके॑तं चिनु॑ते । य उ॑ चैन-मे॒वं वे॑द ॥

ओं शान्तिः॑ शान्तिः॑ शान्तिः॑ ॥